

ზ ა ქ ა რ ი ა ჭ ი ჭ ი ნ ა ქ ე

**ქართული ებრაელები
საქართველოში**

თფილისი

1904

63.3(0)

ქ 551

გამოსაცემად მოამზადა და გოლოსიტყვაობა დაურთო
ვ ა ხ ტ ა ნ ზ ჩ ი ქ ო ვ ა ნ ნ მ ა

© გამომცემლობა მეცნიერება
კოოპერატივი „არმაზი—89“, 1990

0502000000

8 _____

M 607(06)—90

Закария Чичинадзе
ГРУЗИНСКИЕ ЕВРЕИ В ГРУЗИИ
Тбилиси

გამომცემლობის რედაქტორი ნ. ავალიანი
მხატვარი გ. ლომიძე
ტექნორედაქტორი ნ. ზოიერია
კორექტორები ა. კაბაშვილი
ც. თოდუა

გადაეცა წარმოებას 20.11.90. ხელმოწერილია დასაბეჭდად
27.2.90. ქალაქის ზომა 60×90^{1/16}. ქალაქი № 1; ბეჭდვა
მალაღი. გარნიტურა ეენური. პირობითი საბეჭდო თაბახი
6 პირ. სალ. ვატ. 5,90. სააღრიცხვო-საგამომცემლო თაბახი
5,34. ეე 02334. ტირაჟი 100.000. შიკვეთა 8.

ფასი 2 მან. 50 კაპ.

საქართველოს სსრ ბეჭდვითი სიტყვის სახელმწიფო კომიტეტის № 1 სტამბა,
თბილისი, ჩუბინაშვილის ქ. 50.

Типография № 1 Государственного комитета Грузинской ССР
„საქართველო“, Тбилиси, ул. Чубинашвили, 50.

ქართველი ებრაელი

ამ შრომას წრფელის გულით ქუძღ-
ენი ჩემგან გულით პატივცემულს ქა-
რთველ მამულისშვილს ალექსანდრე
იოსების ძე ბერელაშვილს

ებრაელთა კვალი საქართველოში მეტად ძველის დროთაგან სჩანს. ებრაელთა ძველს მეისტორიებს ამის შესახებ ბევრი არაფერი აქ-
ვსთ. ქრისტეს წინა დროის, IV საუკ. მეისტორიე მაგოსფენი სწერს,
რომ ნაბუქოდონოსორ ბაბილონის მეფისაგან აოხრებულ ურიათა ერ-
თი ნაწილი შავი ზღვისკენ გადასახლდაო. ამ შემთხვევას ებრაელთა
ისტორიაშიც ასახელებენ გაკვრიო, მცირედ⁹. მხოლოდ საშუალ სა-
უკუნის ებრაელთა მოგზაურობის ნაწერებში სჩანს აქა-იქ თითო-ორ-
ოლა ცნობები ქართველ ებრაელთა ცხოვრების შესახებ. ერთმა
განათლებულმა ებრაელმა მაუწყა, რომ ქართველ ებრაელთა შესახებ
ძველ ებრაელთა მეისტორიებს ბევრი რამ ცნობები უწერიათო, მაგ-
რამ იმ ცნობებმა ჩვენს დრომდე ვერ მოაღწიესო, ჟამთა ვითარების
მეოხებით მოისპნენო. „ქართლის ცხოვრებაში“ ებრაელი მოხსენებუ-
ლი არიან მრავალ ალაგას.

ებრაელთა გარდმოსახლება საქართველოში ქრისტეს წინა დრო-
ებს ეკუთვნის, შვიდი საუკუნით უწინარეს, ანუ როცა ნაბუქოდონო-
სორ მეფე დაეცა ურიასტანს, ყოველივე ალაოხრა, იერუსალიმი წარ-
სტყვევნა და ებრაელნიც დაჰთანტა. აი, პირველად ამ დროს გადმოსა-
სლებულან საქართველოში ებრაელთა ძენი. საქართველოში ამათა
მოსვლის ამბავი ასეა მოხსენებული „ქართლის ცხოვრებაში“: „მა-
შინ ნაბუქოდონოსორ მეფემან წარმოსტყვევნა იერუსალიმ, და მუნ-
ით ოტებულნი ჰურიანი მოვიდეს ქართლს, მოითხოვეს მცხეთელ მა-
მასახლისისაგან ჭეყანა ხარკითა. ხოლო მცხეთელმან მამასახლისიმან

⁹ ისტორია ებრაელთა ერისა, რუსულს ენაზე დაბეჭდილია

მისცა და დახსნა არავესა ზედა, წყაროსა, რომელსა ჰქვიან ზანავი. და რომელ ქვეყანა აქენდათ მათ ხარკითა, აწ ქვიან ხერკ, ხარკისა მისთვის“.

ამ ცნობიდან სჩანს, რომ საქართველოში ებრაელები ისეთ დროს მოსულან, როცა ქართველებში მამასახლისური წესები არსებობდა, მისი გამგეობა რესპუბლიკურ გამგეობას გვანდა. მიტომაც არს, რომ ამათ მცხეთის უფროსი მამასახლისისათვის მიუპარათათ და ადგილები უთხოვნიათ საცხოვრებლად, რაისა გამო ივინი ხარკს გარდახდასაც დაპირებთან, ამის გამო შემდეგ დროში თვით ამ საცხოვრებელ ადგილსაც ხარკი სწოდებია. უნდა მოგახსენოთ, რომ ებრაელთა გადმოსახლება საქართველოში რამდენგზისმე უნდა მომხდარიყოს, მაინც ისტორიულათა შენიშნულია, რომ ურიასტანიდამ ებრაელები რამდენგზისამე იქმნენ დავნილნი, აქა-იქ წასულნი და დაპნეულნი თავიანთ სამშობლოს ქვეყნიდამ. ისრაელნი რომ საქართველოში სხვადასხვა დროს მოსულან, ესა სჩანს თვით ჩვენი ისტორიულის ცნობებიდამაც. ძველადვე ებრაელები საქართველოში იგოდენათ იყვენენ გამრავლებულნი, რომ როცა საქართველოში ალექსანდრე მაკედონელი შემოვიდა, მაშინ მას საქართველოში ურიათა ერთობ დიდი რიცხვი დაჰხვდა*. როგორცა სჩანს ცნობებიდან, ისრაელნი საქართველოში თავიანთ სჭულით ყოფილან შთენილნი, მათი მოდავე არავინ ყოფილა, იმ ყამად ქართველნიც არმაზს აღიარებდნენ.

მეორე გარდმოსახლებაც ყოფილა ქრისტეს წინეთ, როცა ურიასტანს ყოველივე ალაოხრეს და ისრაელნიც სდევნეს სასტიკათ. ამ დროს საქართველოში უნდა მოსულიყვენენ მეტად დიდი რიცხვი ებრაელთა, რომლის უმეტესი ნაწილი უნდა დასახლებულიყვენენ ლაზისტანს, მესხეთს, ჭავახეთს, ქართლს, იმერეთს, გურიას, ნამეტურ ქიზიყს, ბოდბისხევს. ეს რომ ასე უნდა იყოს, ამას გამოაჩენს სხვადასხვა ისტორიული ცნობებიც, რომელსაც ქვემოთ მოვიყვანთ. „ქართლის ცხოვრების“ თქმით**, საქართველოში ებრაელთა რიცხვი ძველადგანვე იგოდენით იყო მოფენილი და მათი ენა საერთოდ ისე იხმარებოდა, რაისა გამო, თვით ქართველთაც კი იცოდნენ ებრაული ენა ისე, როგორც ქართული. ამ გარდმოცემას ჩვენ მარტოდ „ქართლის ცხოვრების“ ცნობებზე ვამყარებთ, ვეროპიელთ მეისტორიეთ ეს ცნობა არსად აქვთ მოხსენებული.

მესამე გარდმოსახლების ხანა უნდა მომხდარიყოს ქრისტეს დაბა-

* „ქართ. ცხ.“ I ტ. გამოც. თბ. 1896.

** იქვე.

დების წინეთ 70 წლების არა უგვიანეს. შემდგომ ამის, საქართველოში მოდიან ქრისტეს ცხოვრების დროს და თვით იმ დროსაც, როცა კარსნელი მღვდელნი და მცხეთელნი ურიასტანში წავიდნენ და ქრისტეს საქმეებს დაესწრენ. უკანასკნელ გადმოსახლებულთ ებრაელნი დასახლდნენ დასავლეთ საქართველოში, სახელდობრ სადა, ეს ჩვენ არ ვიცით, ხოლო თქმულება არს, რომ ფანასკერტს უნდა ყოფილიყვნენ. ამ გადმოსახლებულთ რიცხვი მეტად დიდი ყოფილა, ზედმიწევნით ათი ათას სულამდის უნდა ყოფილიყოს, რადგანაც შემდეგ დროს, როდესაც რაღაც შემთხვევის გამო ფანასკერტიდამ ურიანი ქართლს გადმოსახლდნენ, მაშინ მართოთ ურიათა ორს მებატონე, ზაზას და ციცი, 3000 ჩუსტიანი ებრაელი გადმოყოლია. ზაზა და ციცი ნამდვილ ებრაელთა გვარის მებატონენი ყოფილან, მათივ სარწმუნოების მექონი. შემდეგ დროებში ეს მებატონენი საქართველოში ქართველთ მეფეებთან ამალღებულ იქმნენ და თავადისშვილობით დაჯილდოვებულნი. ამ ზაზა და ციციის შთამომავალთ აღიარებენ დღევანდელ ქართლში მცხოვრებ თავად ციციშვილებს. ქარელში ებრაელნიც სცხოვრობენ. ციციშვილები რომ ისრაელთა შთამომავალნი არიან, ამის ცნობები მათ გვარშიაც არს დაშთენილი. ამ გარემოებას ყურადღება მიაქცია ისრაელთა შთამომავალმა, გამოჩენილმა მხატვარმა ზიჩმატ. ციციშვილებში მიმოვლო, სხვადასხვა ცნობები შეკრიბა და თავის თავი პირდაპირ ციციშვილების სახლის კაცთ აღიარა.

როგორც სჩანს, ურიასტანიდამ როცა ისრაელთა გარდმოსახლება მომხდარა, გარდმოსახლებულთა შორის გლეხთა გარდა მებატონენიც ყოფილან, ე. ი. ისრაელთა გვარის შვილნი. იგინი თავიანთ ყმებს თან გამოჰყოლიან, ჟამთა ვითარების მეოხებით ასეთ ცნობებმა ჩვენ დრომდის ვერ მოაღწიეს, ასე რომ მის შესახებ არაფერი ცნობები სჩანს, თუ ისრაელთ მებატონისა და ყმის შორის უცხო სამეფოს წინაშე როგორი დამოკიდებულება არსებობდა ან რა გვარი კანონები იყო მათში, რომ ისრაელნი საქართველოში სცხოვრობდნენ. მამასახლისური წესებისაგან დიდათ კმაყოფილნი უნდა ყოფილიყვნენ, მამასახლისური გამგეობა მათ დიდს შეღავათს აძლევდა, ცხოვრების მოსაპოვებლად დიდს სახსარს ანიჭებდა, მიზეზიც ეს იყო, რომ ისრაელნი ისე მრავლად გადმოდიდნენ საქართველოში. საქართველოს ისრაელნი კარგად მოესწრნენ ქართველთ მამასახლისურ წესებს, მის არსებობას და შემდეგ გაუქმებასაც. ცხადი საქმეა, რომ საქართველოს ერთმეფობის დაარსების დროს, ისრაელნიც დიდს მნიშვნელობას იქონიებდნენ ფარანავაზ მეფეზედ, ეს ცხადათ სჩანს იმ გარემოებიდამაც, რომ ებრაელნი, ურიასტანიდამ საქართველოში მოსულნი, უპირველეს მცხეთას დასახლდნენ, მცხეთა მაშინ უპირველეს ქართველ საცხოვრებლად

იკვლებოდა, სჩანს, ებრაელთაც მიხვედრა და წარმოდგენა ჰქონიათ. რომ მცხეთელ მამასახლისს მცხეთას და მის ახლო-მახლო სოფლებში ცხოვრება სთხოვეს და ამის სამაგიეროთ ხარკის გადახდასაც შეჰპირდნენ.

ცნობა არს, რომ იგინი ამისთვის მომზადებულნიც ყოფილან, რადგანაც მათ ვაჭრობის ანუ აღებ-მიცემის ცოდნაც ჰქონიათ, ამას იგინი თავიანთ სამშობლოში შესჩვევიან და შემდეგ მგზავრობაშიც კარგი მიხვედრა მიუღიათ. გარდა ამის, იგინი გამოცდილ იყვნენ თავიანთ სამშობლოს დევნა, ტყვევნა-აოხრებაშიაც, იცოდნენ აგრეთვე გარდმოსახლების სიძნელე, მისი ფასი, ახსოვდათ კარგათ, თუ მათ რადიდის ტანჯვით და ღწვით მოაღწიეს მცხეთამდე. ებრაელნი რომ ამისი ცოდნის უპირატესობით არ ყოფილიყვნენ დაჯილდოვებულნი, უამისოდ მათ არც მცხეთის მამასახლისი დართავდა მცხეთაში დასახლების და ცხოვრების ნებართვას. სჩანს, ესენი მოხერხებულნი ყოფილან. სამწუხაროდ, ებრაელთა ცხოვრების და პირობების შესახებ „ქართლის ცხოვრებაში“ ბევრი რამ არ სჩანს. ამ ერს ბევრი რამ თავგადასავალი გარდახდებოდა, საქართველოში მოსულთაც ბევრი რამ ძნელი ნატანჯი პირობები დაჰყვებოდათ. გარდა ამისა, ქრისტეს დაბადებამდე მთელი საუკუნე გადის და მათ შესახებ არსად არაფერი სწერია. მხოლოდ ადერკ მეფის დროს დაიბადა იესო და ამ დროს კი აქა-იქ მოიხსენიებიან ისრაელნი. ამ დროის ცნობებიდან კარგად სჩანს, რომ ისრაელნი, საქართველოში მოსულნი მრავლად ყოფილან.

როგორც სჩანს, ქრისტეს დაბადების დროს საქართველოში ისრაელნი შეჩვეულნი ყოფილან ადგილობრივ წესწყობილებას და ცხოვრებასთან. ამ გარემოებას ძრიელ აცხოველებდა ის პირობებიც, რადგანაც საქართველოში ებრაელთა რიცხვი მეტად იყო გამრავლებული. მართოდ მცხეთის ახლომახლოს ცხოვრობდნენ სოფ. კარსნას, კოდმანს, ძეგვს, ზანავს, ხერკს, არაგვს და მთლად გასწვრივ არაგვის და მტკვრის შეყოლება, მეტეხს, კასპს, ხანდაკს, მუხრანს, კავთისხევს, ურიათუბანს და სხვა სოფლებში, სადაც დღეს მათი ნასახისაც არაფერია დაშთენილნი. უნდა ითქვას, რომ ძველად ქართლში არ ყოფილა სადმე სოფელი, რომ იქ რამდენიმე კომლი ებრაელთა მცხოვრების არ ყოფილიყოს. ქართლის გარდა სამცხე-საათაბაგოსაც ისევე სცხოვრობდნენ საქართველოში ასე იყო მათი რიცხვი გამრავლებული, მთელს კავკასიის ერთ შორის ებრაელნი მართოდ საქართველოში მოვიდნენ, აქ დასახლდნენ. სხვადასხვა აღმოსავლეთის ქვეყნებში საქართველოდამ გადასახლდნენ და დასახლდნენ. ქართველთ ებრაელთ უძველეს დროდამ ქართული ენა შეინახეს თვით აღმოსავლეთის უშორეს ქვეყნებში, ასევე მოხდა ლაზისტანისკენ, ტრაპიზონშიც კი შეინახეს ქარ-

თველ ებრაელთა ქართული ენა, ტრაპიზონს დღესაც ამ ენით ლაპარაკობენ. თვით ქართველთ შთამომავალთ ქართველ მაჰმადიანებმა კი ვერ შეინახეს ქართული ენა და დაკარგეს. სამცხე-საათაბაგოს სცხოვრობდნენ ფანასკერტს, არდანუჯს, არტანს, ოლთისს, ახალ-ქალაქს, ახალციხეს და ბევრსაც სხვა სოფლებში, რომელ სოფლებს ვახუშტიც აღნიშნავს: სცხოვრობდნენ აგრეთვე კახეთს. ნამეტურ ბოდბისხევს, ბოდბისხევი მთლად ებრაელთაგან შესდგებოდა. იმერეთშიაც სცხოვრობდნენ, ხოლო მცირედ, აქა-იქ. გურიაშიც კი ნახევარზე მეტი მცხოვრებთა რიცხვი ებრაელნი ყოფილან.

როგორც ქართლს, სამცხეს და გურიას, ისევე ებრაელთა რიცხვი კახეთში — ნამეტურ ქიზიყსაც მრავლად სცხოვრობდნენ. სადაც კი ყოფილან ებრაელნი და უცხოვრიათ, ყველგან თავიანთი ცხოვრების კვალი ქონიათ დამჩნეული, გარდა ასეთი კვალისა, იგინი სხვაფერიაც შესამჩნევნი ყოფილან, ამათ ჰყოლიათ თავიანთის სკულის მეთაური სასულიერო პირნი, მწიგნობარნი, მეტყველნი, მეფსალმუნენი და თვით მღვდელთმთავარნიც. იმათ შორის ყოფილან ისეთი პირნიც, რომელნიც თავიანთ დროს ებრაელთა მწიგნობრობით იწოდებოდნენ, მთარგმნელად და ბრძენად და მეცნიერად. კარგათ სჩანს, რომ როდესაც კი ურიასტანიდამ ებრაელნი დაძრულან და გარდასახლება გადაუწყვეტიათ, რომელთაც საქართველოში სურვებითა წამოსვლა ანუ გარდმოსახლება, შათ იქვე, ურიასტანში სცოდნიათ საქართველოს არსებობა, ხალხის ცხოვრება, შინაგან სამეფოს პირობები და ბევრიც სხვა ასეთი საჭირო ცნობანი, რაც კი რომელიმე ერის ემიგრაციის დროს ცხადათ გათვალისწინებული უნდა იყოს გარდამსვლელთათვის. სჩანს, გარდმოსახლება ისე ყოფილა ხოლმე, რომ მათში ყველა დარგის პირნი რეულან, მათ შესძლებიათ თითქმის საქართველოში საკუთარის ისეთი კოლონიების დაარსება, სადაც ყოველივე საჭირო მხარე მათის ცხოვრებისა თვით მათსავე თანამემამულეთ ეკირებოდათ ხელში.

მაგალითებრ, საქართველოში მცხოვრებთ ებრაელთ ყოველთვის თავიანთ ტომის მკურნალნი და დოსტაქარნი ჰყავდათ, მასწავლებელნი, მღვდელნი და თავიანთ სოფლის გამგენიცა, რადგანაც იგინი სოფლებში ცალ-ცალკე სცხოვრობდნენ, მათში სხვა ტომის არავინ ერია. მაგალითებრ, კარსნას მთლად ებრაელთა უბანი იყო, ისევე კოდმანს, ბრეთს, ურიათ-უბანს და სხვა. ეს რომ ასე იყო, ამას ცხადათ აჩენს თვით დღევანდელი მათი ცხოვრების ცნობებიც, სადაც კი დარჩნენ ქართველ ებრაელნი, მათ ყველგან ცალკე ცხოვრება შეინარჩუნეს. ამის მაგალითია ახალციხელ ებრაელთა საქმე, ქუთაისის და თვით თბილისისაც. ძველად, როცა კი თბილისში ქართველთ ებრაელთა მკვიდრნი სცხოვრობდნენ, მაშინ მათი (ვახუშტის გეოგრაფია, 1848 წ.

დაბეჭ. პეტერ.) რიცხვი სცხორობდა თბილისის ერთ კუთხეს, მოედნის ზემოთ, ანუ სიონის მახლობლივ, ფეთხანის ეკლესიის ძირს. თვით ეს სახელიც, ვგონებთ, წარმომდგარია ურიული სიტყვა ბეთხანიდამ. ბეთხანი ურიულად ნიშნავს სასაფლავოს და როგორც ცნობა არის, ქრისტეს წინეთ, თბილისში მცხოვრებ ქართველ ებრაელთა თავიანთი ბეთხანი (სასაფლავო) სწორეთ იმ ალაგას ჰქონიათ, სადაც დღეს სომეხთა ფეთხანის ეკლესია არს აღშენებული, რომელ ეკლესიაც VI საუკუნის დამლევეს ვახტანგ გორგასლანის შვილს, დაჩი მეფისაგან იქმნა აღშენებული ქართველთათვის და ბეთლემის ღვთისმშობლად წოდებული. ჩვენში ამ ტაძრის სახელწოდების შესახებ ასეთი ცნობა არს დატოვებული და ქართველი ებრაელნი კი იმას ამბობენ, რაც მოვიხსენეთ. შესანიშნავია ეს ფეთხანი იმის მხრითაც, რომ იქ დღემდე არს დაშთენილი ერთი ძველი შთენი, რომელიც წარმართების ღროს ქართველ ერის თუ ქართველ ებრაელთა სალოცავათ ყოფილა დანიშნული. საყურადღებოა ეს შთენი, რათა მომავლისათვის არ იქმნეს აღგვილი და მოსპობილი.

ებრაელნი თუმცა საქართველოში ძველადგანვე მოვიდნენ და „ქართლის ცხოვრების“ სიტყვით, დასხდნენ და საქართველოში მიეცნენ ცხოვრებასა და შრომას, მაგრამ მათ თავინათ გულჩამწვარ, დატყვევებულ სამშობლოს ხსოვნა კი მაინც არასდროს არ დავიწყებიათ. შორს იყვნენ, მაგრამ გული კი ყოველთვის სამშობლოსკენ მიელტოდათ, ურიასტანის ყოველ მოვლენას, ყოველ შინაგანს საქმეს და მოძრაობას ესენი ჭეროვან ყურადღებას აპყრობდნენ. ამისათვის მათ ჰქონდათ გამბული ერთობა, წერილების განუწყვეტლივი მიწერ-მოწერა, ნამეტურ საქართველოს ებრაელთა სასულიერო წოდებასაც დაახლოვებული კავშირი ჰქონდა ურიასტანის სასულიერო გამგეობასთან, ესენი მათ ემორჩილებოდნენ უაღრესად. ყოველი ნაბიჯი ქართველთ ებრაელთა სასულიერო წოდებისა ურიასტანის სასულიერო წოდების გამგეობას ექვემდებარებოდა. საქართველოს ებრაელთა უმთავრესი სასულიერო გამგეობა მცხეთაში ყოფილა, უმფროსი მღვდელმთავარიც აქა მჯდარა. მღვდელმთავრის ბინა ანუ რეზიდენცია მცხეთა ყოფილა. ურიასტანიდამაც მცხეთის ურიათა სასულიერო გამგეობას დიდი ყურადღება ენიჭებოდა და ყოველი ნაბიჯის ცნობა ურიასტანის სასულიერო წოდებისა უმაღლვე მოსდიოდათ მცხეთაში და ტყობილობდნენ. ამის მაგალითები „ქართლის ცხოვრებაშიაც“ ერთობ ხშირია. როგორც ზემოთაც ვახსენეთ გაკვრით, ებრაელნი ურიასტანიდამ ყველაზედ წინეთ საქართველოში მოსულან და დასახლებულან. როცა ესენი ქართლში სჩნდებიან, მათი ხსენება არ არის არც დაღესტანს, სპარსეთს, ურუმისს, ავღანეისტანს, ქურთისტანისაკენ, სპარსეთს და სხვა ასეთ

უშორეს კუთხეებშიც. პირველ საუკუნოების შემდეგ, ებრაელი საქართველოდამ გარდასახლდნენ ამ კუთხეებში და დასახლდნენ. ამ გარდასახლებას ძველადგან მათი სასულიერო წოდებაც უწყობდა ხელს და ესენი მხარს აძლევდნენ, რომ საქართველოდამ ებრაელი კავკასიის ოთხსავე კუთხივე მოსდებოდნენ, გარდასახლებულიყვნენ, ჩადგანაც საქართველოში მათი რიცხვი ერთობ დიდი იყო.

ებრაელი საქართველოში ქართულ ენას სულიერად ძველადგანვე შესჩვევიან. მათ სამშობლო ენას ძველადგანვე ქართული ენა შეადგენდა, იგინი ერთობ ადვილად ითვისებდნენ ამ ენას. ენას გარდა ესენი ითვისებდნენ ქართულ ტანთსაცმელს, გარეგან ყველა წესებს და ჩვეულებათა, ქალნი — ქალთა და კაცნი — კაცთა, საქართველოდამ ებრაელი საცა კი სახლდებოდნენ, ყველგან თან მიჰქონდათ ქართული ენა, ქართველი ერის ტანთსაცმელი და თვით წერილების წერასაც კი ქართულად მოეწყვენენ. უცხოეთში ამათ ქართული ენა კარგა ხანს შეუნახავს, დიდის დროის განმავლობის წყალობით უკანასკნელად კი დაკარგეს ქართული ენა და სხვა ენა შეიძინეს. დღეს ასეთ ებრაელთა რიცხვი კავკასიას მცხოვრებთა შორის აქა-იქ ერთობ ხშირია და ყველგან იგინი საქართველოდამ არიან გასულნი და მოფენილნი. ზოგს ქართველ ებრაელთ დღემდე აქა-იქაც შერჩათ ქართული ტანთსაცმელის ხსოვნა და ბევრს ალაგას ებრაელთა ქართული ტანისამოსი აცვიათ, რასაკვირველია, ცოტა რამ ცვლილებით კი, ეს ეტყობათ არა მარტო კაცებს, არამედ თვით ქალებსაც, რომელნიც ქართველ ქალის თავსაბჯრავს ერთობ დიდხანს ატარებდნენ უცხოეთში. ქართველ ებრაელთ საქართველოდამ სხვადასხვა კუთხეებში გარდასახლების შესახებ სხვა რამ საერო მიზეზები არა არის რა, პირდაპირ ებრაელთა ცხოვრებინო არს და აღორძინების ღტოლვა. არავინ იფიქროს, რომ ესენი ქართლიდამ სარწმუნოების დევნის გამო გადიოდნენ, არა, ესენი ქართლიდამ ვაჭრობის და აღებ-მიცემის მხრით მიემგზავრებოდნენ. ცნობილია, რომ მთელი აზიის მცხოვრებ ებრაელთა წინაშე მცხეთა და მისი გამგეობა ყველგან ცნობილი ყოფილა. ყოველ ებრაელთა რთული სასულიერო საქმე მცხეთაში გაიჩეოდა მათ მიერ ებრაელთა მღვდელმთავართაგან. აზიის ყოველ თემთა მცხოვრები ურიაანი მცხეთისკენ ისე მიილტოდნენ, როგორც ბეთლემს, სიონს, იერუსალიმს, ისევე მცხეთას უმზერდნენ იგინი და პატრონობდნენ. ურიასტანშიაც ასევე იყო და ებრაელთა სასულიერო წოდება მთელს კავკასიის უპირველეს საბინადრო, წმინდა ადგილათ მცხეთას სთვლიდნენ. ერთის სიტყვით, მცხეთა და მის ურიათა მღვდელმთავარი იყვნენ ისრაელთა შუაგულში ანუ ზღუდე კავშირსა, რომელიც მთელს ოტებულთ ებრაელთა რიცხვს იერუსალიმს უახლოვებდა.

როგორც ვსთქვით ზემოთ, ადერკ მეფის დროს იშვა იესო, ამ დროს საქართველოში ებრაელთა შორის სამღვდელო პირთაგანნი სახლოვნებდნენ მღვდელნი მრავალნი. მაგრამ უმეტეს მღვდელნი ლონგინოზ კარასნელი და ელიოზ მცხეთელი, გამოჩენილნი იყვნენ ებრაელთა შორის იმ დროს არა მარტოდ სამღვდელო პირნი, არამედ ერისკაცნიც და თვით მღვდრობითი სქესიც, ამის მაგალითი ვახლავსთ ელიოზ მცხეთელის დის, სიდონიას ცნობიერება, რომელიც „ქართლის ცხოვრებაშიც“ მოიხსენიება. იესოს დაბადების შემდეგიდამ, ვიდრე მის ჯვარცმამდე, ებრაელთა სასულიერო წოდება დიდს ქენჯასა და პერყეობაში იყო შთავარდნილი. იესო წინააღმდეგი იყო მათი, ეს ითხოვდა მოსეს სჯულის შეცვლას, მის მაგიერ ახლის სჯულის მიღებას. იესო ამას ჰქადაგებდა ხალხში აშკარად. ამით მან ხალხიც აიყოლა, ებრაელთა ტომის ერში მწვალებლობა დაითესა. ეს გარემოება ებრაელთა სასულიერო წოდებას ძრიელ აწუხებდა, დიდათ სწყინდათ მათ და იესოს ეუბნებოდნენ, რომ ჩვენ შენს თქმულებას ვერ მივიღებთ, მოსეს სჯულს უარს ვერ ვყოფთ. განვიხილავთ, გავარჩევთ, თუ რამ უადგილოს ეპოვებთ, იმას გამოვტოვებთ და მის მაგიერ სხვას დავსდებთ, ხოლო სრულიად შეცვლას კი ვერ ვიზამთო. ამაზედ მოხდა დიდი დავა და სწორეთ ამ გარემოებამ გამოიწვია იესოს ჯვარცმაც, რასაც ებრაელთა სამღვდლოებაც დიდათ ითხოვდა. ებრაელთა სამღვდლოებებს საქმე გაუჭირდათ. სახუმარო აღარ იყო. ამათ განიძრახეს ებრაელთა შორის მსოფლიო კრების დანიშვნა და ეს მალეც მოახერხეს. ამ დროს ურიასტანი რომის იმპერიას ემორჩილებოდა. მართალია, ებრაელთ თავიანთი მეფეც ჰყავდათ, მაგრამ იგინი მაინც რომის იმპერიას ხარკს აძლევდნენ, ურიასტანში რომაელთა სენატი არსებობდა. რომაელთ სენატსაც შეჩივოდნენ ებრაელთა სამღვდლონი, ატყობინებდნენ, რომ ჩვენში გამოჩნდა ერთი კაცი, სახელდობრ, იესო, იოსების ძე ნაზარეველი, რომელიც თავის თავს ძე ღვთისათ აღიარებს და მოსეს სჯულის წესებსაც ეწინააღმდეგებაო, ჩვენ ვითხოვთ მის სამართალში მიცემას და დასჯასო. ვიდრე ებრაელთა სამღვდლოება თავისს საწადელს მიადწევდა, მინამ საქართველოს ადერკ მეფის მეშვიდე წლის მეფობის დროს მცხეთელ ურიებს ასეთი ცნობა მოუვიდათ იერუსალიმიდამ: „სპარსთა იერუსალიმი წარსტყვევნეს, ყოველივე ურიათა წარიღეს“. მცხეთელ ურიებს დიდათ ეწყინა ესეთი ამბავი. მათ იწყეს დაქცეულს სამშობლოზედ ტირილი, გოდება სიონზედ, ცხარე ცრემლის ფრქვევა იერუსალიმის ნაშთებზედ. გოდება მცხეთელ ურიათა იყო უმწარესი სამსალი და ვაება, რომელიც ოხვრით მოსთქვამდნენ ურიანი. მგორე წელს, ურიათა საბედნიეროთ, საქართველოში მცხეთელ ურიებს სხვა-

დასხვა ამბავი მოსვლიათ, აი, ეს ამბავიც სიტყვა სიტყვით:

„სპარსნი არა წარსტყვევნად მოვიდეს იერუსალიმს, არამედ აქენდათ ძღვენი ყრმისა ვისიმე შობილისათვის“. ე. ი. მოგვთა მოსვლას აღნიშნავს, ამიტომ იგივე მატიანე მოგვეთხრობს ასე: „განიხარეს ურიათა მცხეთელთ“, იწყეს ლოცვა ღვთისადმი, მადლობა, რომ მათი სამშობლო მტერს არ აუოხრებია. უხაროდათ ეს მით უფრო, რადგანაც მგზავრობით მათ გამოსცადეს მრავალნაირი ტყვევნა და დარბევა. შორს მყოფთა დიდათ შესტკიოდათ გული თავიანთი ქვეყნისათვის. ნახეთ, რას ნიშნავს მამულისშვილური სახმილის ალები. ურიანი დაწყნარდნენ და მალე მცხეთიდგან მთელს კავკასიის ებრაელთაც ეუწყათ სასიხარულო ამბავი, რომ იერუსალიმი მშვიდობით გადარჩენილაო. ამ ღვთა შემდეგ, ანუ იესოს დაბადების 27 წლის შემდეგ, მცხეთელ ურიათა მღვდელმთავარს იერუსალიმის ურიათა მღვდელმთავარ ანასაგან შემდეგი წერილი მოუვიდა: „ვითარმედ, რომლისათვის იგი მოვიდეს, მოგვნი და შესწირეს ძღვენი, აღზრდილ არს იგი და იტყვის თავისათვისა ძედ ღვთისად და სხვასა რასმე ახალსა სჯულსა გვიქადაგებს და აწ წარმოგვივლენია მოციქულნი სჯულისანი. მოვიდეთ უკვე ყოველნივე მოსეს სჯულსა თანამდებნი და განვაბჭოთ მას ზედა. აწ თქვენგანიცა წარმოვიდენ მეცნიერნი სჯულისანი. მანდეთ, რათა სჯულსა ძმათა ჩვენთა შეუცვალებელი ვყოთ და დავამტკიცოთ და მცნება მოსესი აღვასრულოთ, რათა ახლით მით სჯულითა რომელ რასმე გვიქადაგებს. არა შეაცდენე, უმარტივესნი ვინმე სჯულისა ჩვენისანი, ხოლო სიკვდილითაცა მისითა შური ვიძიოთ“.

რაც ზემოთ ვსტყვი, ის აქ კარგათ სჩანს, რომ ებრაელთა სამღვდლოებას იესოს ღწვა და შრომა უჭერთ მიუღიათ, ჩვენს მოსეს სჯულს ვერ გადავალთ. ახალს ვერას მივიღებთო... მწიგნობარნი კაცები შევიკრიბნეთ, ჩვენს სჯულს განვარჩევთ, მასში თუ რამ მეტია, იმას გამოვტოვებთ, ხოლო რაც კარგია, იმას კი არ დავივიწყებთ, მოსეს სჯულს ვერ გადავალთო. ამ წერილიდამ ცხადათ მტკიცდება, რომ ურიასტანის სამღვდლოების წინაშე მცხეთელნი მღვდელნი იმოდენათ პატივცემულნი ყოფილან, რომ მცხეთაშიაც მოუმართავთ და უთხოვნიათ იერუსალიმს წასვლა, მოსეს სწავლის გარჩევასა და განბჭოებაზედ დასწრება და მით საყოველთაოდ კითხვების გათავება. ამ დროს მცხეთაში, როგორც ზემოთაც ვახსენეთ, ურიათა გამოჩენილ მღვდელათ ირიცხებოდა ელიოზ მცხეთელი, კაცი მწიგნობარ-მკურნალობითაც ცნობილი და მღვდელი ლონგინოზ კარსნელი. ურიასტანი-

* „ქართ. ცხ.“, I ტ. გამ. 1896 წ. თფ.

დამ ეს ორი მოძღვარი ყოფილა მიწვეული. მცხეთელ ებრაელთ იმ დროის ურიასტანის ერის ცხოვრების საქმეები კარგათ სცოდნიათ და მასთან იესოს ქადაგების ცნობებიც. ამათ სცოდნიათ კარგათ ის საქმეებიც, რომ იმავე დროს, ე. ი. როცა მოსეს სჯულს გაარჩევდნენ და თუ მათში უვნებელს არას ჰპოვებდნენ, მაშინ იესოსთვის სიკვდილი უნდა მიესაჯათ, რათა მით მოსპობილიყოს მოსეს სჯულზედ კამათი. ამის ამბები საქართველოს ებრაელებს მწიგნობართაგან ჰქონდათ შეტყობილი.

ელიოზი და ლონგინოზი მალე წავიდნენ მცხეთიდან, მალეც გასცილდნენ საქართველოს საზღვრებს და დროის განმავლობაში ურიასტანსაც მიაღწიეს. მალე დაესწრნენ ურიათა მღვდელმთავრობის კრებას და ყოველი კამათი, ბჭობაც მოისმინეს. განარჩიეს მოსეს სჯული, მასში მეტი ვერა სცნეს რა და მის მოკამათე იესო სამართალში მისცეს და ვითარცა მათ ურჩი და მოსეს წესის მგომბელის სამართლის ძალით დასჯა ითხოვეს, დასჯა სიკვდილით, რათა მისი მსგავსი მოსეს სჯულის სხვა არავინ გაუჩინდესო. ყოველივე ესე ელიოზ მცხეთელმა და ლონგინოზ კარსნელმა თავიანთი თვალით ნახეს და გაიგონეს გასაგონი. რამდენიმე ხნის შემდეგ ესენი ურიასტანიდამ დაბრუნდნენ საქართველოში, თან მოიტანეს ბევრი რამ საყურადღებო ცნობები და ყოველივე მცხეთელ ურიებს აუწყეს და მეგრე მცხეთიდან საქართველოს სხვა კუთხის ებრაელთაც ეცნობა, ნამეტურ ბოდელთ ანუ ბოდბისხევის ურიათა, სადაც მათი რიცხვი მაშინ ერთობ დიდი იყო. ამ დღიდან საქართველოს ურიანი თავიანთ მამა-პაპის სჯულზედ მტკიცედ დაშთნენ. მათ არავისაგან რამე საშიში ანუ საცდუნებელი აღარა მოელოდათ რა, რადგანაც მათ კარგათ გაიცნეს იესოს საქმენი. მასთან მისის შაგირდებისაც, რომელნიც დაცემულ იქმნენ და უარყოფილნი. ურიასტანის სამღვდელოებას დიდი სიფრთხილე ჰქონდათ მცხეთელ ურიების, საქართველო ურიასტანიდამ ერთობ შორს არს, ვაითუ საქართველოში იესოს სწავლამ მიაღწიოს და ურიანი შეცდნენ და მოსეს სჯულს გადავიდნენო. იმიტომაც სწერენ ურიასტანიდამ: ჩვენ დიდი შიში გვაქვს, რათა საქართველოს ურიებამდის იესოს სწავლამ არ მიაღწიოს და თქვენც არ მიიღოთ იგიო. მობრძანდით ურიასტანში, განვიხილოთ მამა-პაპათა სჯული, თუ მასში რამე ცუდი ვნახოთ, იგი გამოვტოვოთ და უკეთესი დავიტოვოთო, უამისოდ კი სრულად მისი დატოვება ჩვენგან არ შეიძლებაო.

როგორც საქართველოს ებრაელნი ელტოდნენ თავიანთ დაქვეყნულის სამშობლოს არსებობის ტრფიალებას, ისევე ურიასტანის სასულიერო წოდება აპყრობდა ამათ ყურადღებას. ურიასტანში ყველა ებრაელთა სჯულის კაცთა კარგათ იცოდნენ, რომ საქართველოში ურიებ-

ის რიცხვი ერთობ დიდი იყო. მათ შორის მყოფი თანამემამულეთათვის გული დიდად შესტკივოდათ. მცხეთელ ურეებს მეტად კარგათ იცნობდნენ თვით იესოს მოციქულნიც; როგორცა სჩანს, მოციქულებს საქართველოს ებრაელთა ცხოვრების საქმეები კარგათ უნდა სცოდნიყოთ, გულიც კი ეთანაღრებოდათ მათი ცხოვრების შესახებ, ეთანაღრებოდათ მით უფრო, რადგანაც ებრაელთა საქართველოში მცხოვრებთ მზერდნენ ურიასტანიდამ ერთობ შორს მდგარათ, სამშობლო ქვეყნიდამ სასტიკათ მოწყვეტილთ. ობლად მიაჩნდათ ასე დაშორებულთ თანამემამულეთ ცხოვრება. ამიტომაც იყო, რომ იესოს მოციქულებმა ამ კუთხის პატრონობაც ისურვეს და მასთან თანამემამულეებში თავიანთი სკულის გავრცელება ანუ სწავლის აღორძინება. ამისთვის კრებაც ქმნეს და საქართველოს ურეები წილად ხვდა ანდრია მოციქულსა. ამიტომ იგინი იესოს შემდეგ საქართველოსაც მიაქციეს ყურადღება და ურიათა საქადაგებლადაც მოვიდნენ.

II

ქართველნი ებრაელნი ცხოვრების მხრით, როგორც ქართველ მაგსახლისურის გამგეობის დროს, ისევე ერთმეფობის დროსაც სრულის დამოუკიდებლობით სარგებლობდნენ. მათი სასულიერო წოდება თავისუფალი იყო ბევრნაირი შევიწროებისაგან, გარდა ამისა, უპირატესობითაც იყვნენ დაჯილდოვებულნი, იგინი იყვნენ თვით ადერკ მეფის წინაშე მწიგნობარ პირებათ და მთარგმნელათ. ამიტომაც მოიხსენებენ ხოფის კანანელთა მთარგმნელთა, ბოდელთა მწიგნობართა მღვდელთა, მცხეთელთა და კარსნელთა მწიგნობართა და მეტყველთა. რაც შეეხება სამეფოს წინაშე მოვალეობის გარდახდას კი — ამას, როგორც ნამდვილი ქართველნი. მოხდებოდა ასე, რომ ერთი სოფლის მეომრობის დროს მაგიერობას მეორე სოფელი სწევდა. მაგალითებრ, მოხდებოდა ხანდისხან ისეთი შემთხვევა, რომ საბრძოლველ ასპარეზზედ მეომრათ ანუ მებრძოლათ ვერ გამოიყვანდა, შინაური გარემოება მათ ნებას არ მისცემდა. მაშინ მათ მაგიერ მეორე სოფელს გამოიყვანდა მებრძოლნი და ესენი სწევდნენ მაგიერობას. მოვალეობის აღსრულება ისე წმინდათ იტოდნენ, რომ იხოცებოდნენ კიდევ. მერე ამ დახოცილთა რიცხვიც ვალათ ედებოდათ მათ. ამის საბუთია შემდეგი მაგალითი, რომელიც მოხსენებულია „ვახუშტის გეოგრაფიაში“ ასე: „კარსნელთა ჰმართებთ კოდმანელთა ხუთი მკვდარი ვიღრე ღღემღე“*. ებ

* გეოგრაფია ვახუშტისა. 1848 წ.

ცნობა ძველი უნდა იყოს, თანამედროვე პირისაგან დაწერილი. ასეთ-
ნი ცნობებიდგან ჩვენმა ძველმა მემკვიდრეებმა ის დასკვნა გამოიტანეს,
რომ ვითომც ქართველნი მკვდარი კაცის ხორცს შეექცეოდნენ და
ამიტომ ურთიერთშორის მკვდარსაც სესხულობდნენ. ეს აზრი თვით
აკადემიკოს ბროსესაც შეეპარა, მაგრამ იგი მკაცრად დაარღვია დ. ბაქ-
რაძემ და განმარტა*, რომ საქართველოს ტურთა ბუნების მექონ ერის-
თვის ძრიელ იშვიათი და თან მოუფიქრებელიც უნდა ყოფილიყოს,
რომ მშვენიერის ბუნების ნამოქმედარ საკვებისათვის თავი დაენებე-
ბინა და მიწაზედ გართხმული მკვდრის ლეში ეჭამა. ეს შეუძლებელიაო
და ამიტომ სრულიად უარს ვყოფთ ასეთს მოსაზრებას და საუბარს.
„მკვდართ სესხი“ შეეხება პირდაპირ იმ მხარეს. რაც ჩვენ მოვიხსენეთ
აქვე და რაც ქართველთ შორის საქართველოში საერთოდ იყო მიღე-
ბული და ამ საერთო მიღებას საქართველოს ებრაელნიც ემორჩილე-
ბოდნენ. მეტად საინტერესო კია ამ კითხვის გარკვევა. ჩვენ პირდაპირ
გადაპრით ვიტყვი, რომ საქართველოს ისტორიულს წიგნებში სრუ-
ლიად უსაფუძვლოთ არს შეტანილი და მოხსენებული. რომ ვითომც
ქართველნი მკვდარს სჭამდნენ, ამის სესხობაც კი იცოდნენ. კარსნას
და კოდმანს უმეტესად ებრაელნი ესახლნენ და ამათ რაღა დაემართათ.
ნუთუ ესენიც მკვდარსა სჭამდნენ; ეს შეუძლებელია. ამის მაგალით-
ები არც ურიების ისტორიაშია. კარსნელ და კოდმანელ ურიებს მკე-
დრების სხეული არასოდეს არ უჭამიათ. იესოს ჭვარცმის შემეგ.
მცხეთას, ქართველ ებრაელთა შორის სარწმუნოებრივი რამე არევა
არა მომხდარა რა, ურიასტანს კი მან ნიადაგი გაიმავრა, ფესვი გაიდგა,
აქა-იქ ებრაელთა შორის იესოს სწავლის მიმდევარნიც გაჩნდნენ.
მცხეთელი და სხვა ებრაელნი კი თავისუფლათ დაშინენ და იგინი ურ-
ყველად სცხოვრობდნენ და მოქმედებას აგრძობდნენ, მათში ვერაფე-
რი სწავლა ნიადაგს ვერ იკეთებდა. ასე გასტანა თითქმის ორმა საუ-
კუნემ. ამ ხნის განმავლობაში ურიასტანიდამ მათში მრავალნი სჯულის
თავი კაცები მოდიოდნენ და სცხოვრობდნენ, მაგრამ ყველა იგინი იყ-
ვნენ იესოს სჯულის პატივისმცემელნი და მღალადებელნი. მესამე
საუკუნის ნახევრიდამ კი გაჩნდნენ ისეთი მოგზაური ურიათა სჯულის
თავი კაცები, რომელნიც საქართველოს ურიებში იესოს მცნებაზედაც
საუბრობდნენ. ასეთ პირთა ცნობა ჩვენ ბევრი არა გვაქვს რა, იგი მი-
მკრალებულია, წერილობითი ცნობები ჩნდება მესამე საუკუნის და-
სასრულიდამ.

ჩვენ ზემოთ მოვიყვანეთ სამი ხანა ებრაელთა გარდმოსახლეობისა სა-

* საქართველოს ისტორია დ. ბაქრაძისა, თბილისი, 1889 წ.

ქართველოში, სამი სხვადასხვა დრო, ეხლა მოვიყვანთ მეოთხე დროსაც, რომელიც მოხსენებულია „ქართლის ცხოვრებაში“, სახელდობრ, ქრისტეს შემდეგ, ადრეკ მეფის ძის, ბაგრატ მეფის დროს ურიასტანს. დაეცა რომის კეისარი ვესპასიანე და ყოველივე იერუსალიმი დაამხო და ურიანი წარტყვევნა. საერთოდ, ებრაელებს საქმე გაუჭირდათ, ამიტომ ებრაელნი კვალად დევნილ-ლტოლივ იქმნენ. ლტოლივნი საქართველოში გარდმოსახლდნენ, ამ გარდმოსახლების ამბავს „ქართლის ცხოვრება“ ასე გარდმოგვცემს: „ვესპასიანოს რომთა კეისარმან წარმოტყვევნა იერუსალიმი. და მუნით ოტებულნი ჰურიანი მოვიდეს მცხეთას, და დასხდეს ძველადვე მოსრულთა ურიათა თანა, რომელთა თანა-ერთნეს შვილი ბარაბასნი, რომელი ჯვარცმისა განუტყვეს ურიათ“. კარგად სჩანს აქედამ. რომ აღნიშნული შემთხვევის გამო ებრაელნი საქართველოში მოსულან, სადაც ძველადგანვე მოსული ებრაელნი სახლობდნენ. სჩანს. მაშ ახლად მოსულ ებრაელთ კარგი ცნობა ქონიათ ძველათ მოსულთ ებრაელთა შესახებ. უნდა მოგახსენოთ, რომ ვესპასიანეს შემდეგ მისი შვილი კეისარი ტიტაც დაეცა და აღაოხრა მთელი ურიასტანი, ამ დროსაც საქართველოში გარდმოსახლებულან ურიანი. ამ გარდმოსახლებულთა ცნობა არ არის ანუსხული. ამ შემთხვევის შემდეგ ურიასტანის და ქართველ ურიათა ცნობები „ქართლის ცხოვრებაში“ არაფერია მოყვანილი, ყოველივე დაფარვას ეძლევა. მთელი საუკუნე თავდება ასე, ქართველთ ურიათა შესახებ არაფერი სჩანს, ხოლო მირიან მეფის დროს მცხეთელ ქართველ ურიათა ასპარეზზედ ჩნდება ქართველ ურიათა მღვდელი აბიათარი. აბიათარ მღვდელი წმინდა ნინოს მოსვლასაც მოესწრო და ბოლო დროს მას დაემოწაფა კიდევ. ასევე დაემოწაფა ნინოს აბიათარ მღვდლის ქალი, ცნობილი სიდონია.

აბიათარ მღვდელი ანუ ურიათა მღვდელმთავარი თავისი დროის კვალად მწიგნობარ პირად სჩანს და მასთანვე ურიასტანის და იერუსალიმის დიდს მოტრფეთ და გულშემატკივრათაც. იგი რომ ასეთი პირი ყოფილა. ამას ამტკიცებს თვით ამ მღვდელმთავრის მოწმობა. რომელსაც თვით იგი უნდა მოგვითხრობდეს. მაგალითებრ. აი. რა ცნობებია მოყვანილი „ქართლის ცხოვრება“-ში აბიათარ მღვდლისაგან: ცნობები შეეხება იმ დროსა და ხანას, როცა წმინდა ნინო საქართველოში მოვიდა. ამას სიტყვით გამოგვსწერთ, ჰაზრის დასკვნა მკითხველისათვის მიგვიჩვენავს:

„მე, აბიათარ მღვდელი, ვიყავი წლით ხევდრებელი მის წელიწადისა, ოდეს წმინდაი ესე და ნეტარი ნინო მოიწია მცხეთად, და მისვე ეამსა მოწვეანულ იქნა ჩემდა წიგნი ანტიოქიით ურიათაგან მღვდელთა“. შემდგომ ამის წერილი მოუთხრობს, რომ ურიათა სამეფო ვანს-

ქდა. ცოდვა მოგვერია ისრაელთა ძეთა და ქვეყანა ჩვენი რომთა და-
რპყრესო. ამაზედ მოწმობს აბიათარი ასე: „აღესრულა ყოველივე, და
ვანვიბნიეთ ჩვენ ყოველსა ქვეყანასა და რომთა დაიპყრეს ქვეყანა
ჩვენი: ურიანი ვტიროდით ჩვენ ერთუერთ დღეს, რამეთუ განგარის-
ხეთ შემოქმედი ღმერთი“. აბიათარი სწერს, რომ ისრაელთა სამეფო
ჩვენის მამა-პაპათა ცოდვებისაგან განსქდაო და მიტომ დავკარგეთ
ჩვენც წმინდა ტაძარიო. შემდგომ ამის აბიათარი მოგვითხრობს სპარ-
სთაგან იერუსალიმის დაპყრობის ამბავს და ქართველთ ურიათა გლო-
ვას. ამ უბედურობის ამბავი აბიათარ მღვდელს თავისი მშობლების-
აგან გაუგონია და იმათ კიდევ თავიანთ მშობლებისაგან სმენიათ. ე. ი.
თითქმის სამი თაობის ამბებია. ამ ამბავს აბიათარ მღვდელი აი როგორ
გადმოგვცემს: „მე, აბიათარ, მოგითხრობთ თქვენ თხრობასა მას, რომე-
ლი მეუწყა და ყურითა ჩემითა ვისმინე, მამისა და დედისა ჩემისაგან.
და რომელი წიგნთაგანაცა უწყი. რამეთუ მათაც პაპათა და მშობელ-
თაგან თვისთა მოთხრობით და სმენით უწყოდეს. ოდეს იგი მეფობდა
ჰეროდე იერუსალიმს, მას ჟამსა გვესმა ესრეთ „ვითარმედ იერუსალი-
ნი სპარსთა დაიპყრეს“, რომლისთვისა იქმნა გლოვია და წუხილი ური-
ათა ზედა ქართველთა, მცხეთელთა მკვიდრთა, ბოდბელთა (ბოდბისხე-
ვი) მღვდელთა, კოდის წყაროელთა, მწიგნობართა და ხოფის კანანე-
ლთა თარგმანთა, რომლისათვისაც ეს ყველანი აღძრნენ წასელად და
შეწევნად იერუსალიმელთა“.

ზემოთაც მოვიხსენიეთ და აქაც ვიტყვი, რომ „ქართლის ცხოვრე-
ბა“-ში მოხსენებული კოდისწყაროელ მწიგნობარნი, ხოფის კანა-
ნელ მთარგმნელი და ბოდბელი მღვდელნი აღსანიშნავია, რადგანაც
მათ თავიანთ დროს ქართველ ებრაელთა ცხოვრების ასპარეზზედ მნი-
შენელოვანი ადგილი უნდა სჭეროდათ. ამ მნიშვნელობას თვით მათი
მოხსენებაც აჩენს ცხადათ. კარგათ ვიცით, რომ ასეთ პირთა რიცხვი
ებრაელთა შორის ყოველთვის ყოფილა, რადგანაც იგინი მათის ცხო-
ვრების აგებულებისათვის აუცილებელს საჭიროებას შეადგენდნენ. ერ-
თი მწიგნობარი და მთარგმნელი პირის სიკვდილის შემდეგ ჩორე პირი
იჭერდა ადგილსა. უნდა მოვახსენოთ, რომ ასეთ მწიგნობართა თვით
ქართველებზედაც დიდი ზეგავლენა ექნებოდათ, რადგანაც იგინი სა-
ქართველოს სამეფო გამგეობისაგანაც პატივცემულნი იყვნენ. აღსა-
ნიშნავია აქ ის გარემოებაც, რომ თვით ებრაელნიც იმავე თავიდგანვე
დიდათ ესიყვარულებოდნენ ქართველთა და საქართველოს ისე უმზე-
რდნენ, როგორც თავიანთ ძველს სამშობლოს, ამიტომაც არის, რომ
ებრაელთ იმავე თავიდგანვე თავიანთ თავებს ქართველთ ებრაელნი უწოდ-
ეს ანუ, როგორც მოიხსენებენ, „იქმნა გოდება და ტირილი ურიათა ზედა
ქართველთა“, ე. ი. საქართველოს ან ქართველთ ურიები. ზემოთხსე-

ნებულთ მწიგნობართა და მთარგმნელთ არსებობის საფუძველი ჩვენ ცხადს დასკვნას გვაძლევს ვიფიქროთ, რომ საქართველოში უმთავრესად ურიანი სცხოვრობდნენ შემდეგ ადგილებში:

ბოდბისხევის, ძველად მთლად ებრაელნი ყოფილან დასახლებულნი. ბოდბელი მღვდელი ბოდბისციხის ურიათა მღვდელს ნიშნავს. ბოდბისხევის ურიათა დასახლება უნდა ყოფილიყოს შემდეგ დროს, იმ დროს, როცა უჯარმა საქართველოს სატახტო ქალაქათ იყო დანიშნული, ურიასტანიდამ ოტებულნი ურიანი საქართველოში პირველად ქართველთ სატახტო ქალაქ უჯარმას უნდა მისულიყვნენ, ჯერათ აქ უნდა დასახლებულიყვნენ და შემდგომ აქედგან უნდა გადასულიყვნენ ბოდბისხევის. თვით უჯარმაშიაც რომ უნდა ეცხოვრათ ებრაელთა, ამას კარგათ აჩენს ის მაგალითიც, რომ თვით წმინდა ნინოს ცხოვრების აღმწერელათ, მისივე ნამოწაფარი სალომე უჯარმელი არს, რომელიც, რასაკვირველია. ნინოს აბიათარ მღვდლის ასულ სიდონიასთან ერთად დაემოწაფა და რომელი ქალიც ისრავლეთა კაი მცნობიც იყო. სალომე უჯარმელი ჩვენს ისტორიაში ცნობილ პირათ ითვლება, მას საპატიო ადგილი უკავია თავის ისტორიულის აღმწერლობით. უნდა ითქვას, რომ ძველ ქართველთ ებრაელთა შორის არა ერთი და ორი ქალი სჩანს მწიგნობარნი, ღვთისმეტყველნი და თვით მკურნალობის და სხვადასხვა ხელობათა საქმის მცოდნენიც. მაშინ ყოველივე ამათგან იწერებოდა ებრაულს ენაზედ, შემდეგ დროს კი ქართულ ენაზედ იწყეს წერა. წმ. ნინოს ცხოვრებაც ასევე ასწერეს მათ ქართულს ენაზედ, რომელიც მოთავსებულია „ქართლის ცხოვრებაში“.

სიდონია — ებრაელი მღვდლის, აბიათარის ქალი იყო. იგი მწიგნობარი უნდა ყოფილიყოს როგორც ებრაულს მწიგნობრობაში, ისევე ქართულში. ქართულის მწიგნობრობის საფუძველათ ჩვენ ის გარემოება მიგვაჩინია, რომ ამ დროს. საქართველოში, ქართული ანბანი და წერა უკვე გაჩაღებული იყო. რადგანაც იგი აღორძინდა ქრისტეს წინეთ, ფარნავაზ საქართველოს მეფის დროს. სიდონიას ქართულს ენაზე სხვადასხვა აღწერანი დაუტოვებია. ერთი ამის აღწერა მოთავსებულია „ქართლის ცხოვრების“ I ტომში, რომელიც ასე იწყება: „თქმული სიდონია დედაკაცისა, რომელი იყო მოწაფე წმინდისა ნინოსი, რომელი ესე იხილა და დაიწერა მოქცევა სასწაულითა მირიან მეფისათა და შეერდომაი ნინოსი აღსარებისათვის“ და სხვ.

სამწუხაროა და თან საყურადღებოა ის გარემოება, თუ ბოდბისხევი ურიები როგორ სცხოვრობდნენ და ან მათ იქ როგორ განვლეს და ან შემდეგში როგორ მოისპვნენ. უჯარმის მოსპობის მიზეზები ჩვენ კარგად ვიცით. ურიათა მოსპობის მიზეზათ ის უნდა ვალიაროთ, რაც თვით ქართველთა მოსპობის ანუ უჯარმის აოხრობის გამო მოხდა, 2. ზ. კიკინაძე

გს ჩვენ უკვე ვიცით. მაშასადამე, საქმე ბოლბისხევის ურიათა ცხოვრებას შეეხება და მისი ანუსხვა უნდა იყოს საჭირო. ბოლბისხევი მცხოვრები ქართველი ურები ქრისტეს წინა დროებიდან თითქმის ქრისტეს შემდეგ მეშვიდე საუკუნემდე სჩანან. შემდეგ და შემდეგ კი მათი რიცხვი აქეთ-იქით სახლდებიან ვაჭრობის გამო და უკანასკნელ ბოლბისხევის სრულიად ისპობა მათი რიცხვი, ქრება მათი ცხოვრების ნავალი და მისი კვალი <...>

გურია. გურიას რა დაეარქვათ, გურია, გულია, თუ თათართაგან გაიურია. გაა-ურია-საგან უნდა იყოს ეს წარმოშობილი, ამისი ისტორიით არა ვიცით რა, ადგილობრივ დაშენილი ცნობები კი საბუთს გვაძლევს ვიფიქროთ, რომ გურია უნდა წარმომდგარი იყოს გურიი-დამ <...> ურიასტანიდამ საქართველოში ებრაელთა მოსვლა და გურიაში დასახლება ქრისტეს წინეთ უნდა მომხდარიყოს. დრო ამისი არ სჩანს, ერთობ შორს კი უნდა მისწვდეს, თითქმის პირველ გარდმოსახლების დროს <...>

ხობს (ლაზისტანს) როდის მოვიდნენ და დასახლდნენ, ამის ცნობა სისწორით არ სჩანს. აქაც ძველათ უნდა იყვნენ მოსულნი, ქრისტეს წინეთ, რადგანაც მათ აბიათარ მღვდელიც მოიხსენებს. მაგალითებრ, მოხსენებულ არს: „ხობის კანანელთა თარგმანთა“, ე. ი. ხობის კანანელი მთარგმნელიო. რა არის ეს თარგმანთა, ხოფელი რის კანანელი იყო და რის მთარგმნელი, ამაზედ არა ვიცით რა, სასიამოვნო კი უნდა იყოს მისი გაცნობა. ვფიქრობთ, რომ ხობელნი ანუ ხოფელნი მწიგნობარნი მღვდელნი უნდა ყოფილიყვნენ და მასთან ებრაელის ენიდამ მთარგმნელიც, მასთან უპირატესი პირნი და უპირატესი ადგილებიც უნდა ჰქაევებოდათ. ხობელი ურები ვაჭრობას ყოფილან შეჩვეულნი, ამიტომ მათი რიცხვით მოფენილა მთელი ლაზიკა ისე, რომ არ დარჩენილა სოფელი და დაბა, რომ იქ ებრაელნი ვაჭარნი არ ყოფილიყვნენ. ამათ ძველადგანვე შეაჩვიეს ლაზები აღებ-მიცემას და ხელოსნობას, სულ ასეთ გარედან შემოსულ პირთა წყალობა გახლავსთ, რომ ლაზები ძველადგანვე წავიდნენ წინ, დღეს იგინი შენიშნულნი არიან როგორც ხელოვანი ვაჭარნი, ხელოსნები და სხვა.

ქართველთა ებრაელთ თავიანთ წილათ ყველგან დიდი სიკეთე მოჰქონდათ საქართველოში. ამიტომაც იყო, რომ მათ ქართველთაგან სრული პატივისცემაც დაიმსახურეს. როგორც ვიცით, ებრაელთა რიცხვი ლაზისტანში კარგა ხანს დარჩა, უმრავლესი რიცხვი კი ძველადგანვე დაუკავშირდნენ ქრისტიანობას, ამით თავიანთი გვაროვნება და ენა დაკარგეს და ლაზური შეითვისეს. XVIII საუკუნის ნახევრამდე ლაზისტანში ებრაელნი აქა-იქ კიდევ სცხოვრობდნენ თავიანთის სკულით, ხსენებული საუკუნის ნახევრიდამ კი მათ იქ შემცირება იწყეს

ლა აქეთ-იქით გადასვლა. გარდასახლება. მაგალითებზე, მაშინ გადასახლდნენ ზობიდან ქ. ტრაპიზონს და ზოგიც სხვა ქალაქებში. ტრაპიზონში მცხოვრები ქართველი ებრაელი ქართულად ლაპარაკობდნენ, მათ იქ კარგაბანს შეინახეს ქართული ენა და ტანთსაქმელი, თვით ქართველ მაჰმადიანებმა დაკარგეს ქართული ენა და ებრაელთა კი შეინახეს. ზველად ოსმალურად ქართველ ებრაელთა ქუჩას „გურჯი მეძელე“ ანუ ქართული უბანი ეწოდებოდა, დღეს კი არა ვიცით რა ამის შესახებ. ებრაელთა ლაზისტანიდამ გარდასახლება იმ გარემოებამაც გამოიწვია. რადგან ლაზისტანი ოსმალეთმა დაიმორჩილა, იგი გაერთიანდა ოსმალეთის სამეფოსთან, ქართველ ებრაელთაც ისარგებლეს ამით და როგორც ერთსამეფო, ესენი ზოგიდამ ტრაპიზონს გარეშე სხვადასხვა ქალაქებსაც გადასახლდნენ. მაგალითებზე, მთელს მცირე აზიაში სულ ლაზისტანიდამ მოედნენ და გადასახლდნენ. საქმე ისე მოეწყო, რომ დღეს ლაზისტანში ძირეულ ქართველთა ებრაელთა შთამომავალთაგანი აღარ ცხოვრობენ. იქ ამათი ჩრდილიც აღარ სჩანს, რაც გადავარდნენ და სხვა სარწმუნოებას დაუკავშირდნენ, იმათ გარდა, ვინც ებრაელთა დაშინდნენ. იგინიც ისე დაიფანტნენ აქეთ-იქით, რომ მათი ცხოვრების დღეს აღარა სჩანს რა. სამწუხაროა ჰეშმარიტად ის გარემოება, რომ ებრაელის ტომის ძეთა საქმეს ყველგან ასეთი გულსაწყვეი გარემოება და მომავალი ევლინებოდათ. დღეს ლაზიკაში ამათი რიცხვის აღარა არის რა, ამბათაც კი არავის ეცოდინება, რომ ლაზისტანს ძველად ქართველ ურიათა რიცხვი მეტად დიდი იყო.

მცხეთელი (ქართლის) ურები, რაც ზემო და ქვემო ქართლს ქართველი ურებიც ცხოვრობდნენ, ყველა იგინი იწოდებოდნენ მცხეთელ ურებათ ანუ კარსნელ-კოდმანდელათ. როგორც ვსთქვით, მცხეთა ებრაელთათვისაც ისეთივე აკვანი და კერა იყო, როგორც ჩვენ ქართველთათვის. მცხეთას ურიათა დასახლება ანუ დასხდომა ეკუთვნის პირველ ძველ დროს, თითქმის ურიათა პირველი გარდმოსახლების ეამს. მცხეთელი ურები და მათი მღვდელმთავარნი მალა მდგარნი არიან დანარჩენ ურებზედ და მათ სასულიერო პირებზედაც. დღეს კი მცხეთას ქართველ ურიათა ცხოვრების ნასახი, აჩრდილიც კი აღარ სჩანს. აღარ სჩანს ასევე კარსნის, სადაც ძველათ მთლად ურები იყვნენ. გარდა კარსნისა, მცხეთას გარშემო სოფლები მთლად ურებით იყო მოფენილი, მათი რიცხვი დიდი იყო. აქედან მოეფინნენ იგინი ქართლის სხვადასხვა სოფლებში, მაგრამ ეამთა ვითარების მეოხებით ვერც სხვაგან დარჩნენ მრავლად, სხვაგანაც უმეტესად იგივე ხედრი მოევილინათ, რაც ზოგიერთ ადგილებში იქმნა მოვლენილი. დღეს ქართლში თუ ვინმე ცხოვრობს ასეთ ურიათა შთამომავალი, მათი რიცხვი დიდი არ არის და იგინი სულ რამდენსამე დაბასა და სოფელშიც ცხოვრობენ.

ასე და ამგვარად, ოდესმე მრავლად მცხოვრებ ქართველ ებრაელთა რიცხვიდამ ჩვენ დღეს დაგვრჩა მეტად მცირე რიცხვი ქართველ ებრაელთა. ვინც არიან, ესენიც თითქმის გარდაგვარებას ეძლევიან და მცირდებიან. ვიცით, რომ ძველად ქართველი ურიები საქართველოში მის მიზეზითაც უფრო მცირდებოდნენ, რადგანაც მათ საქართველოდგან თვით იერუსალიმსაც კი იწყეს გარდასახლება. საქართველოდამ ამათი გარდასახლება, როგორც ზემოთაც ვსთქვით, არა ხდებოდა რამე განსაკუთრებით შემაწუხებლის პირობების წყალობით, არამედ თვით ურიათა სურვილით, ნებით და ურიასტანის სიყვარულით. საკვირველი ერთი ის გახლავთ. რომ თვით საქართველოდამ ძველად გარდასახლებულ ურიათაც კი შეინახეს ქართული ენა და იგინი იქ ქართული ენით თვით ჩვენს დრომდისაც კი საუბრობდნენ. საქართველოდამ ძველად ურიასტანში გარდასახლებულ ურიათა ცნობები თვით ჩვენი დროის ქართველმა ურიებმაც კი კარგად იციან და ესენიც საუბრობენ, რომ ძველისძველად ქართველი ურიები საქართველოდამ ურიასტანში თავის ნებით მრავლად გარდასახლებულანო, ამაზედ ქართველთ მეფენიც ეხმარებოდნენო.

სანატრელია, რომ ქართველ იქაურ ებრაელთა ცხოვრების კვალსაც კარგათ ვიცნობდეთ, ვიცოდეთ ყოველივე ამათი ცხოვრების და გარდასახლების ცნობები, მაგრამ ეს კარგათ არ ვიცით. მეტი არ იქმნება აქ მოგახსენოთ, რომ ქართველთა და ქართველ ებრაელთა შორის ძველადგანვე დიდი სიყვარული ვრცელდებოდა, ქართველნი ებრაელთ დიდათ სცემდნენ პატივს, მათ ისე უმზერდნენ, როგორც საქართველოს მოხიზნულთ, გარედამ მოსულთ და დასახლებულთ ერთი ლუკმა პურის შოენის გულისთვის. ქართველთა ურიების დიდი სიბრალულა ჰქონდათ, იგინი ამათ მფარველობდნენ ყოველნაირის მხრით და ცხოვრების საქმეებით. ძველადგანვე ურიები სარგებლობდნენ ისეთის სრულის თავისუფლებით, როგორც თვით ქართველნი. მათში გარჩევა არაფრისა იყო, საქართველოს ებრაელთაც იცოდნენ საქართველოს სამეფოს და ქართველთა ასეთი საქციელი და ამიტომ ესენიც შესაფერად უმზერდნენ და პატივს სცემდნენ მათ.

ქართველ ურიას საქართველო ძველათგანვე ისე უყვარდა, როგორც თავისი ქვეყანა, სამშობლო და მისი მფარველობა, სადაც მას თავისუფლად შეეძლებოდა ყოფნა. ცხოვრება და თავისი ქონების და ცოლ-შვილის დაფარვა. ქართველი ერი მათ ისე უყვარდათ, როგორც უვნებელი მფარველნი, პატივისმცემელნი და ვაჭრობასა და მეურნეობაში დიდი მექომავენი. საზოგადოთ, ქართველებს ჩვეულებათ ჰქონდათ, რომ ვინც კი მათს ქვეყანას მიეკედლებოდა და დასახლდებოდა,

იმას იგინი მაშინ მეტის თავაზით და პატივისცემით უმზერდნენ. ამიტომაც იყო, რომ ქართველნი ებრაელთ დიდ პატივსაც აგებდნენ, ქართველნი ყოველთვის ზნეობრივ მოვალედ სთვლიდნენ თავიანთ თავს, რადგანაც ქართველთ ბაგრატიონები მათ შთამომავლათ მიაჩნდათ. გარდა ამისა, ქართველთ კარგად ესმოდათ ის ღირსებაც, რომ ურიების საკუთრებას შეადგენდა მოსე, დავით, თვით იესო, მისი დედა და ყველა მისი მოციქულნიც მთლად ურიები იყვნენ. ესეც კარგათ ესმოდათ ქართველთა და ამიტომ უფრო ახიკებდნენ სრულს ადამიანხურს ღირსებას, ამ ღირსებას ბაგრატიონებიც, რასაკვირველია, უფრო აღიდებდნენ, რადგანაც მათ კარგათ იცოდნენ თავიანთი შთამომავლობის ისტორია, თავიანთი თავი დაბადების და სახარების მეოხებით თვით ღვთისმშობლის ნათესავათაც მიაჩნდათ. ასეთი დამოკიდებულება არსებობდა ქართველთა და ებრაელთა შორის ძველადგახვე.

ქართველნი ძველადგახვე ებრაელთ აძლეოდნენ საკუთრებათ მამულებს, ადგილებს უხვად, ტყეს, მთას და ველს. აძლეოდნენ საჭირო და სავაჭრო საქმეებს, უცხო ქვეყანაში წასვლის დროს სხვადასხვა დავალებას და, ვინ იცის, კიდევ რამდენ რაგინდარას, რასაც ჩვენ ყველას ვერ მოვსთვლით, მოკლეთ, უნდა ითქვას, რომ ძველადგახვე ქართველი ურია საქართველოს გამგეობისაგან სარგებლობდა იმავე უფლებით, იმავე პირობით, როგორც თვით ქართველნი და რომ ითქვას, ქართველებზე უფრო უკეთესათაც. ურიების ასეთი მდგომარეობა საქართველოში შეურყევლად არსებობდა ძველის საუკუნოებიდამ. ბაგრატიონების გამეფების შემდეგ ხომ ესეთი მდგომარეობა მათი უფრო წინ წავიდა, უფრო ძლიერებით შეიმოსა. შემდეგ საუკუნოებში კი ამგვარ გარემოებას საცე შეეცვალა. ქრისტიანობის განმტკიცების და აღორძინების შემდეგ ევროპაში ურიების დევნა სასტიკათ იწყეს და ამ გარემოებამ არც საქართველო, ქართველნი და ურიები დასტოვა უყურადღებოთ. ქართველთ შორისაც კი გავრცელდა ურიათა დევნა და აქა-იქ ხმამაღლა ძახილი. ქართველებშიაც იწყეს მათი გმობა და ცილისწამება ისევე, როგორც სხვა ქვეყნებში, რომ ვითომც ურიები ქრისტიან ბავშვთა სისხლს სვამდნენ. ამ გარემოებამ ყველგან გაიდგა ფესვი და ურიებს ყველგან დაუწყეს დევნა, წამება და ტანჯვა. მაგრამ საქართველოში კი ეს ასე უკიდურესობით არ იყო. საქართველოში სხვაგვარ მოიმართა საქმე. ევროპაში ურიათა დევნა VIII საუკუნიდამ იწყეს. ამ დროიდან მათთვის დგება მეტად ბნელი ხანა, მეტად ქარიშხლიანი და უკანასკნელ დიდს წერტილამდისაც აღის. ურიებს სტანჯავენ ყველგან შეუბრალებლად, საქართველოში კი ეს ასე არ ხდება, ურიათა მფარველად მთელი ბაგრატიონების ძალა ხდება, მასთან სამეფლო გამგეობა-ერიც.

სამეფო გაძგეობა უაღრესად ილწვის დაუცხრომელად და მათ ბე-
ერნაირის ბრალდების და ცილისწამებისაგან ათავისუფლებენ. ამათი
მღვენელი და მწამებელი საქართველოში არავინ არის. სამეფო სძებ-
ნის ურიათათვის პირობიან ცხოვრების გარემოებას და ამიტომ უკა-
ნასკნელ ქართველ ურიებს ყმათ აძლევენ ქართველთა დიდრონ ეკლე-
სიებს, მღვდელმთავრებს და მღვდლებს, რათა იგინი ამ სახის ძლიე-
რის მფარველობისაგან მაინც იქნენ დაცულნი. X საუკუნის შემ-
დეგადამ ქართველი ურიები ყმათ ეძლევიან მცხეთის დედა ეკლესი-
ას, გელათს, ალავერდს, სიონს და ბევრსაც სხვა წვრილმან ეკლესი-
ებს. ეკლესიის მფარველობის ქვეშ შესულნი ყმა ისრაელნი მართლა-
ცდა ასეთის პირობების მეოხებით შთებიან საქართველოში უვნებ-
ლათ და მშვიდობით. მათ ვერაჲინ რა ბრალს სდებდა. რადგანაც მათ
იციოდნენ, რომ ურიებს რამე დაეშავებინა, იმას თვით მათივე მებატო-
ნი ეკლესია და მღვდელმთავარი გარდაახდევინებდა, იგი არაფერს შე-
აწყვედა, მაგრამ რაც მათს ცხოვრებაში იგი ვერას ხედავდა, ამიტომ
მასზედ იგი არც ხმას სცემდა, ნაცულად ამისა ურიებს ქართველნი სა-
ემარის ქომაგობასაც უწევდნენ და ამიტომაც იყო, რომ ურიებიც ქა-
რთველ მღვდელმთავართ და დედა ეკლესიებსაც კარგად ემსახურე-
ბოდნენ, არსად ესენი არას უფუტებდნენ. ყოველ წესრიგს ცხოვრები-
სას დიდის მორიდებით ასრულებდნენ, არსად არავის რას უშაგებდნენ,
ყმაწვილების ტანჯვა, ქრისტიანთ დევნა და სხვა ამგვარნი მათ გვე-
რდით ჩხებოდა როგორც ქორი, მოგონებული, უდიერი ცილი და
ბოროტი ბრალდება. უნდა მოგახსენოთ, რომ ებრაელთა ეკლესიურის
ყმობისაგან შეინახეს თავი საქართველოში უვნებლათ და ყოველივე
სახსარი მათის მომავლის ცხოვრებისა მხოლოდ ასეთმა გარემოებამ
წაიყვანა წინა და შემოსა მშვიდობიანის ფარგლით.

ძველად ქართველი ურია ეკლესიის ხარკს დიდის ხალისით ხდი-
ლობდა. იგი ხარკათ აძლევდა პურს, სიმინდს. ღვინოს, წმინდა სან-
თელს, თაფლს. საკმელს. ძაფს ანუ ნართს, ფულს. ფართალს და ყვე-
ლა იმ ნივთეულობას, რაც კი მათ გააჩნდათ. გარდა ხარკისა, იგინი სა-
მსახურსაც უწევდნენ და სამსახური ყოველთვის ერთგული იყო და
უფრო ადამიანური. ურია ქართულ ეკლესიას ანუ სალოცავს ისე უმ-
ზერდა, როგორც მოსეს და დავითის ტაძარს. ქართველი ურია ქარ-
თულს ეკლესიაში სამტროს არას ხედავდა, იგი ერთგულათ ემსახურე-
ბოდა მას და ეკლესიაც მიტომ მფარველობდა და მშვიდობის მყოფე-
ლის ცხოვრებით ფარგლავდა. მიზეზი ურიათა უზადო და უეშმაკო
ცხოვრება იყო, რომ იგინი სამხედრო ბეგარისაგან ძველდგანვე იქ-
ნენ განთავისუფლებულნი, მათი სამხედრო ბეგარის გარდასახადი ქარ-
თული ეკლესიის ხარკით ისაზღვრებოდა. თუმცა ურია სამხედრო ბე-

გარას ეკლესიის ხარკით იხდიდა, მაგრამ როცა საჭიროება იქმნებოდა. მაშინ ესენი არც სამხედრო სამსახურს გაუბრუნდნენ, შეძლებისდაგვარად სამხედრო სამსახურსაც ემსახურებოდნენ, რითაც შეეძლოთ, ხელით, ფეხით, ენით და ნივთიერად ემსახურებოდნენ. საქართველოს დაცემის შემდეგ, როცა საქართველო სამ სამეფოდ და ხუთ სამთავროდ გაიყო, ამ გარემოებამ ქართველი ურიებიც დააღონა, დააფიქრა, დაცემულთათვის კვლად დაცემა დიდი ცეცხლი იყო. დანაწილებულს საქართველოს ესენი ცრემლით მზერდნენ. ახალციხელი ურიები ყოველთვის ჰგოდებდნენ საქართველოს დაცემას. სამცხე-საათაბაგოში მცხოვრებნი ხშირად გადადიოდნენ თფილისში და თავიანთ ქართველ მეფეს ოსმალთა ამბავს მოუთხრობდნენ. ამით ქართველ ურიებს საქართველოს წინაშე დიდი ამბავი აქვთ დათესილი. ქართველ ურისადაც ისფთივე სამსახური მიუძღვის და უფრო უკეთესიც, როგორც თვით ქართველს. ასეთნი იყვნენ ურიათა შვილნი საქართველოში, ისე უყვარდათ მათ ქართული ენა და საქართველო, რომ მათ არც ერთს გაჰკირვებაში ქრისტიანებთან ერთად საქართველოსთვის არასდროს ზუარგიც არ უქცევიათ იოტის ოდენად. თუმც ისიც კი უნდა ითქვას, რომ ამათ ასეთს სიკეთეს ქართველნი ხშირად ივიწყებდნენ, ურიებზე ბევრს რასმე საოხუნჯო ცნობებს და ჭორებს ავრცელებდნენ, ერთს ოხუნჯობას აქვე მოვიყვანთ.

თფილისში ქართლის მეფეს ომის გამო საქმე ძრიელ გასჭირებია, ამ მეფეს ქართველ ურიებისთვისაც მიუმართავს, ვითომც ცხინვალში ასი ურია შეკრებილა ერთად, ცხენებზედ შემსხდარან და მეფეს ხლებიან თფილისში და გამოსცხადებიან. მეფეს სიამოვნებია, როცა 10● ქართველი ურია ერთად შეკრებილი უნახავს, მადლობა უთქვამს. შემდგომ მადლობისა ვითომც მეფისთვის უკითხავთ: რომ ახლა რას გვობრძანებთ, სად უნდა წავიდეთ საომრად? ცნობა მალე უცნობებით, შემდეგ ამისა ვითომც ურიებს უთხოვნიათ მეფისათვის, რომ ნეტავი გზაში ყარაული გაგვაყოლოთო, თორემ ჩვენ არც გზა ვიცით და ყარადებისაც გვეშინიაო. მეფეს ამაზედ გაუცინია და ამიტომ უთქვამს ურიათათვის: არა, შვილო, თქვენ ბრძოლის ველზედ მეომრად ვერ გამოდგებით, წადით ისევე თქვენს სახლში. ურიებს დიდათაც გახარებიათ, მეფისათვის მადლობა მოუხსენებიათ და თან თავიანთი ცხენები ბარგი და ფულიც იმათთვის დაუთმიათ, ვინც სამხედრო სამსახურში შევა და ბრძოლის ველზე წავაო. ურიები წამოსვლის დროს ერთმანერთს ეტყოდნენ კითხვით, ვითომც: — „ელეო, რამდენი დაგრაჩა ფული?“ — „30 კაპ.“ — პასუხათ მიიღებდა, ე. ი. ყოველივე გარდაუხდიათ სამხედრო ბეგარის გამო, რომ თვით მხოლოდ 30 კაპ. დაუტოვებიათ გზის ფულად. ეს გარდმოცემა აქ ამბათ მომყავს, თუმცა კა-

რგად სჩანს, რომ საქართველოში ებრაელთა გმობა და დევნა ძველადგანვე იყო მოსპობილი და ამ მოსპობას ყველა ემორჩილებოდნენ, მაგრამ ერთა შორის მოპოვებოდნენ თითო-ორო-ლა ისეთნიც, რომელნიც ამ გარემოებას ეწინააღმდეგებოდნენ და ებრაელებზე საოხუნჯო ანდაზებს და ამბებს ადგენდნენ. რაც შეეხება საგმობელსა და საგიობელს მხარეს კი, ეს ყოველთვის მათში ამოკვეთილი იყო. ამის ცხადი საბუთია აქ მოყვანილი საოხუნჯო გადმოცემა, რომელსაც ვნებითი, უდიერობის და უსამართლობის არაფერი სცხია ისე, როგორც ეს სხვა სახელმწიფოებში ხდებოდა საბრალო ებრაელთა წინაშე.

მაინც საქართველოს სამეფო VIII საუკუნიდამ ძლიერდებოდა და XI—XII საუკუნოებში მან ისეთ ძლიერებამდე მიაღწია, იგი ისეთის მცოდნე ლაშქრის პატრონი იყო და ლაშქრობის რიცხვიც იმოდენი იყო, რომ მათთვის სრულებითაც არ იქნებოდა საჭირო ბრძოლის ასპარეზზედ ქართველი ურია საომრათ გაეყვანათ. რაც შეეხება საშუალ საუკუნოებს ანუ XIII—XIV და შემდეგ საუკუნეთა გაჭირვებულ ქართველთა გარემოებას, ამ გაჭირვების დროს კი ქართველნი არც ურიებს დასტოვებდნენ უყურადღებოთ. ამასაც ფიქრი არ უნდა, რადგანაც მტრის მახვილით თავდასხმა ანუ დაცემა ურიასაც ისევე ელოდა, როგორც თვით ქართველს. თათარი რომ თფილისს დაეცემოდა, იგი არ კითხულობდა იმას, თუ ვის სახლ-კარს იკლებდნენ ისინი — ქართველ ქრისტიანისას თუ ურიასას, მათვის ორივე ერთი იყო, ვინც კი შეხვდებოდათ მათ წინ, ყველას, რასაკვირველია, მუსრს ავლებდნენ.

ურიებმაც, რასაკვირველია, კარგად იცოდნენ ასეთი მდგომარეობა ქვეყნისა და რაღა ფიქრი უნდა, რომ არც იგინი იქნებოდნენ ოცნებაში გართულნი და გულზედ ხელებდაკრეფილნი. უეჭველია, თავიანთის ქონების გამო ესენი უფრო დიდს შიშში იქნებოდნენ შთავარდნილ, რათა მტერთაგან არ აოხრებულებიყვნენ და ამიტომ ცხადი საქმეა, რომ იგინი არც საბრძოლველ ასპარეზს მოერიდებოდნენ და არც მახვილის აღებას ხელში. როგორ შეიძლება ითქვას რამე მასზედ, რომ ებრაელთა საქართველოში, ქართველთა გაჭირვების დროს, სადმე რამე მონაწილეობა არ მიეღოთ, ეს შეუძლებელია და ამიტომ ჩვენ უარყოფთ იმ მოსაზრებას, რომ ვითომც ებრაელნი საქართველოში ვაჭრობის გარეშე სხვას არას აკეთებდნენ.

ქართველ ურიათა ცხოვრება ძველადგანვე თავისუფალი იყო და იგინი არავის ემორჩილებოდნენ, იერუსალიმის ძენი ბაგრატიონების მეოხებით აზატნი იყვნენ ყველაფრით. მხოლოდ შემდეგ საუკუნოებში, როგორც სჩანს, სხვადასხვა გარეშე მტერთა გავლენის გამო, რაკი ქართული ეკლესია უძლურებას მიეცა, ამიტომ ეკლესიას ურიათა

შფარველობაც კარგად აღარ შეეძლო, ამას ქართველი ურიებიც კარგად უკანობდნენ და ივინი ქართველებში სძებნიდნენ თავიანთი ნებით სხვადასხვა მებატონეთა და მათ ყმობას რჩეობდნენ, რომ გაჭირვების დროს მტერთაგან დაცულნი და დაფარულნი ყოფილიყვნენ. საქმე და მათი ცხოვრების გარემოება ისე ეწყობოდა, რომ მათთვის ეს აუცილებელს საჭიროებას შეადგენდა და ამიტომაც ივინი ხდებოდა საბატონო ყმებათ და უპირატესათ ეძლევიან ყმათ იმ თავადისშვილებს, რომელნიც ურიათა შთამომავლათ ითვლებოდნენ. ასეთია, მაგალითებრ, თავადი ციციშვილები. თავადისშვილთა ციციშვილებს გარდა შირიათა შთამომავლათ ქართველთ თავადისშვილები სხვებიც მრავლად იყვნენ, მხოლოდ მათი გვარის ცნობებმა ჩვენ დრომდე ვერ მოაღწიეს, რვინი ძველადგანვე ამოწყდნენ, მოისპნენ, დღეს ჩვენთვის მათის აღარაფერი სჩანს, ასეთ მებატონეთა ურია ყმები შემდეგ სხვებზედ გარდავიდნენ, სხვა ქართველთ მებატონებზე, რომელ ყმებმაც თვით ბატონყმობის გათავისუფლებასაც მოაღწიეს.

XII საუკუნიდან XIX საუკუნის ნახევრამდე, ქართველი ურიები საქართველოში ყმებათ ირიცხებოდნენ შემდეგ მებატონეთა: სამეგრელოს — დადიანის, იმერეთს — ერისთვისშვილების და სხვათა. ქართლს: ციციშვილების, ავალიშვილების, ფალავანდიშვილების, მაჩაბელის, ერისთვიშვილების და ასევე კახეთს, სამშვილდეს, სამცხეს და სხვაგან თავ-თავის ადგილმდებარე მებატონე თავადისშვილებს. მეტორმეტე საუკ. მებატონეთა შესახებ ჩვენ ბევრი რამ ცნობები არა ევაქეს რა. საშუალ საუკუნოების შემდეგ დროებიდამ კი ზოგი რამ ცნობები მოიპოვება აქა-იქ ძველს წიგნებში, მაგრამ იგი უნდა იყოს მეოცე ნაწილი იმ ცნობათა, რაც კი ქართველთ ისრაელთა ბატონყმობის ცნობებს შეეხება. ის კი სჩანს, რომ საქართველოში არ ყოფილა სადმე დიდი ტაძარი და თავადისშვილი, რომ იმას ურია, ყმად არა ყოლოდა. საეკლესიო ყმათა რიცხვი ძველადგანვე დაშთა მათ სამკვიდრებლათ ჩვენ დრომდე, საბატონო ურია ყმანი კი შემდეგ საუკუნოებში მრავლობდნენ. ასე რომ ურიათა ყმობა ქართველ ეკლესიას თითქმის IX საუკუნიდამ დამკვიდრებია. ჩვენის ფიქრით, სწორეთ ასეთი გარემოება უნდა ჩაითვალოს იმის უმთავრეს მიზეზათ, რომ საქართველოში ქართველ ურიათა რიცხვი დიდათ შემცირდა, უმეტესი ნაწილი გაქრისტიანდა. დროის მეოხებით გაქართველდნენ <...> ასეთ პართა ზედ ემატება ის გარემოებაც, რომ ზოგნი მათგანნი საქართველოდამ უტხო ქვეყნებშიაც მიემგზავრებოდნენ, სადაც ვაჭრობის მხრით იქვე შთებოდნენ და უკან აღარ ბრუნდებოდნენ.

ისიც კი უნდა აენუსხნოთ, რომ ყმა ებრაელთა რიცხვი ხშირად ზოგერთ მებატონეთაგან მცირეთაც იდევნებოდნენ. ვინ იცის, იქნება ასეთი მაგალითები დევნათაც არ ჩაითვალოს, მაგრამ ჩვენ მაინც ავ-
რუსხავთ როგორც ისტორიულს ფაქტს. ქართველ მებატონეთა ძრიელ
ხშირად იტოვდნენ თავიანთ ყმათა ქალების მზითვევში გატანება. ზითვე-
ნი ატანდნენ არა ერთსა და ორს პირს, არამედ მთელი ოჯახობით და
ხანდისხან ხუთს და ათს ოჯახსაც კი ერთად. მაგალითი ვიცით, რომ
ზოგს შემთხვევაში ორმოცი ოჯახიც კი გაუტანებიათ, ეს გარემოება
ხშირად ხდებოდა უფრო ვაჭრობის მიზნით, ყოველი მებატონე ნამე-
ტურ ეტრფოდა და ელტოდა ურიათა ყმობას ანუ ზითვევში გატანებ-
ას. ებრაელს საცა კი ვაატანდნენ ზითვევში, იქ ის უეჭველად ვაჭრობას
დაიწყებდა, ალებ-მიცემას გამართავდა ადგილობრივ და გარეშე ნაწა-
რმოებთა საშუალებით. იყვნენ, რასაკვირველია, ისეთი მებატონენიც,
რომელნიც თავიანთ ყმა ურიებს მეტად სინდისიერად ეპყრობოდნენ.
რყვნენ ისეთნიც, რომელნიც თავიანთი ბოროტებით აწუხებდნენ, ხში-
რად საქონელს სტაცებდნენ, მაგრამ, რა გაეწყობოდა, სადაც ასეთი მე-
ბატონენი იყვნენ, იქ კარგნიც მოიპოვებოდნენ, ამას, ვგონებთ, უარს
ვერავინ ვერა ჰყოფს. არც ჩვენ ვმაღავთ და მოგვყავს შემდეგი მაგა-
ლითიც:

XVIII საუკუნის 35 წლებს საქართველოდამ გაძევებულ იქნა კა-
თოლიკოზი დომენტი* საბერძნეთის, ტენედოსის ქალაში ექსორიაქმ-
ნილი. დომენტი კათოლიკოზი იქ კარგა ხანს დაშთა და ამ ხნის განმავ-
ლობაში ფრანცუზის ვაჭრების და საბერძნეთის პატრიარქის მას ვალ-
ათ დასდებია 5500 ლევი. ეს ვალი რამდენიმე ხნის შემდეგ საქართვე-
ლოში მოითხოვა პატრიარქმა, მაგრამ დომენტის იგი ვერ გადაეწყვი-
ტა, მის გადასაწყვეტად საქართველოდამ გაუგზავნია 17 ყმა ურია და
ერთი ოქროს თასი. რომელნიც ყველა ესენი დაყიდულა 4000 ლევად
ანუ 400 მან. ასე და ამგვარად, თავნ ვალს დაკლებია 1500 ლევი ანუ
75 მანეთი. სჩანს აქედამ, რომ 15 ურია 350 მან. გაყიდულა, კაცი 25
მან. ოქროს თასიც 50 მანეთად. 1749 წ. საბერძნეთის პატრიარქს კვა-
ლად დაუწყია ანტონ კათალიკოზთან მიმოწერა, რომ თქვენზედ 1500
ლევი ვალი ირიცხება და გთხოვთ იგი გამოგვიგზავნოთო. ასეთის ცნო-
ბებით კარგად სჩანს, რომ ქართველთ მებატონენი თავიანთ ყმა ური-
ებს საქართველოში გაცემასა და დარიგებას გარდა, თვით უცხო ქვე-
ყნებშიაც კი გზავნიდნენ, გზავნიდნენ როგორც შემწირველობით, ისე-
ვე გასაყიდათ.

ჩვენ ამ გარემოებას ვერ მოვეწყობით, დომენტის არ უნდა ექმნა
ესეთი საქმე, რომ 17 ურია უცხოეთში გაგზავნა გასაყიდათ, რათა მა-

* ტომოთეს მოგზაურობა იერუსალიმს. 1852 წ. თფილისი.

თის ფულით ვალი გადაეხადნა, მაგრამ ერთი საკვირველი ის არის, რომ ამ 17 ურიამ 400 მან. როგორ ვერ იშოვნეს და თავი სულ ვერ ჯაითავისუფლეს.

დომენტი კათოლიკოზი ლეონ ირანთა მსაჯულის შვილი იყო, ძმა ვახტანგ მეექვსისა. ყველას რომ ეკადრა ურიების გაყიდვა. ამ მღვდელმთავარს მაინც არ უნდა ექნა, რადგანაც ქართველი ურიის საქართველოდამ მოცილება იყო თვით ქართველთ დაღუპვა, დალატი. ურიები საქართველოში ქართველებს არას უშავებდნენ და, მაშასადამე, ქართველები მათ რაღას ერჩოდნენ. მაგრამ ხომ მოგეხსენებათ, გვარში ერთი შაზაჩი არ დაილევა. ასეთი იყო დომენტი და ასევე იყვნენ იმ დროს მისი მონათესავე ორბელიანებიც, რომელთაც ებრაელთა ერთი ყმაც კი არ შეირჩინეს. რადგანაც ყველა იგინი დაყიდეს. დააგირავეს და აქა-იქ გაცუალეს სხვადასხვა ნივთებზედ.

იმერთა ბატონიშვილს დავითს ცოლად ჰყავდა ორბელიანის ქალი ან ქალს მშობლებმა ზითევში სხვათა შორის ურიებიც გაატანეს. ეს ურიები შემდეგ საეკლესიოდ იქნენ შეწირულნი, რომელთაც საეკლესიოდ ხარკი უნდა ეხადათ. ამ გათავისუფლების მიზეზათ გახდა ის გარემოება, რომ დავით ბატონიშვილის ცოლი უშვილო იყო, დავითი ღმერთს შევედრებია, რომ შვილი მომეციო. შვილი მისცემია, ამ გარემოების გამო დავითსაც ურიები გაუთავისუფლებია. ურიების ზიზღეში გატანება ქართველ მებატონეთ ჩვეულებად ჰქონდათ, ურიებს კი ფასი ედოთ, ამიტომ საქართველოში არ ყოფილა ერთი სახლიშვილი, რომ მათ ყმა ურია არა ჰყოლოდა. ამათ ყმობას მით უფრო ნატრობდნენ მებატონენი, რადგანაც დაჩაგრულნი უფრო უკეთესად უხდიდნენ ხარკს, ვიდრე ყმა ქრისტიანი გლეხები.

სულ ეს იყო საბრალო ქართველ ებრაელთა ყმობის ტრფიალები და მიზეზები, რომ ყველა ქართველი თავადისშვილნი ნატრობდნენ მათს ყმობას. ქართლის მებატონეთა შორის ურიათა ყმობის რიცხვი შემცირდა იმ დროდგან, რაც მათ იმერეთში იწყეს გადასახლება. იგინი აქ ისე შეწუხებულ იყვნენ, რომ მებატონეთაგან აქ თავს იხსნიდნენ, იმერეთში გადიოდნენ და იქ ეძლეოდნენ ცხოვრებას და იმერთა მებატონეთ ყმობას. სჩანს, იმერთა მებატონეთ ყმური დამოკიდებულება უფრო პირიანი იყო. ვინემც ქართლისა. ამიტომაც მოხდა. რომ მთელი ქართლის ურიები იმერეთში გადასახლდნენ. უნდა დაუმატოთ, რომ მართლაც იმერთ მებატონეთ ზრდილობა და ყმათა წინაშე დამოკიდებულება ბევრათ სჯობდა ქართლის მებატონეებისას. ქართლის მებატონენი სრული დესპოტები იყვნენ და იმერნი კი მათზე ზრდილნი და ფხიზელნი იყვნენ. ეს, მე მგონია, დღესაც კარგათ სჩანს ამ წოდებათა შორის, თუ ვინმე ყურადღებას მიაქცევს და მათ ყოფა-ქცევას ასწონდასწონავს.

აბა ვინ იტყვის, რომ დღევანდელი იმერთ თავადაზნაურობა არ სლობიან ქართლის თავად-აზნაურებს. თავად-აზნაურებს გარდა, ქართლსა და იმერეთში ურიათა გლეხნი ყმათ თვით ბაგრატიონთ გვარის წევრთაც ყვანდათ. ბაგრატიონებს დიდ სანაქებო საქმედ მიაჩნდათ, როცა ამათ ურიები ყმათ ჰყავდათ. ყმა ურიებს ივინი სიამოვნებით სწირავენ ეკლესიებს, ამ გარემოებას ამართლებს და ასაბუთებს შემდეგი მაგალითიც იმერეთში, თვით გამოჩენილი და წრფელი მეფე სოლომონ მეორე აი, რაგვარ ცნობას გვიტოვებს: რადგანაც სოლომონ იმერთა მეფის პირველის სურვილით გვამი მისი დასაფლავებულ იქნა გენათის მონასტერში, ამიტომ მე, ჩემის მხრით, ხსენებულს მონასტერსვე ვსწირავ სამს კომლს ჩემს ურიათა ყმებს, რომელთაც წლიურათ გენათის ტაძარს უნდა გადაუხადონ ხარკათ წელიწადში ფულათ 15 მანეთი და ერთი ლიტრაც წმინდა სანთელი¹. უნდა მოგახსენოთ, რომ როგორც სოლომონ პირველი იმერთა მეფე. ისევე მეორეც. მეტად ჰკვიანი ბრძენი კაცები იყვნენ. ერთიცა და მეორეც ქართველ ებრაელთა ცხოვრების აყვავილების საქმეს არაფრით არ ეწინააღმდეგებოდნენ. როგორც სოლომონ პირველი, ისე მეორე, იმერთ ებრაელთა ცხოვრებას სულაც არ ავიწროებდნენ და არსად და არასდროს ებრაელთ უბრალთ არავის სწირავდნენ. იმერთა ბატონიშვილები ქართველ ებრაელთ უფრო ნათელის შეხედულებით აფასებდნენ. ვიდრე ქართლ-კახეთის კეთილშობილნი, ამ გარემოებას თუ დავაკვირდებით, მის პასუხს თვით ქართველ ებრაელთა ცხოვრება მოგვცემს, როგორც ძველი, ისევე აწინდელი. თვით ქართველი ურიები იტყვიან მკაფიოთ, რომ მათთვის ცხოვრება იმერეთში უფრო ადვილი არს და სასარგებლო. ვიდრე ქართლსა და კახეთში.

როგორც ვსთქვით. ურია ყმათა ყვანდათ საქართველოს უპირველეს სახლის შვილებს და მათ შორის ყვანდათ აგრეთვე დადიანებსაც. ამას ცხადათ ამტკიცებს შემდეგი ცნობა: 1793 წელს დადიანის ასულმა. მარიამ დედოფალმა, საეკლესიოთ შესწირა ერთი მოსახლე ურიის ოჯახისა. ამ ქალს სამეგრელოდანაც ყოლია ურიები ზითევი გატანებული. ეს ქალი სოლომონ მეფის მეუღლე იყო, როგორც ვიცით. სოლომონსაც ყვანდა ურიები ყმათ. სამეგრელოში ურიათა მრავლად მოფენა XVII საუკუნიდამ ეკუთვნის. ჩვენ კარგათ ვიცით. რომ მარტოდ ერთს შემთხვევის გამო, ქართლიდამ ქართველი ურიების 10 კომლი გადასახლდა სამეგრელოს. ივინი დადიანს მიეცნენ ყმებათ, იქ დაიწყეს ცხოვრება და მასთან აღებ-მიცემაც. რასაც თვით დადიანებიც უმადლიდნენ.

იმერთ მებატონეთა შორის ქართველ ებრაელთა ტრფიალება და

¹ გუჯრები.

ფასი იქამდე ყოფილა განღვიძებული, რომ იმერტ მებატონენი ზოგერთ ებრაელთა ოჯახს ქართლიდამ თუ ნებით არა ძალითაც კი იტაცებდნენ. ამის მაგალითია შემდეგი: 1792 წ. როსტომ ფალავანდიშვილი შესჩივის მეფეს, რომ წერეთელი დაეცა ჩემს სოფელსა და სხვათა შორის, მოიტაცა ერთი ჩემი ყმა ურია თავის ოჯახითაო. მე ამ ყმა ურიის დაბრუნებას ვითხოვ, რადგანაც იგი მე მზითევეში მაქვს მიღებული. ესთხოვ თქვენს უმაღლესობას, რომ სოლომონ მეფეს და წერეთელს მისწეროთ, რომ ჩემი ყმა მევე დამიბრუნდესო*. წერილიდამ სჩანს, რომ ვითომც წერეთელი შეიარაღებულის კაცებით დასცემია ფალავანდიშვილის ყმებს. ამას გარდა, სხვა ურიებიც წაუყვანიათ, ცნობა არის, რომ ვითომც ურიები წერეთელს სიამოვნებით თითქმის სიხარულით მისდევდნენ.

რა იყო მიზეზი ამ სიხარულით წასვლის, ამაზედ აქ ჩვენ არას ვიტყვი, რადგანაც ზევით უკვე გაკვირთ ვილაპარაკეთ. რალა ფქირი უნდა, რომ სადაც ურიებს ასე ელტოდნენ, იქ უეჭველია მათი ფასიც ეცოდინებოდათ. მაინც იმერელ ებრაელთა ცხოვრებაც გაცოლებით სჯობია ქართლის ურიის ცხოვრებას.

ქართლის ურია სრული დატაკია, საწყალი. ჩულებში გახვეული, შინ არაფრის მქონე და ტანი ძონძებით მოსილი. იმერელი ურია კი ასეთ გარემოებას მოცილებულია, იგი ბევრად სჯობს ქართლის ურიას, ესეც, რასაკვირველია, ცხადი საბუთია მის. რომ ურიები იმერეთში უფრო უკეთ სცხოვრობდნენ, ვიდრე ქართლში. ამის მიზეზად ეხეც უნდა ჩაითვალოს: ვახუშტის მოწმობით, ქართლში ურიები არამც თუ მარტოდ იმ სოფლებში სცხოვრობდნენ, რომელნიც ჩვენ მოვსთვალეთ. არამედ სცხოვრობდნენ კიდევ სხვა კუთხის სოფლებშიაც. მაგალითებრ. ასეთია სამცხეს: „გოკია, ქალაქი სამცხეს, მოსახლეობენ ურიანი და სოფელ ბარალეთსა“. დღეს კი ამ სოფელში ურიის ხსენებაც აღარ არის, ისეა აქ გამორიცხული მათი ხსენება, რომ ერთი კაციც აღარავინ სჩანს.

როგორც ვისაუბრეთ, მთელს ჩვენს გრძელს წარსულს რომ გადავვლოთ თვალი ქართლსა და კახეთში, თითქმის ყოველ საუკუნეში ვნახავთ ისეთ ცნობებს, რომლითაც ცხადათ გამოჩნდება ის სინამდვილე რომ ქართველი მეფენი და მთავრები თავიანთ ყმა ურიებს თითქმის ყოველთვის სწირავდნენ დედა ეკლესიებს. ასეთია. მაგალითებრ. კახეთის მეფის, ლევანისაგან შეწირული მცხეთის ეკლესიისადმი ური-

* ვახუშტის გეოგრაფია 30 გვერდი.

ათა საქმე*. ამით გარდა, ლევანმავე შესწირა იერუსალიმს, ჯვარის მონასტერს, რამდენიმე მოსახლე ურია და იესოს საფლავსაც, სულ 80 კომლი ქართველი ურია იქმნა გარდასახლებული იქითკენ, რომელთაც საგზაოთაც მიეცათ საკმარისი შეძლება. ურიები სიამოვნებით წავიდნენ იერუსალიმს, დასახლდნენ იქ და თავიანთ ვალსაც ხდილობდნენ, ამ ურიებთან საქართველოდამ მათ მონათესავე ურიებს ხშირი მიწერ-მოწერა ქონდათ და წარმოდგინეთ ისიც, რომ ურიები ყოველთვის ერთმანეთს ქართულათ სწერდნენ წერილებს. ამათი ქართული წერილები არამც თუ საშუალ საუკუნეების გვაქვს ჩვენა, არამედ ქრისტიანობის გავრცელების პირველი საუკუნეებიდანაც კი მოაღწიეს ჩვენს დრომდის, რომელსაც ქართველ მეცნიერნი ნამდვილ ქართველთ შვილებთაგან ნაწერად ხადიდნენ. ყველას ასე ეგონა, რომ ქართველის ნაწერიაო, ანუ იმ შეწირულ ქართველ ქრისტიან გლეხთაგან, რომელნიც ბევრათ აღრე იქნენ ქართველთ მეფეთაგან შეწირული. ასეთ შეწირულ ქართველ ებრაელთა რიცხვი ძველთაგანვე ერთობ დიდი ყოფილა. ებრაელთა ცხოვრება საქართველოში ძველად თავისუფლათ არსებობდა, მათ ცხოვრების ხელისშემშლელი არავინ ყავდათ. იგინი მოქმედებდნენ თავისუფლათ, ცხოვრობდნენ შვიდობიანად, სარგებლობდნენ თითქმის ყველანაირ უფლებით. მათი მოდავე და დამშლელი არავინ იყო. იგინი თავისუფლათ იძენდნენ მამულებს, მასთან ჰყიდდნენ და ყიდულობდნენ კიდევ. ერთის სიტყვით, პირველ და შემდეგ საუკუნეებში საქართველოში ქართველი ურიაც ისეთივე საქართველოს შვილი იყო, როგორც თვით ძირეული ქართველი. ესენი ყველა ქართველ მეფეს პატივს სცემდნენ, სამეფო საქმეს თითქმის ეთანჯვანებოდნენ, არ თქმულა და არ გაგონილა, რომ ოდესმე ქართველ ურიას ან საქართველოსთვის ელაღატნოს, ან მეფისათვის, და რამე ცნობები სხვა სახელმწიფო მტერთათვის გარდაეცათ, თუმცა ამის შემთხვევა მათ ხშირად მიეცემოდათ, რომ ეს ასე ექმნათ, რადგანაც იგინი სავაჭროს მიზნით ხშირად მოგზაურობდნენ უცხო სახელმწიფოებშიც, მაგრამ არ შერებოდნენ.

ურია ქართველთ შორის ძველადგანვე არ იყო ისე დევნილი და ჯმობილი, როგორც ევროპაში. ევროპაში ამით, ვინ იცის, როგორ აწვალებდნენ, სტანჯავდნენ და თითქმის აფურთხებდნენ**, თმის გაკრეკას არ უშვებდნენ, საქართველოში კი ამის მსგავსი არავის არ შეეძლო და ურია თავის ჭერ-ქვეშ მშვიდობით იძინებდა. საქართველოს ურიე-

* ვახუშტის გეოგრაფია.

** სპასოვიჩის სიტყვა.

ზე ამ გარემოების წყალობით უფრო მისდევდნენ აღებ-მიცემასა და ვაჭრობას. ამის მიმდევრობამ კი იგინი ერთმანეთს დააკავშირა, ერთი ურია მეორე ურიას გადააბა არა მარტო ვაჭრობის საქმით, არამედ ცხოვრებითაც, აღებ-მიცემითაც და სხვა რამ ცხოვრების მხარეებითაც. ესენი მთელს საქართველოში ცნობილ იქნენ როგორც ვაჭრები და ისე სადმე სიტყვა „ურია“ არ იხსენებოდა, რომ იქ იგი მაშინათვე ვაჭრობით არ ყოფილიყოს ცნობილი. ვაჭრობა ამათიც თავისუფალი იყო და თვით ნებიერი საქართველოს სამეფოც ამისთვის მათ დახმარებასაც აძლევდა. მათს ვაჭრობის საქმეებს მფარველიც ჰყვანდა დანიშნული, რომელიც მჭიდროთ ზედამხედველობასაც უწევდა. თვით მგზავრობის დროსაც კი ებრაელ ვაჭრებს გზაში სამგზავროთ კაცებს ატანდნენ, რომელთაც ურია ვაჭარი ერთის ადგილიდამ მეორე ადგილამდის უნდა მიეყვანათ. მათი გამცარცვაიც ან მკვლელნიც სასტიკით დაისჯებოდა. ვაჭარ ურიის ყოველივე ზარალი უნდა აღედგინათ, ნამეტურ პასუხი ეკითხებოდა გზის კაცს, გზის კაცთა გარდა მათ ღამის გუშავიც ყავდათ დანიშნული. ასეთი იყო მათი ვაჭრობის პირობები საქართველოს სამეფოს წინაშე.

ქართველი ურიები ვაჭრობის გარეშე მეურნეობასაც ძველადგანვე მისდევდნენ. მეურნეობის დარგიც მათში გამოარკვია საქართველოს სამეფოს წესწყობილების კეთილმა გარემოებამ, კარგმა პირობებმა. საქართველოს ძველის სამეფოს წეს-წყობილების კეთილმა გარემოებამ, მიღავრმა ცხოვრებამ. საქართველოს ძველის სამეფოს წესებისათვის დიდათ სამძიმო იყო, რომ მას სადმე მცხოვრები გლეხი ჰყოლოდა და ეს გლეხი, გინდა ვაჭარი, ხელოსანი და სხვა უმიწაწყლო ყოფილიყოს უჭერო, უვენახო საყანურის უმიწოთ, მიტომაც იყო, რომ საქართველოში ძველადგანვე მეურნეობას ებრაელთა ყოველი ოჯახიც მოსდევდა, ყოველი გლეხკაცი, ამას მიტომ მისდევდნენ, რადგანაც მათ საკუთარი ადგილ-მამულები ჰქონდათ, სავენახე და საყანური ადგილები და მასთან — საბოსტნეც. მაშ რამ აღამალა საქართველოს ერი და დააწინაურა ძლიერებით, რასაკვირველია, მეურნეობის ნაყოფმა. დარგმა, მოსავალმა, მაშინ მეურნეობას ისე კი არ მისდევდნენ, რომ მის საშუალებით ვისმეს გამდიდრება ჰქონოდათ სახეში, ეს როგორც დღეს არის, არამედ მას მისდევდნენ როგორც ცხოვრების სახსარს, როგორც მათს გამომკვებელს ძალას და სიცოცხლის მასაზრდოებელს. ასეთის შირის იყო საქართველოს სამეფო ძველათ და მიტომაც იყო, რომ მათ მიწა-მამულით დაჭილდობული ყვანდათ თვით ქართველი ებრაელებიც. დღესაც სწორეთ ამ მოწყალეების მიზეზია, რომ საქართველოში

ქართველი ებრაელი უფრო მეტის პირობებით სარგებლობს. ვინემც
ეკროპიდან მოსული განათლებული ებრაელნი.

საქართველოს მიწისა და ნიადაგთან ქართველი ებრაელიც ისევე
იყო მიკრული და მიწებებული, როგორც თვით ქართველნი. ასეთი
იყო ებრაელთა წარსული საქართველოში და ასეთივეა მათი დღეინ-
დელი ცხოვრებაც. უნდა ითქვას, რომ საქართველოს ურიების ასეთი
მდგომარეობა მათმა მერჯულებმა იერუსალიმიდან დაწყებული თი-
თქმის ყველა სახელმწიფოში იცოდნენ და ამისთვის ქართველთ მთა-
გრებს და მეფეებსაც იგინი დიდათ უმადლიდნენ. ბევრს ურიის რა-
ბინს და მღვდელმთავარს უკურობებია თავისი სიტყვით საქართველოს
ერი. ბევრს ურიათა მღვდელმთავარს მოუხსენიებია სხვა ტომის ძეთა
წინაშე ქართველი ერი როგორც სამაგალითო და მასთან მისაბაძი ებ-
რაელთა სიბრალულში. ასეთი წარსული აქვდათ ებრაელთა ქრისტეს
წინა დროიდან ვიდრე XVIII საუკუნემდე. ასეთის კეთილის პირობე-
ბით სცხოვრობდნენ და ასეთი მისაბაძი კავშირი ქონდათ ქართველებ-
თან, როგორც ესენი აღიდებდნენ და პატივს სცემდნენ ქართველებს,
ისევე ქართველები ექომაგებოდნენ და მფარველობდნენ ქართველ
ებრაელთაც.

ქართველ ებრაელთა შესახებ ზეპირგადმოცემათ არის დატოვე-
ბული ერთი ამბავი, რომელიც მოგვყავს აქ. XVII საუკუნის ნახევარს,
ახალციხელი ქართველი ურიები გახმობილ იქნენ ომში. ესენი ამ მიხ-
მობას დიდის სიამოვნებით მიეგებნენ. ბრძანება აღძრეს და მალეც
მივიდნენ დანიშნულს ალაგას, მაგრამ საქართველოს გამგემ მათი ომ-
ში გაყვანა არ მოინდომა, რადგან ურიები ვაჭრობას უძღვებიანო და
ამიტომ იგინი გათავისუფლებული იქნენ და შინ დაბრუნებულნიო.
მაგრამ ურიებმა ეს ბრძანება პირველად არ იყაბულეს, იუკადრისეს,
ათაბაგს მოახსენეს, რომ — ბატონო, ვაჭრობის გზაზედაც გვიგულეთ და
აქაეო. ეს ჩვენი შეურაცხება იქნება, მაშ ჩვენს სახლ-კარს რომ მტერი
დაესხას, ნუთუ ჩვენ არ უნდა დავიფაროთ ჩვენი თავიო! როგორ შე-
იძლება ესაო. ჩვენც კაცნი ვართ, მართალია. ებრაელნი გახლავართ.
მაგრამ საქართველოში ვცხოვრობთ და ჩვენც ვალი გვაქვს ამ ქვეყნის
წინაშე. სადაც ჩვენა ვცხოვრობთ. ებრაელთა ბევრი იწუხეს, მაგრამ
რჩევა შეისმინეს და შინ დაბრუნდნენ, იქიდან სახლში ერთი პწკარ-
იც არ წაუღიათ, ყოველივე იქ დასტოვეს, ლაშქარს დაულოცეს და
ათაბაგს შეჰკადრეს, რადგანაც თქვენ ვაჭრობის საქმისათვის ასე დაგ-
ვაფასეთ და არ გაგვიმეტეთ, ჩვენც ვეცდებით, რომ სამაგიერო სამსა-

ხური გაგიწიოთ, შინ ვიახლებით და დიდძალს სურსათს მოგაშველებთ ბრძოლის ველზედო.

ესენი წავედნენ და მართლაც თავიანთი დაეალება აღასრულეს. მალე ჯარს ბრძოლის ველზედ რამდენიმე ოცი ურემი სხვადასხვა საქონლით და სანოვავე მიერთვა, რაც, რასაკვირველია, დიდის პატივით იქნა მიღებული. ურიების სამსახური მთელს საქართველოში მოეფინა, ყველა აქებდა ამათ, ასეთი უვნებელნი იყვნენ ქართველი ეზაქელნი საქართველოსათვის. ამ სამახსოვრო საქმის გამო ახალციხელი ურიები რამდენიმე თავის ნებით მცხეთის ტაძარს ეყმნენ. ეს ყმობა მოხდა მე-XVII საუკუნის ნახევარს, ისიც კი უნდა ითქვას, რომ ახალციხელ და ან სხვა ებრაელთა გარდა თვით იმერეთის ურიებთაგანიც კი ეწირებოდნენ მცხეთის ეკლესიას. ამის მაგალითს წარმოადგენს შემდეგი: XVIII საუკუნის დამდეგს, იმერეთიდან გარდმოსახლდა და ქართლში და ცხინვალს დასახლდა ერთი ქართველ ებრაელთა ოჯახი*. მერე ეს ქართველ ურიათა ოჯახი ცხინვალში მცხეთის ტაძარს ჰყმობია.

ცნობა არის, რომ როგორც ძველათ, ისევე შემდეგაც, ქართველთა ეკლესიისადმი ურიათა ყმობის ცნობა მათ მიერ მღვდელთაგან ეტყობინებოდათ იერუსალიმის ურიათა უფროს მღვდელმთავართ. ქართველ ურიებს ურიასტანის ებრაელებთან მუდმივი კავშირი ჰქონდათ და კიდევ მიტომ იყო, რომ ურიასტანიდან საქართველოში მეტად ხშირად მოდიოდნენ ურიათა მოგზაურნი, სწავლული რაბინნი და მღვდელმთავარნი. როგორც ვიცით, თვით ებრაელთა მოთხოვრებით, მათი მოგზაური რაბინნი თვით უძველესის დროიდან მოსულან ხოლმე, საქართველო აუწერიათ, მასთან თავიანთ თანამერჯულეთ ცხოვრებაც და მათ ცხოვრებაში ყველგან საქართველო, ქართველი ერი, სამეფო და გამგეობა მეტად კარგად მოუხსენებიათ, ურიათა მფარველად. ურიათა ძველის მოგზაურების ნაწერებში ევროპის ერთა შესახებ დიდს საშიშარ ამბებს ნახავთ, საოცარს და მასთან მართალსაც, თუ იქ ებრაელთა როგორ სტანჯავდნენ და საქართველოს შესახებ კი მათს ნაწერებში ვერსად ცუდს სიტყვასაც ვერ ვპოვებთ, თუმცა მათში ურევთან ისეთი მოგზაურნიც, რომელთაც მთელის აზიის სამეფოთა და ერთა ისტორიებიც კარგად იცოდნენ, აგრეთვე მათი ენა და მწიგნობრობა და მათ არაერთგზის უმგზავრიათ არამც თუ შავის ზღვის ნაპირების და საქართველო, არამედ მთელი აზია, თითქმის ინდოეთამდე, აქა-იქ უნახავთ თვისთანა მერჯულენი, აუწერიათ ივინი და უკანასკნელ საქართველომ

* გუჯრები.
3. ხ. კიკინაძე

გზით ურიასტანშივე დაბრუნებულან, რომელთაც, რასაკვირველია, არც საქართველო დარჩენიან აუწყერავი.

უძველეს ებრაელ მოგზაურებთაგან ჩვენ ვიცნობთ ბენიამინ რაბინს, რომელიც XII საუკუნეში სცხოვრობდა და რომელმაც თავის მოგზაურობაც დაგვიტოვა. ამ მოგზაურს აზიაში მოგზაურობის დროს აქა-იქ ურიებიც უნახავს და ზოგი ამ ურიებთაგანი საქართველოდამ ყოფილან. ამავე საუკუნის განმავლობაში აზიაში ყოფილა მოგზაური რაბინი აბრამ ბენდიორი. ამ რაბინსაც დაუწერია თავისი მოგზაურობა, იგი თავის აღწერაში საქართველოს ურიებზედაც ლაპარაკობს, სხვათა შორის სწერს, რომ საქართველოში ურიათა რიცხვი იგოდენად დიდი იყო, რომ ურიული სახელები თვით მათს ქალაქსა და დაბებსაც კი დარქმევია. ამის საფუძვლად იგი ასახელებს სოფელ ვარიანს, სადაც ძველად ურიებს უცხოვრიათ და რის გამოც დარქმევია ამ სოფ. ვარიანი. ურიულათ ვარიანი-ვარა სატახტო ქალაქს ნიშნავს. სოფ. ბრეთიც ურიების ყოფილა. თვით ბრეთიც ურიული სახელიაო. ასევე ბევრს ურიულს სახელებს ასახელებს სვანეთში დარჩენილებს, აფხაზეთში, სამეგრელოს, გურიაში <...> ვითომც თვით სიტყვა ივერიაც კი ებრაული სახელია და წარმომდგარია მათისავე ენის გავლენის მეოხებით. ეს მოგზაურობა, ურიულის ენიდამ ლათინურს ენაზედ ნათარგმნი, პირველად 1734 წ. დაუბეჭდავთ ამსტერდამს*.

აღსანიშნავია ის გარემოებაც, რომ საქართველოში ურიათათვის ძველადგანვე სთარგმნეს მოსეს სჯულისდება ანუ „ურიული კანონი“. და საქართველოს ურიათათვის დააარსეს. საქმე ისე ყოფილა მოწყობილი, რომ ძველადგანვე ურიათა საქმე ამ სჯულის წიგნით გაირჩეოდა და არა საქართველოს სამეფოს კანონთ კრების ძალით. როგორც სჩანს, ურიული სამართლის წიგნი ძველადგანვე უთარგმნიათ თვით საქართველოს ურიათა მღვდელმთავრებს. სჩანს, რომ ვახტანგ მეფის „სამართლის წიგნში“ მოთავსებული ურიული კანონი ძველი თარგმანის უნდა იყოს ახალის კომენტარით. ამას ფიქრი არ უნდა, რადგანაც ვახტანგ მეექვსე ურიული თარგმანის შესახებ არას ამბობს. თუ მან იგი საილამ სთარგმნა და გარდმოიღო. უნდა ითქვას, რომ მოსეს სჯულის წიგნი ძველად არის ნათარგმნი, ხოლო თარგმანი ვის ეკუთვნის, ამაზედ ჩვენ არა ვიცით რა, მიტომ არც ვამბობთ რამეს. ამ „ურიულ სამართალს“ გარდა ქართულს ძველს ხელთნაწერებში აქა-იქ ბევ-

* ისარლოვის ნაწერები.

რი ისეთი ცნობებია დატოვებული, რაც ცხად საბუთს გვაძლევს, რომ რგინი საქართველოში მყოფ ებრაელთა რაბინებისაგან უნდა იქმნეს ნათარგმნი.

„მოსეს სჯულის“ შესახებ ჩვენ ვიტყვიტ შემდეგს, რომ იგი საქართველოს ებრაელთათვის შემდეგ საუკუნოებში უმნიშვნელო იყო, მათი ავ-კარგიანობა ამ „სამართლის წიგნით“ აღარ განიბჭობოდა, არამედ საქართველოს სამეფოსავე კანონმდებლობით. გარდა ამისა, ისიც უნდა ითქვას, რომ მთელს ჩვენ წარსულში არ ყოფილა მაგალითი, რომ ქართველ ებრაელს სადმე რამე დაეშავებინოს, ქურდობა ჩაედინოს, წაერთმინოს სადმე რამე, ნიეთზედ ეჩხუბოს და სხვა ათას ამგვარნიც. ერთის სიტყვიტ, ურია ყოველი დანაშაულობისაგან ერთობ შორს იდგა. ეს არამც თუ ძველად, არამედ შემდეგ საუკუნოებშიც ისევე იყო და თვით დღესაც. ქართველი ურია, თუ არ დიდის გაჭირვებით, უამისოდ იგი საჩივარში არას დროს არ წავა. ასეთის თვისების გამო მათ, ერთის მხრით, უჭეროთ დასცინიან კიდევაც, ფრთხალებს ეძახიან, მაგრამ ეს არ არის მართალი.

ჩვენ, ჩვენის შეძლებისდაგვარად, აქ საკმარისად ვისაუბრეთ ებრაელთა ცხოვრების შესახებ, მოკლედ ავენუსხეთ, რომ ქართველი ებრაელნი საქართველოს მეფეების დროს სრულის თავისუფლებით განგებდნენ, მათი ცხოვრება იყო მშვიდი და უვნებელი. ვიდრე საქართველოს სამეფოს არსებობა დასრულდებოდა, მანამდის საქართველოში არც ურია შევიწროებულა, და არც მას უწყუენინებია რამით ქართველისთვის და საქართველოს მეფობის გამგეობისთვის. ქართველი ებრაელი ყოველთვის ერთგული ყოფილა თავისი მეფის და საქართველოს, ამიტომ ჩვენი ვალიც არის, რომ დაჩაგრული, უვნებელი ხალხის ცხოვრებას თვალყური ვადევნოთ და ყოველთვის მათი მფარველნი ვიყოთ ჭეშმარიტებით. ამას მოითხოვს ჩვენი ზნეობრივი ვალი და მათი კარგი ამაგიც ქართული ენის წინაშე და ქართველი ხალხის. ქართველი ამათ ვერ დაემდურების. ქართველთ ებრაელთ დიდი განვლილი დრო აქვთ საქართველოში და მასთან კაი ხსოვნაც დატოვებული. ამ ხსოვნას კარგად ასაბუთებს 1871 წ. მცხეთაში მოპოვებული ერთი საფლავის ქვა, რომლის ურიული წარწერაც მოწმობს, რომ იგი ეკუთვნის ქრისტეს წინეთ მეექვსე საუკუნის დასასრულს (589 წ.). ჩვენ ვხედავთ, რომ ურიასტანიდან საქართველოში მოსული ურიები ქრისტეს წინეთ მეექვსე საუკუნეში იქამდის გამრავლებულნი ყოფილან, რომ მათ თავიანთ სამახსოვროთ მრავალ ალაგას სხვადასხვა საფლავებზედ წერილობითი ცნობებიც დაუტოვებიათ. ეს ქვა საყურადღებოა.

ჩვენს დროს, საქართველოში, ქართველი ებრაელები სცხოვრობენ იმერეთს, სამცხეს, ქართლს და მცირე რიცხვით აქა-იქ ვაჭრობის მხრით. ქართველმა ურიამ, როგორც მოსალოდნელი იყო, საქართველოს რუსეთთან დაკავშირების მეოხებით ისე ვერ ისარგებლა, როგორც ეს სომხებს მოუხდათ. ქართლის ებრაელები თითქმის იმავე გარემოებაში დაშინენ და ვერ წადგეს ფეხი წინ, როგორც თვით ქართველნი. ესენიც ისევე დაშინენ, სამერმისო ცხოვრებაში უფრო გაჭირვებაში ჩავარდნენ, ვიდრე წარმატებაში. ამ გარემოებას დაეხმარა მათი ბევრნაირი ცხოვრების პირობები და ის გარემოებაც, რომ ახალი დროის მეოხებით ქრისტიანეთაგან ურიათა დევნა უფრო წინ წავიდა. მოსვენებაში მყოფმა ქრისტიანებმა ურიებზედ აიღეს მახვილი და ამიტომ ქართლის ებრაელები დაშინენ მამა-პაპურის ცხოვრების წესებით, არ იქნა, ვერ გამოდგეს ფეხი ძველის ქონებაზედაც. ამ გარემოებით ქართლის ურია უფრო უბედურია, ვინემც თვით ქართლელი ტეტია გლეხი. ქართლის ებრაელთ ვეროპის ებრაელი ათასეჲრ სჯობიან.

ძველს ხანას და მცხოვრებთ და მათ ბინათა აღრიცხვას ჩვენ იქით დავტოვებთ, ამიტომ ახალს მოგახსენებთ. ქართლში ებრაელები სცხოვრობენ: თბილისს, ქარელს, სურამს, ცხინვალს, მუხრანს, ბრეთს და სხვაგანაც თითო-ოროლა აქა-იქ სოფლებში ქართველ ქრისტიანებთან ერთად. სამცხეს ცხოვრობენ: ახალციხეს, აწყურს, ბარალეთს, ბოჭორმს და აქა-იქ სოფლებში თითო-ოროლა კომლი. კახეთში სცხოვრობენ ს. ზემოხობდაშენს და მცირეთ აქა-იქ სოფლებში, ვაჭრობის მხრით. იმერეთში სცხოვრობენ საჩხერეს, ჩხარს, ქუთაისს, ონს, ხონს, ლაილას, ბანძას, საინოს, სუჯუნას, კულაშს და სხვ. ასევე სცხოვრობენ ბათუმს, ფოთს, სოხუმს, სენაკს და აქა-იქ შთელ საქართველოს დაბებსა და ქალაქებში, სადაც კი მათთვის ვაჭრობა შეიძლებელია. საქართველოს გარეშე ქართველი ებრაელები სცხოვრობენ ბაქოს და რუსეთის სხვადასხვა ქალაქებშიაც, საზღვარგარეთ ქვეყნებს: კონსტანტინოპოლს, ტრაპიზონს და სხვადასხვა ვეროპის ქალაქებშიაც, მცირედ კი.

როგორც ძველად, დღესაც ქართველი ებრაელი ყველგან თავის დედა ენათ ქართულს ენას ხმარობს. არც ძველად და არც დღეინდელ ებრაელს ქართული ენის მტრობა არა ქონია და არც აქვთ, ნაცვლად მტრობის, მათ უფარესად აქვთ ჩაქსოვილი ამ ენის სიყვარული. საქართველოს გარეშე სადაც უნდა წავიდეს ქართველი ებრაელი, იგი ქართულს ენას არხად არ დასტოვებს, მას ყველგან ამ ენაზედ ეხერხება

ლაპარაკი. ამ ერთ სტდილობს იგი, ამით ლაპარაკობს ყველგან, შინ, გარეთ, ვაქრობაში და თვით სამართალშიაც. მაგალითებზე, თბილისში, სადაც ქუჩებში ებრაელთა დალალები დადიან, მათ ყველგან ქართული ენა აქვთ სახმარ ენად მიღებული. ერთი ის კი იციან, რომ აქ-იქ ზოგიერთ უბნებში „მელკი ტავარის“ ყვირიან, როცა მუშტართან მივლენ და ნახავენ, თუკი შეატყვეს, რომ მუშტარმა ქართული ენა უნდა იცოდეს, მერე რაც უნდა დაემართოს, რაც გინდ გაუჭირდეს ვაჭრობა, მაინც ის სხვა ენაზედ ხმას არ გასცემს, უსათულო ქართულად დაუწყებებს საუბარს. ქართულთავე ყვირიან „საწვრიმალო, კაი ბამბა-ზიები, ჩაის ჭურჭელი“ და სხვანი.

ოსმალეთის საქართველოში, როგორც ვსთქვით ზემოთ. ყველგან შეიჩრყა ქართული ენა, და ქართველ მაჰმადიანთ შორის ყველგან ამოვარდა და დაივიწყეს ქართული ენა თვით ქართველ მაჰმადიანებმაც. ქართული ენა დაივიწყდათ აგრეთვე ახალციხის ქართველ მაჰმადიანებთაც ეს ენა ყველგან იდევნებოდა, ქართველ მაჰმადიანებს აკრძალული ქონდათ ამ ენაზე საუბარი, ქართველები ხანდისხან შიშით ხმასაც ვერ იღებდნენ. ახალციხელი ქართველი ებრაელნი კი შინ და გარეთ ქართულს ენას თავისუფლათ ხმარობდნენ და მათი მოდავე არაყინ იყო, ვინ იცის, იქნება ოსმალეთის გამგეობამ და სასულიერო წოდებამ არც კი იცოდა, რომ ურბები ქართულად ლაპარაკობდნენ, თორემ, ვგონებ, მათთვისაც აღეკრძალათ ქართული ენა. გარდა ამისა, რომ ძველს დროს, მთელს ახალციხეში ქართველ ებრაელთაგან ქართული ენა განისმოდდა, იგინი ახალციხილამ მოგზაურობდნენ ფოცხოვს, ქვაბლიანს, ჩილდირის ხეობისაკენ, ჯავახეთში და ყველგან ქართველ მუსულმანებს ქართულად ელაპარაკებოდნენ. უნდა მოგახსენოთ, რომ ზოგიერთ საშიშს ადგილებში, ქართველ მაჰმადიანთ შორის, სადაც კი ქართული ენა ძველადგანვე შეიჩრყა და ამოვარდა, იქაც კი ქართული ენა თუ დარჩა აქა-იქ და ქართველ მაჰმადიანებმა არ დაივიწყეს, ეს იყო ქართველ ებრაელთა შინ და წყალობა, მათ შეინახეს ქართული ენა საქართველოში!

აი, თვით დღესაც, მესხეთსა და ჯავახეთში, ქართველ მაჰმადიანთ შორის, ალაგ-ალაგ, ქართული ენა სასტიკათ არის აკრძალული. რუხის სამმართველოებში მოდიან ქართველი ბეგიები და ალიები. მასთან ბოფლის გლეხნიც, მაგრამ ქართულად ხმასაც არ იღებენ, სამმართველოში კი ხანდისხან ძალასაც ატანენ, რომ ქართულად ამოიღონ ხმა, მაგრამ თქვენც არ მომიკედეთ, იგინი კრინტს, ხმასაც არ იღებენ ამ ენაზედ, თუმცა სახით ქართველები არიან, აგრეთვე გვართაც, მაგრამ რსლამის მეოხებით ასე არიან დაშხამულნი. ყოველს შემთხვევაში, თუ გაუჭირდათ, მაშინ კი ქართულს ენაზედ დასძრავენ ხმას. ეს ფანატიკოსი

ქართველი მაჰმადიანები თავიანთ ოჯახებშიაც კი ასე უკუღმართები და ბოროტნი არიან, ყველასთან ასე იქცევიან და მალავენ ქართულ ენას, მხოლოდ ქართველ ებრაელებთან კი ვერას აწყობენ და ვაჭრობის დროს უსათუოდ ქართულად უნდა ელაპარაკონ, რადგანაც ქართველთ ებრაელებმა იციან კარგად, რომ ქართველ გადაგვარებულ მუსულმანებს ქართული ენა გაეგებათ, ქართველ მაჰმადიანს ქართველი ებრაელი საქონელს ქართულად უფასებს, ქართულად ურიგდება და ქართველი მაჰმადიანი კი იქამდე გაფანატებულია, რომ სულ ოსმალურად აძლევს პასუხებს, ქართულად ხმას არ სცემს, ქართველთ ებრაელის საუბრის საშუალებით ქართველი მაჰმადიანის ყურში ქართული ენის ხმაურობის სმენა შეთება სამახსოვროდ. ამის მხრით ქართველთ ებრაელთ კაი ამავი მიუძღვისთ ქართული ენის წინაშე. ახალციხის მაზრაში. ქვაბლიანს, ფოცხოვს და სხვაგანაც თუკი სადმე დღემდე თუ ქართული ენა ქართველ მაჰმადიანთა შორის დაცულ იქნა. ეს სულ ქართველთ ებრაელთა წყალობა გახლავსთ.

როგორც ებრაელთა კაცნი არიან დახელოვნებულნი ქართულს ლაპარაკში, ისევე დედაკაცები. ამათი ნაკლი ერთი ის არის, რომ დღემდე ალაგ-ალაგ სიტყვების გამოთქმაში ენის დაბოროტიება ეტყობათ, უფრო ნაზი, წვრილი, ყმაწვილური კილო აქვთ მიცემული, მაგალითებზე, შენის მაგიერ ხან — სენის იტყვის. უფრო ქართული ანბანის ასო იცვლება სიტყვაში, თორემ მთლად სიტყვა კი შეუხებლად შთება. გარეშე ამისი, როგორც მამაკაცმა, ისევე დედაკაცმაც ქართული ენა ისე კარგად იცის, რომ მათ ამის ცოდნით ვერ შეედრება თვით ქართლის და კახეთის ქართველი მამაკაცები და დედაკაცები.

ქართველთ ებრაელებში შენახულია ბევრი ისეთი ქართული სიტყვები, რის გაგონებასაც ჩვენ საქართველოს სხვა კუთხეებში ვერსად გავიგონებთ, ვისაც უნდა, რომ ამაზე დარწმუნდეს, იმან გაიცნოს ქართველთ ებრაელთ ქართული ლაპარაკი, დააკვირდეს მასა და ის ჩვენს საუბარზედ ცხადათ დარწმუნდება. ამათში დარჩენილ ქართულ იშვიათ სიტყვებს დროით შეკრებაც უნდა.

როგორც ზემოთაც ვსთქვით, ქართველთ ებრაელებში ქართული წერა-კითხვა ძველადგანვე იქნა გავრცელებული. ქართულ ანბანს ძველადგანვე მათს შვილებს ხახამები და რაბინები ასწავლიდნენ, თუმცა სუსტათ კი და ნაჭღაბნის ქართულის ასოებით, მაგრამ მაინც თავიანთ ძველს ებრაულ ენასთან ქართულ ანბანსაც სწავლობდნენ, ურთიერთ შორის მიწერ-მოწერა და ვაჭრობაშიაც სულ ქართულს ენაზედ ჭონდათ წერა გამართული. როგორც ძველად, დღესაც ისევე იყავი, და საღაც კი ქართველთ ებრაელი სცხოვრობს, მან უსათუოდ ქართულ ენასთან ქართული წერა-კითხვაც იცის. უამისობა მათთვის შეუძლებელია.

ქართულს ანბანს ზოგს ალაგას ყმაწვილები ოჯახში დედ-მამისაგან სწავლობდნენ, ზოგნი ნათესავთაგან და ზოგნიც მეგობართაგან. ზოგე „არსენას ლექსს“, „ქალ-ვაჟიანს“ ან სხვა ასეთ წიგნებს იყიდის და მისის საშუალებით სწავლობს ანბანს.

სულ ეს იყო ჩემს უმთავრეს მიზეზათ, რომ ზოგს სახალხო წიგნებში მე ქართული ანბანის დაბეჭდვაც ვიწყე, რამაც თავისებური სარგებლობაც მოიტანა. 1900 წ. ახალციხის ქართველთ ებრაელთა მე დაუფრივე ზოგიერთი ქართული წიგნები. მოზარდ თაობაში ათში სამი ვერ ვნახე ქართულად კითხვის უცოდინარი. თუმცა ასოების ჩათვლით, მაგრამ მაინც კი იცოდა. როცა წიგნი მიეცი და ვკითხე: ქართული ანბანი სად ისწავლე? ზოგმა მომიგო, დედამ მასწავლა, პამამ, ბიძამ, ნათესავმა, ნაცნობმა და ზოგმა კი სთქვა, რომ ჩემით ვისწავლეო.

ქუთაისს და ზოგს დაბეჭდვით იშვიათად შეხვდებით, რომ ვაქარმა ურიამ ქართული კითხვა არ იცოდეს. მე შემთხვევით ზოგიერთ ალაგას ებრაელთა ბავშვები ვნახე იმ დროს, როცა მათ ქართულ ანბანს ასწავლიდნენ. ანბანს ასწავლიდნენ ძველის წესით, მაგრამ მაინც კი სიმკვირცხლე შევატყვე. სულ ადვილად სწავლობდნენ ანბანს. ქართული წერის წესი კი მეტად ცუდათ აქვთ შეთვისებული და მათი წერა თითქმის ჯაბანას წარმოადგენს. ბევრს ალაგას ვნახე მათი ამონაწერი, ქართული ანბანი და უნდა მოგახსენოთ, რომ მათი წაკითხვა ვერ შეესძვლი. ანბანს რაღაც განსაკუთრებული ხასიათი აქვს მითვისებული და უფრო სადა, რაღაც უცნაურ ირიბ-ირიბ ხაზებსა ჰგავს ქართული ასოები.

ერთი ჩვენი მწუხარება აქ ის არის, რომ ქართველთ ებრაელნი ახალ სწავლა-განათლებას სულ არ ელტვიან, არც ახალი სკოლების გახსნას, რომ იქ ბავშვებმა ძველს ებრაულს გარდა ახალი საგნებიც შეისწავლონ. სადაც კი სცხოვრობენ ურიები, მათ ყველგან აქვთ თორასთან პატარა სასწავლებელიც, ამ სასწავლებელში ხანამი ან რაბინი ასწავლის ძველს ებრაულს და მასთან ლოცვებს. ბავშვებს როგორც ებრაულის ენის არაფერი ესმით, ისევე მათსავე ლოცვების. ერთიცა და მეორეც მათთვის გაუგებრათ შთება და კითხვის დროს დუდლუნის და თავის კანტურის მეტს სხვას ვერას სწავლობს. ამ მხრით ებრაელნი ძალიან მაგრის თვისების არიან, ივინი არამტუ ჩვენს საერო და საშუალ სასწავლებლებს ეტანებიან, არამედ მკაცრათ ერიდებიან თვით თავიანთ თანა მერჯულე ევროპის ურიებსაც კი, მათს შვილებთანაც კი არ შეპყავთ თავიანთი შვილები სასწავლებლათ, რადგანაც, ამათის აზრით, ვითომც ევროპის ებრაელნი წმინდა ურიები არც კი არიან. მარტოდ ქართველთ ებრაელთ მიაჩნიათ თავიანთ თავი ნამდ-

ვილ ურიებათ, მაგრამ ის კი არ იციან, რომ იგინი ამით დიდათ სცდებიან, დიდათ აშავებენ თვით თავიანთ პატარა ებრაელთა ბავშვების წინაშე. მით პასუხისმგებელნი ხდებიან, რომ საბრალო ბავშვებს გაუნათლებლად სტოვებენ, ეს არ ეპატიებათ მათ. ეს დიდი ცოდვა არს მათთვის.

საქართველოს სოფლებში, აქა-იქ, სადაც ებრაელნი სცხოვრობენ, იქ ქართველნიც მოსახლეობენ, ქართველთ შორის ასტყდა სკოლის გახსნის შესახებ საუბარი, ფულიც გაიწერეს. ამ საქმეს არც ქართველთ ებრაელებმა ადრიკეს ზურგი, ამათაც თანხმობა განაცხადეს, სკოლის გარდასახადიც იკისრეს, მაგრამ შვილები კი სწავლას ახლოს არ მიაკარეს. ამბობდნენ:

— ჩვენ, ბატონებო, თქვენი არც სკოლა გვინდა არც სწავლა, ჩვენ ჩვენი სასწავლებელი გვაქვს და რაც კი ჩვენ გვჭირია, იმას ჩვენი შვილები იქა სწავლობენ. ჩვენისთანა სწავლა თქვენ არა გაქვთ.

ბევრი კიდევ სხვა ამგვარი უამაზნიათ. რამდენჯერს დარიგება მიგვიცია, საუბარი გაუმართავთ მათთან ბევრს საპატიო პირებსაც, მაგრამ, თქვენც არ მომიკვდეთ, მათზედ ვერავის ვერავითარი გავლენა ვერ მოუხდენია. მთელს საქართველოში, არამც თუ სოფელს ალაგას, არამედ ქალაქ ალაგში მცხოვრებ ებრაელთაც კი არ შეისმინეს და შვილებს არ გაუხსნეს განვითარების კარები. ეს მეტისმეტი უბედურება არის და ამაზედ ჩვენც ვემდურით ჩვენს მოძმე ებრაელთ და მათზე გული გვწყდება, რომ ასე იქცევიან შვილების წინაშე, ასეთ დაბნელებულს ძილში არიან შთაქვივნულნი. ჩვენ ერთი ქვეყნის შვილნი ვართ და ამიტომ უფრო გეტკივა გული ებრაელთა ასეთ ვრდომილებაზედ.

მხოლოდ ამ უკანასკნელ წლებს მცირედ შეიგნეს ქუთაისის ებრაელთა, მცირედ ახალციხელთ და სხვათა სოფლებში მცხოვრებთაც. ახალციხის ებრაელთაგან ზოგიერთმა შვილების სამოქალაქო სკოლაში იწყეს შეყვანა, ასევე ქუთაისს, იქაც ორმა-სამმა გაბედა და შვილები სასწავლებელში მისცეს. დანარჩენის ჩვენ არაფერი გვინახავს, თუმცა ადრე ერთმა ქართველთ ებრაელმა შვილი ქუთაისის გიმნაზიაშიც მისცა, ხოლო იგი 4 კლასამდე მიიყვანა, სწავლა არ დაამთავრებინა, ისე გამოიყვანა და აღებ-მიცემაზედ დააყენა. ასე რომ, მას შემდეგ, რაც საქართველო რუსეთს დაუკავშირდა და ურიებსაც გარემოება შეეცვალათ, მის შემდეგ ქართველთ ურიათა შვილებთაგანს არც ერთს არ გაუთავებია არც დაბალი სასწავლებელი, არც საშუალო და უმაღლესის სასწავლებლის ხომ კარიც არ დაუნახავსთ. ამათს ასეთს გარემოებას სასტიკათ ეწინააღმდეგებიან ევროპის ებრაელნი და ესენი მათთვის ძრიელ სწუხან, რომ ქართველთ ებრაელნი ასეთს ძველებურს მდგომარეობაში შთებიან. ევროპის ასეთ გულმტკივნეულთ ებ-

რეალთ ჩემთანაც კი უსაუბრიათ და მათ დიდი მწუხარება წარმოუთქვამთ ამათ შესახებ. იგინი ღლესაც მეცადინეობენ. აი ამ უკანასკნელ დროს, გაზეთებმა ამბავი მოგვიტანეს, რომ სოფ. კულაშელ ქართველთ ებრაელთ ერთის ევროპიელის ებრაელის ჩაგონებით ასალი სკოლის გახსნა მოუწადინებიათ, რადგანაც აქ სასოფლო სკოლა არსებობს და ამ სასწავლებელში ებრაელთა შვილებიც დადიან სასწავლებლადო.

ღმერთმა ქნას, რომ ამ ერს გაებედოს სწავლის ასპარეზზედ გამოსვლა. ამათში მხოლოდ ერთი ზარის რეკა არის საჭირო. რომ დაირეკოს სწავლის ზარი, საჭიროა მხოლოდ, რომ რამდენიმე კაცის შვილმა გაებედოს დაბალის სკოლიდამ საშუალო და უმაღლეს სასწავლებელში გადასვლა, თორემ მერე თქვენ ნახავთ მათში როგორ გაიღვიძებს დიდი მიმბაძაობა, დიდი ლტოლვა სწავლისა. თვით ქართველთ ებრაელნიც ხომ ძალიან მიმბაძაენი არიან, რასაც ერთი მოეჭიდება და დაიწყებს კეთებას, იმას მალე მეორეც ჩააფრინდება, მეორეც მოსკიდებს ხელს. ასევე მოუხდებათ სწავლის ასპარეზზედაც, რაკი ერთი შედგამს სწავლაში ფეხს, მერე მას მეორე, მესამე მიჰყვება და უკანასკნელ, დარწმუნებული ვარ, რომ მათის შვილებით აქა-იქ გაივსება სასწავლებლები, ამას ფიქრი არ უნდა, რადგანაც ქართველთ ურჩები შენიშნულნი არიან როგორც ნიჭიერი და მოხერხებული ხალხი. სრული იმედი გვაქვს, რომ ქართველთ ებრაელმა თუ ევროპიულ განათლების ტაძარში ფეხი შედგა, თუკი გამოვიდა ძველის ოცნებებიდგან და ნათელს განკაცების გზას დაადგა, მაშინ იგინიც დადგებიან დიდის პროგრესის გზაზედ, მათში გაიღვიძებს ჩვეულებრივი ნიჭიერი მიდრეკილება და ნათელი ცხოვრების ძიება და მაშინ იგინიც არა ერთს ნიჭიერს შვილს გამოუზრდიან საქართველოს, ბევრი მოღვაწე გამოვა მათგან და იმედია, რომ როგორც მათმა თანამერჩულეებმა გერმანიას გამოუზარდეს უდიდესი სწავლულნი და მეცნიერ-რეფორმატორები, ესენიც მსგავსადვე გამოუზრდიან შესამჩნევს პირებს საქართველოს. ამას ეჭვი არ უნდა, რადგანაც საქართველოს სასწავლებლებში, სადაც კი ებრაელის შვილი სასწავლებლათ შედის, იქ ის უსათუოთ თავის დედა-ენათ ქართულ ენას აღიარებს. იგი ქართულის „ღედა-ენით“ იწყებს თვალის გახილებას და შემდეგ, რაღა ფიქრი უნდა, სხვაზედაც გადავა, ის უტყუვრად შეისწავლის იმ ერის და ქვეყნის ისტორიას, სიტყვიერებას და ხალხის ცხოვრებას, სადაც იგი დაბადებულა და გაზარდილა. ეს რომ ასე იქნება, ამის მაგალითს ცხადათ გვაძლევენ ისეთ ებრაელთა ბიოგრაფიული ცნობები, როგორც იყო სპინოზა, მენდელსონი, მარქსი, ლასალი, ენგელსი და მრავალნიც სხვანი, ენით მოუთვლელნი.

ქეშმარიტად, ქეშმარიტად სანატრელია, რომ ქართველმა ებრაელ-მაც თვალი გაახილოს, მიჰხადოს სხვათა და განვითარების ასპარეზზე-დაც დროით ფეხი გამოდგას, რაც ხანი გავა და იგინი განათლებაში ფეხს წადგამენ წინ, იმდენი მათში ქართული ენის, მწიგნობრობის და ისტორიის სიყვარულიც უფრო წინ წაიწევეს, გასპეტაკდება, ერთი ათად ამოდდება. ქართველთ ებრაელი ქართულ მწერლობას კი სახ-სარს აღმოუჩენს. იგინი მრავლად გაიწერენ ქართულ ჟურნალ-ვაზე-თებს და წიგნებს, ამის ნიშნები ჩვენ უკვე ვნახეთ. სხვათა შორის და-ვასახელებთ იმ გარემოებას, რომ საქართველოში ქართული წიგნების გაყიდვის ასპარეზზე ქართველთ ებრაელთ შვილებმაც იჩინეს თავი. მათ შეისწავლეს ქართული წიგნების სახელები და შემდგომ მის და-იწყეს სოფლებსა და დაბებში ქართული წიგნების ტარება და სყიდვა. ასეთი მეწიგნენი იმერეთში ხშირად სჩნდებიან და ქუთაისში კალათით-აც ატარებენ ქუჩა-ქუჩა. რაც ჩვენ ქართველთ მწიგნობრათ შეერთ-ბულის ხელით ვერ მოგვიხერხებია, ამას ახერხებს ერთი ქართველი ებრაელი.

რაც შეეხება ებრაელთა სასულიერო წოდების საქმეს, მათგან ერი-სადმი ღვაწლს და სამსახურს, უნდა მოგახსენოთ. რომ ესეც ვერაფე-რი საქმეა. მასში სანუკვარი არაფერი სჩანს. ძველის სასულიერო წო-ღებისას ვერას მოგახსენებთ და ახალზე კი ვიტყვი, რომ იგინი დრო-ის შესაფერად არ არიან მომზადებულნი. აქამდე ებრაელთა ხახამნი და რაბინები თითქმის სულ უბრალო ხალხთაგან ირჩეოდნენ. ვინც კი მცირედ მაინც ებრაული იცოდა და რამდენიმე მცნება მოსეს სჯუ-ლისა, ის ხახმობას კი არა და რაბინობასაც ადვილათ მიაღწევდა. მის ცოდნისთვის საქმარისი იყო, რომ მხოლოდ მცირე რამე სცოდნო-და და თორას გვერდით ებრაელთა ბავშვებისთვისაც ებრაული ეკით-ხებინა. მისთვის სხვა არაფერი იყო საჭირო. მხოლოდ ამ უკანასკნელს წლებს კი ქართველთ ებრაელთაც შეიგნეს თავიანთი მოვალეობა და მათშიაც იწყეს თითო-თოროლა თვალხილულმა ხახმებმა და რაბინებმა გამოსვლა. ამათს წარმატებას და ცოდნას ძრიელ ეხმარება ევროპის ებრაელთ სასულიერო წოდების წინ ყოფნა, წარმატება და ენერგიული სამსახური. ესენი ამხნევებენ მათ. ამით პატივსაცემნი არიან იგინი მათგან.

როგორც სჩანს, საქართველოში, ებრაელთა სასულიერო წოდებას ძველი დროის შემდეგ თავის სასულიერო აღსაზრდელი კერძო სასწავ-ლებლები არა ჰქონიათ. სასულიერო წოდების პირნიც საერო პირებ-თან ერთად იზრდებოდნენ, ხოლო მცირედ წარმატება უნდა აღმოე-ჩინა ებრაულს კითხვაში და ეს იყო საქმარისი მისის წარმატების. ძვე-ლად კი საქართველოში ეს ასე არ იყო. ებრაელთ თავიანთ სასულიერო

პირთა აღსაზრდელი სკოლაც ჰქონდათ და მისთვის მცოდნე სჯულის
თავი კაცები, მასწავლებელნიც.

ქართველმა ხახმებმა ქართული ენა კი კარგად იციან, ზოგმა წერა-
კითხვაც იცის, სალოცავში უმეტესად ქართულ ენას ახმარებენ, ნამე-
ტურ ქადაგებაში. ქადაგება იციან ყოველთვის ქართულად. ქადაგების
გარდა სხვა დროსაც ახმარებენ ქართულ ენას. ქართველ ებრაელთა
ხახამი და რაბინი ქართული ენით სცოცხლობს, ამ ენით სცხორებს,
ამ ენით მართავს სამლოცველოს საქმეებს, ერთთავად ქადაგებაც
იციან კარგის ქართულის ენით, ხან მეტად თავისუფლათაც, ისე რომ
ჩვენი კაცი მასზედ გაკვირდება კიდევაც. ასეთი ქადაგების გასაცნობათ
აქ მოვიყვან ერთს ქადაგებას, რომელიც 1898 წელს ერთმა რაბინმა
წარმოსთქვა ახალციხის ერთს სამლოცველოში: „ოჰ, ისრაელნო, ის-
რაელნო, ჩვენდა სამწუხაროდ ამ უკანასკნელ დროს ჩვენ ერთობ და-
ვეციით, ერთობ დავდაბლდით. ვაი, ჩვენს თავს, ჩვენს ბედს, ჩვენს ღი-
რსებას. ჩვენდა სამწუხაროდ დღეს ისრაელთა შთამომავალნი ერთის
ლუქმა პურის გულისთვის, ვინ იცის, რაებს არ შვრებიან. მთელს ქვე-
ყანაში სამარცხვინო საქმეს ადგანან და მისდევენ. ჩვენდა სამწუხაროდ,
სადაც კი მიხვალთ რომელიმე დიდს ქალაქში, თქვენ უსათუოთ იქ სა-
დმე თუ საროსკიპო სახლს ნახავთ, ის უსათუოდ ისრაელის იქნება. ვაი,
ჩვენს ბედს, ჩვენს თავს, განა ჩვენ ამის მეთაურნი უნდა ვიყვნეთ,
განა ეს შეგვფერის, მაგრამ რას ვიზამთ, ასე მოეწყო ჩვენი საქმე და,
სამწუხაროდ, ამ საქმეს მამაკაცებს გარდა, თვით დედაკაცებიც მისდე-
ვენ. ოი, ისრაელის ასულნო და დედაკაცებო, განა თქვენ ასეთ საქმე-
თა მიმდევარნი უნდა იყვნეთ, განა შეგვფერის თქვენ, ისრაელის შთა-
მომავალთ? ბარე არ შეგვფერის, მაგრამ რა გაეწყობა. ყველაფერს ვი-
ფერებთ“ და მრავალიც სხვანი, რომლის მოყვანა აქ საჭიროდ არ ენა-
ხეთ. ქადაგებაში ბევრი ცოცხალი რამ ცნობები იყო გამოთქმული.

მეორე რაბინის ქადაგება:

„დღეს ისრაელის ასულნი ის აღარ არიან, რაც ძველად იყვნენ.
ამის მაგალითსაც მოგახსენებთ. ერთ მდიდარს ვაჭარს, გარე, თავის
საქმეებში აღებ-მიცემა მეტად ცუდათ, უკეთურად წაუვიდა. ბოლოს
საბრალო გაკოტრდა კიდევ. ამ გაჭირვების დროს მას სრული იმედი
ჰქონდა თავისი სახლობის, რადგანაც სახლში მას ოქრო-ვერცხლი, ფუ-
ლი და სხვა ნივთებიც მრავლად ებადა. გარე საქმეებში დაბანდებულ
ვაჭარს დრო არ ჰქონდა შინაური საქმეებისა. სახლში მყოფს თავი-
სუფალ და შეძლებულ ქალსაც ვერ დაეკავა საქმეები კარგად და ქმრის
შინ არ ყოფნის დროს იგი თავის ამხანაგ ქალებს აგროვებდა და ათა-
ნნაირ მასპინძლობას უმართავდა. სახლის ყოველივე შეძლებას სულ
წვეულებაში ხარჯავდა. ეს კი მისმა ქმარმა არ იცოდა. ცოლს ეგონა,

რომ ქმრის შეძლება უღვევლიაო, ის კი არა, როცა კარში ქმარი დაცარიელდა, სახლის უქონლობამ და სიცარიელემაც მაშინ გამოყო თავი. და ასე და ამგვარად, შინაც დაეცა ერთსა და იმავე დროს, ეს მოხდა სულ მის ცოლის უხეირო მოქმედების მეოხებით“.

მესამე რაბინის ქადაგება ისრაელთა დედაკაცებზედ:

„ერთ ვაჟარ კაცს ცოლი ყვანდა, ეგ ვაჟარი კაცი დილით სავაქროზედ რომ წავიდოდა, მის შემდეგ მისი ცოლიც გავიდოდა კარში, დაჯდებოდა ქუჩის პირას, შეაგროვებდა თვის ამხანაგ დედაკაცებს და ერთ გამვლელს და გამომვლელს არ გაუშვებდა, რომ არ გაეკილა. ეს ასეთიაო, ის ისეთიაო და, ვინ იცის, რამდენი სხვა ასეთები არ იცოდა. შინ კი უბრალო ჯამის გარეცხვა რა არის, იმასაც კი ხელს არ ახლებდა, მთელი დღე კარში დაღამებდა და საღამოს მხოლოდ ქმრის სახლში მისვლის დროს შევიდოდა და მხოლოდ მაშინ დაუწყებდა ჯანებს რეცხვას“ და სხვა.

უნდა ითქვას, რომ ებრაელთა სასულიერო პირნი მხოლოდ ასეთ საქმეებისათვის ჰკიცხავენ თვის დედაკაცებს, თორემ სხვაფრთხილ მათ სიბრალულიანი შეხედულება აქვთ დედაკაცებზედ. ბევრს ქადაგებაში მათს სიბრალულს დიდის პატივით ჰქადაგებდნენ. ნამეტურ შობებელთა სიყვარულს, უფრო კი დედის, რადგანაც დედაკაცი უფრო დაჩაგრულია, ვიდრე სხვა. საზოგადოთ უნდა ითქვას, რომ ებრაელთა სასულიერო წოდება ხშირად კაცთმოყვარეობასაც ჰქადაგებს, ღარიბთ სიბრალულს, მფარველობას, გაკითხვას, გატანას, დანაშაულის პატივებს და ბევრსაც სხვას. თუმცა ქადაგება მათ უსისტიემოთ იციან და ხშირად ერთის კითხვიდამ მეორეზედ გადადიან, მაგრამ მაინც უმთავრესად კეთილმოქმედების დედააზრებს კი არსად იოტის ტოლსაც არ შორდებიან. ეს არის მათი უმთავრესი ძალა იმ მოძრაობის, რომ მათში ქალსა და კაცს შორის დიდი ურთიერთობა არსებობს, დიდი სიყვარული და პატივისცემა, ეს პატივისცემაც ხომ ცხადი ბურჯია იმ გარემოების, რომ ებრაელნი ყველგან ერთობ მრავლად მრავლდებიან.

როგორც ძველად, ისევე დღესაც, ებრაელთა ხანმეები და რაბინები ქართულს ენას უეშმაკოთ ექვემდებარებიან, ქართველთ ებრაელი უფრო მადლიანის თვისებისა არის ქართველი ერის წინაშე, ვიდრე თვით ქართველი მუსულმანი და იმ ერიანთ რიცხვი, რომელნიც საქართველოში სცხოვრობენ, ზოგს ამათვანის დედა ენას ქართული ენა შეადგენს, მოდგმითაც ქართველები არიან, მაგრამ ჟამთა ვითარების მეოხებით იგინი ისე გარდაქმნილან, რომ დღეს მათ ქართველობის არაფერი სწამთ და ქართულ ენას თუ ხმარობენ, ხმარობენ ისე, როგორც საჭირო იარაღს, თორემ სხვაფრთხილ მათს გულში ამ ენის წმინდა ტრფი-

აღებას ადგილი არ აქვს, რაც ეს ყველას კარგად ეტყობა ჩვენში. იგი-
ნი აშკარად იჩინენ ამის ვითარებას.

ისრაელის ხახამი თუმცა ფანატიკოსაა, მაგრამ იგი მხოლოდ ფანატი-
კობია მოსეს სჯულში. იგი მართლდ მის მფარველ-მომვლელია. სხვათრი
იგი არავის რას ერჩის, არავის რას უშავებს, არავის მტრობა არ აქვს.
იგი შურიის არ აღიძვრის ისე, როგორც სხვებმა იციან. ამიტომ სანა-
ტრელია, რომ ებრაელთა სასულიერო წოდებას განვითარების მხრით
წარმატება მიეცეს, ჯერ დღესაც, როგორც მათ განვითარება არა აქვთ,
ამ დრომდისაც კი შეცადინებენ თავიანთი შეძლებისდაგვარად და
მრევლში სასტიკათ კრძალავენ ღარიბთ შეწუხებას, დარბევას. დიდი
ხარგებლის აღება და სხვანი. ამიტომაც არის, რომ ქართველი ებრა-
ელი უსამართლო საქციელს აღებ-მიცემაში დიდათ ეკრძალება. მას
ეს სასტიკათ სძულს, აშინებს და საყუველთაოდ სულის საქმეც ადარ-
დებს. სადმე ებრაელმა რომ ასეთი საქმე ჩაიდინოს და ვინმე დაარბი-
ოს, ის საქციელი ხახამს თუ რაბინს დიდათ ეწყინება. თუ გაუგო,
ქლიერ შეარცხვენს და თუ სიტყვამ მოიტანა, გაჰკიცხავს და შეაჩვენებს
კიდევაც.

ამიტომაც არს, რომ ქართველთ ებრაელნი ძრიელ ვრიდებიან ფუ-
ლით ან სხვა რამით შეუძლოთა დარბევას და დაჩაგვრას, მაგალით-
ებრ, მთელს საქართველოში თქვენ ვერ მიჩვენებთ ვერსად თუნდ ერთ
კომლს, რომელიც მათგან დარბეულიყოს სადმე, ქართველთ ებრაელი
ძრიელ ვრიდება სხვათა დარბევას. თუმცა ამათ ფულის გასესხება ხში-
რათ იციან. კაცის ხელის გამართვა საღმრთო ვალად მიაჩნიათ, მაგ-
რამ თან კიდევ ისიც აქვთ სახეში, რომ გაჰირვებულს შევლა უნდა
და არა დარბევა. ამიტომ ქართველთ ებრაელი ისე კაცის დამხობას
და დარბევას არ მისდევს ფულის საშუალებით, როგორც მხოლოთ
თვით ფულის სარგებლის აღებას, მან მხოლოთ ფულის სარგებელი
აღლოს, თორემ „შტრაფები“, „ნეუსტოიკა“ და ამგვარი რაღაც უსამა-
რთლო ჯარიმები მას არ უნდა, იგი ისტორიით დაჩაგრული პირია და
ამიტომ დაჩაგრული კაცის დარბევას სულ არ ნდომობს. ეს
რომ ასეა, ამას ასაბუთებს შემდეგი სამაგალითო ფაქტიც: ცხი-
ნვალს, სურამს, ქართლს და საქართველოს სხვა კუთხის ქართ-
ველთ ებრაელთა ცხოვრებას მეტად კარგად იცნობს აწ რუსის ბოქა-
ულად ყოფილი ივ. ზ-სკი. ეს პირი მეტად დიდხანს იყო ბოქაულ-
ად, მას ძრიელ ბევრი გაჰირვებული კაცის მამული აუწერია მევახშე-
ებთა ვალში. ბევრს ალაგას ბევრი ღატაკი კაცი დამხობილა შეუწყა-
ლოდ, უმეტესათ მოვალენი დამხობილან თვით ქრისტიანებთაგან, უფ-
რო სომხებისაგან. ურიისაგან კი ამგვარ საქმეთა მაგალითიც არ ყო-
ფილა. მთელი ქართლის თავად-აზნაურობის მამულები სულ ქრისტიანმა

სომხებმა აიკლეს, აიკლეს თვით ქართველი გლეხებიც. სომეხი როცა ქართველის მამულის გასაყიდათ მიდის, მან აღარ იცის, როგორ ინავარდოს, „პრისტავს“ აღარ აცლის გაყიდვას და როცა დასარბევი ქართველი ოჯახის წევრნი დარდით და ბოლმით წვიან, რომ მათ ქრისტიანნი მევახშე უღმერთოდ არბევს და აწიოკებს. 100 მანეთში 100 თუმანს ახდევინებს, ამ დროს კი ქრისტიანი სომეხი მევახშე სიხარულით ცეკვავს და აღარ იცის, რა ქნას, როგორ ინავარდოს, როგორ დაარბიოს ქართველი გლეხის ოჯახი.

ამ წურბელების მეოხებით ბევრს ალაგას მოელო ქართველ კაცს ბოლო, ბევრს ალაგას დაეცა საუკეთესო ოჯახები ქართველთა და აღიგავე დედამიწის პირიდან. თუ რა ამოქმედებდათ ამ პირებს ასე ჩვენზედ ამაზედ მე არას ვიტყვი, ხოლო ის კი უნდა აენუსხოთ, რომ სომეხმა ქრისტიანმა თავის მოვალის წინაშე არც მოცდა იცის, არც ვალის დაცვა, არც სიბრალული და არც რა სხვა მხარეები. მისთვის არსებობს მხოლოდ ქართველის დარბევა და დამხობა. ასე ნავარდობენ ეს ჯმირები და ამ ნავარდობისთვის თითქოს გარემოებაც კი ხელს უწყობს. ქრისტიანობის ფირმანით ბევრნაირს ბოროტების ქვეშ იფარვენ თავებს. ამ ბოლოს დროს, ქრისტიან სომეხ ვაჭრებთა გვერდით ასეთი ქართველი მევახშე ვაჭრებიც გაჩნდნენ და არც ესენი ჩამორჩებიან სომეხ ჩარჩებსა ტაციობაში. ეს ახალი მოვლენილი ქართველთა ქრისტიანი ჩარჩებიც სომეხზედ უარესად სწუწნის სისხლს ქართველს და ამხობს უწყალოდ. მე თვით ვარ მნახველი ასეთ პარამზადა ქართველი ქრისტიანი მცარცვალების. ასეთი ძერებით და ქორებით გაიგოს საქართველო და ქართველი ერი. მაგრამ ვინ რას ეტყვის ამათ? არავინ, რადგან ურიის გვერდზედ ესენი კეთილმოსაჲ ქრისტიანები გახლავან.

ქართველთა ებრაელი კი ასეთ უსჯულო საქციელს სასტიკათ არის მოცილებული და იგი თუ ვისმეს რამე სიკეთეს უშვრება, უშვრება მხოლოდ მიტომ, რომ იგი არ დაარბიოს, არამედ ფეხზედ წამოაყენოს და უშველოს რამით. ზემოხსენებულმა პრისტავმა მიაშობო შემდეგი: ქართლსა და იმერეთში ქართველი ურიები პატარა შეძლების პატრონები არიან, მათ ძრიელ უყვართ სარგებლით ფულის გასესხება. ფულის ვადა მოვა, ამაზედ საჩივარიც ატყდება, ურია მოვალეს პრისტავით მიადგება კარზედ, მოვალე გამოვა კარში და ებრაელს ეტყვის ასე:

— ჩემო ისრაელო, დამაცადე ცოტა, გეფიცები ღმერთს, რომ ყველაფერს გადაგიხდი.

ისრაელი მიუგებს:

— კი შენი ჭირიმე, დაგაცდი დიდის სიამოვნებით, მხოლოდ თა-

მასუქი გამოცვალე, პრისტავის ხარჯი გადაიხადე და დიდის სიამოვნებით. მე მზათა ვარ, რომ დაგაცადო, სიკეთე გიყო და არ დაგახრჩო, ქართველი ისრაელის სიტყვას ასრულებს, თამასუქს უცვლის, პრისტავის ხარჯს უხდის და ისრაელს შინ ისტუმრებს მშვიდობით. პრისტავსაც უხარიანო და ისრაელსაც, რომ საქმე მშვიდობით გათავდა და მოვალის ოჯახი არ დაირბა. ამას ემაღლიერება თვით მოვალეც და შემდგომ იგი ისრაელს ვალსაც უხდის მშვიდობით, ამ გადასახადს ან კაი მოსავალი უწყობს ხელს და ან სხვა რამ კეთილი გარემობა. უთქვამს ხოლმე ამ პრისტავს, რომ ერთხელაც არ მომხდარა ისეთი მაგალითი, რომ ისრაელს ვისიმე ქართველის ოჯახი აენიავებინოსო. სომხის მდიდრისაგან ოცობით და ორმოცობით ანიავეთულა ქართველთ ოჯახი და ისრაელისაგან კი არც ერთიო. ამის მოწამე თვით მე ვარო. ერთმა ასეთმა სომეხმა მეევანემ ეს პრისტავი მოაბეზრა ბევრის გლეხების მამულების აღწერით და დარბევით. სხვათა შორის, ერთხელ მან სხენებული პრისტავი წაიყვანა და ერთი კაცის მამული აღწერა და გაყიდა. შემდეგ უძრავის ქონების გაყიდვისა, განაგრძო თვით მოძრავი ქონების გაყიდვაც. მოძრავი ქონების გასაყიდათ სახლში პრისტავი წაიყვანა. მოვიდა მოვალე და შევიდა სახლში. თან შეიყვანა პრისტავი, ყოველივე აღწერა. იგი პრისტავს სთხოვდა, რომ ამას აღწერა აკვანიც კი, სადაც ბავშვი იწვა და ერთი ხელი ლოგინი, რომელზედაც ერთი მოხუცი ავაღმყოფი იწვა.

პრისტავმა ეს ვერ იკადრა, ქრისტიანმა სომეხმა ძალა დაატანა და უთხრა:

— აღწერე, ეს შენი საქმე არ არის ღარიბია თუ მდიდარი, მე შენს ხარჯს ვიხდი, ფულს გაძლევი, იმიტომ რომ აქ აღწერო და გაყიდო და არა სიბრალული გამოიჩინოვო, ეს შენი საქმე არ არისო.

ამაზედ ბოქაულს ჯავრი მოუვიდა და ჩარჩს სომეხს მკაცრად დაუყვირა, რომ შენ ამ ოჯახს უღვთოდ არბევო. ბევრი დაგიბრებვია, მე ვარ ამის მოწამე, ეხლა კი აღარ შეგჩრჩებო.

მეევანემ ყვირილი დაუწყო და თან გმობა, ბოქაულმა ეს ვედარ მოითმინა, აღელდა, სწრაფად რევოლვერი დასცა და მეევანე იქვე გაიჭიმა. ამ ამბავმა დიდი დავა ასტეხა. ყველა მეევანეს ამტყუნებდა, რადგანაც მას ვალის ვექსილში 100 მანეთის მაგიერ 100 თუმანი ჩაეწერა და საბრალო გლეხისთვის ვალად დაედო, რაშიც მართლაც და 100 მან. მაგიერ 100 თუმანი გადაახდევინა, რითაც ეს საწყალი გლეხი დაღუპა და დააქცია.

ქრისტიან სომეხ მეევანისაგან ასეთი მაგალითები ერთი და ორი კი არ მომხდარა, არამედ ოცი, ორმოცი და ასიც. ურჩისაგან კი არსად ერთი ქართველი კაცის ოჯახივე არ დამხობილა, არსად

არავინ აღგვილა. ამის მაგალითიც არ ყოფილა. ვიტყვით ახლა ჩვენ, რომ ქრისტიანთ სამღვდელოება ებრაელთა ხანმებსა და რაბინებს სჯობნიანო. აბა, ბრძანეთ ერთი თქვენ, თუ აქ ესენი ერთი მეორეს რით სჯობს. ჩვენ, ქრისტიანები, მგომბელნი ურიათა და ურიათა მღვდელმთავარნი კი ურიანი. თუმცა ამ ამბებს აქ აღგოლი არ ქონდა, მაგრამ აქ ეს ჩვენ მოვიყვანეთ, როგორც სამაგალითო მხარე ურიათა, რომელნიც მათ სასულიერო წოდების ზეგავლენის მეოხებით ხდება.

როგორც სხვებთან ანუ სხვა ტომის ერთან, ისევე თავიანთ თანამერჯულეებშიაც დიდი კავშირი აქვსთ, დიდი ერთობა და ერთმანეთის გატანა. გატანა იციან უფრო იმ სახით, როგორც საქირთა ყოველი უძღურისთვის ფეხზედ დასაყენებლად. იგინი ებრაელთა ლატაკთ ეზმარებთან ისეთის სახსრით, რომ ლატაკი ფეხზედ დადგეს, ცხოვრებით წელში გაიმართოს, საქმიანობას მოჰკიდოს ხელი და მათხოვრობას საყოველთაოდ გამოეთხოვოს. უამისოდ ებრაელის დახმარება სრულიად უბრალო, უმნიშვნელოა. ამიტომაც არის, რომ ებრაელთა შორის, ყოველი საყვარელი კი მნატვრელია შრომის და არა მათხოვრობის. ებრაელთა შორის მათხოვრობა ძველადგანვე აკრძალული იყო. მას ეკრძალებოდა ბერიკაცი, დედაკაცი, სნეული და სხვანიც. ყოველა არსება ნატვრით სცხოვრობდა და მეცადინეობდა, რათა მას თავის მუშაობით და მარჯვენით მოემუშაქა და ეშოვნა დღიური საზრდო და მათხოვრობა და აქა-იქ სიარულს კი საყოველთაოდ გამოსთხოვებოდა.

ეს იყო დარგი ურიათა ერის ძველადვე და ესევე არის დღესაც ბევრს ალაგას. ქრისტიანთა შორის ლაპარაკობენ, რომ ურიები მდიდრები არიან და მიტომ არ მათხოვრობენ, მიზეზი ეს არის, რომ ებრაელთა შორის მათხოვრები არ არსებობსო. ეს მხოლოდ მოგონილი მოსჯარება არის, თორემ თუ დავაკვირდებით საქმეს, სინამდვილეს და სიმდიდრეს, მაშინ კი სხვა აღმოჩნდება. ებრაელთ შორის მათხოვართა რიცხვი არ არის, მაგრამ მის მაგიერ კი გლახაკთა რიცხვი დიდია. ამათში გლახაკნი ისეთნი არიან, რომ თვით მათხოვართა მდგომარეობაზედაც კი დაბლა სდგანან. ამის მაგალითი მე ვნახე ახალციხის ქართველ ებრაელთა შორის. ცხოვრებას მათთვის ისე გაეპირებინა, რომ თუმცა მორიდებით კი, მაგრამ მაინც გაებედნათ მათხოვრობა და თვით ჩემთანაც მოვიდნენ ასეთის ჩუმის გაკითხვით: ერთი კაპეიკი მაჩუქეთ, შენი ჭირიმე და სხე.

ქართველებმა იცოდნენ ძველად შემდეგი თქმულება:

„ურიებს დარდუბალის კიდობანი აქვთ, ამ კიდობნისთვის ყველა ურიას წლიურათ ფული შეაქვს და როცა კი მათში ვისმეს გაუჭირდება, მაგალითებრ, ცეცხლისაგან გადაიწვის ვინმე ან იზარალებს, მო-

ხუცდება, არავინ ეყოლება და ცხოვრებით დაეცემა, უსახლო ობ-
ლები იქნებიან და ასეთიც სხვანი, მაშინ მათ აქედამ ეფლევით დახმარ-
ებაო, ამიტომაც არს, რომ ურიებში მათხოვრები არ არიანო“.

იციან კიდევ შემდეგი: „ურია უფრო ეხმარება ურიას, ვინემ ქრი-
სტიანია“.

ზემოთ ხსენებულ მევახშეობის გამო ურიათა შესახებ დაწინაღობა
ასეთი თქმულება:

„ურისი ვალი სჯობია სომხის ვალსაო“.

ეს იციან ნამეტურ ცხინვალს და ანუ ისეთ სოფლებში, სადაც
სომეხნი და ურიები ერთად სცხოვრობენ. ორივენი ფულს ასესხებენ.
ზემოთ მოყვანილი „დარდუბალის კილობნის“ გარდმოცემამ შემდეგ
დროს სახე შეიცვალა, მისი ჩვენ სხვა ვარიანტიც ვვაქვს. ეს ვარიანტი,
რასაკვირველია. ახლად მონარქებულა. აი ეაეც:

„ურიებს „დარდუბალის კილობანი“ აქვსთ, იქ ფულებს აგროვებენ,
როცა სადმე საქმე გაუჭირდებათ, მაგალითებრ. თუნდ მაშინ, როცა
იგინი ქრისტიანის ყმაწვილს დაიპყრენ და აწვალებენ, თუ ეს მწვალ-
ებლები დაიპყრეს და სამართალში მისცეს, მაშინ იგინი ამ „კილობ-
ანს“ გახსნიან, ფულს ამოიღებენ, მით მოსამართლეებს ქრთამავენ,
ადვოკატებს იპყრენ და დამნაშავეებს ამართლებენ“.

უნდა მოგახსენოთ, რომ ეს ცხადი სიცრუე არის ქრისტიანებთა-
გან მოგონებულ-მოჭორებული, უფრო ურიების მტრებისაგან. ზემოთ-
აც ვსთქვით და აქაც ვიტყვით, რომ საქართველოს მეფეების დროს
საქართველოში არ ყოფილა სადმე მაგალითი, რომ ურიებს ქრისტი-
ანთ ბავშვი მოეტაცნოთ და ეწვალებინოთ. ძველად ეს ამბათაც არა-
ვის გაუგონია საქართველოში, არსად ერთი შემთხვევაც არ მომხდარა.
ეს რომ ასე არ ყოფილიყო, მაშინ ცხადი საქმეა, რომ ქართულს იმ-
ტორიულს წიგნებში სადმე რამე ცნობა დაშთებოდა, თვით „ქართ-
ლის ცხოვრებაშიც“ კი დაიკავებდა ალაგს. ვახტანგ მეფეც ხომ ცხა-
დი საქმეა, რომ თავის სამართლის წიგნში იტყოდა რამეს, მაგრამ არც
ამის, არც აღბუღასი და ბექას სამართალში და არც სხვა საკანონმდებ-
ლო წიგნებში სიტყვა, კრინტიც არ მოიპოვება ამაზედ.

აბა თქვენა ბრძანეთ, ეს რომ ასე არ ყოფილიყო და საქართველო-
ში ურიებს ქრისტიანთ სისხლი ეხმარათ და ამისთვის ბავშვებიც ეწ-
ვალებიანთ, ნუთუ ამაზე ასე მოხდებოდა და ხმას არ ამოიღებდნენ,
არა გგვონია. ეს არც ჩვენს კანონმდებლებს გამორჩებოდათ, არც ჩვენს
მეისტორიებს და არც სასულიერო მწერლებს. მაგრამ არ არსებობდა
ეს, ამის ამბავიც კი არ გაგონილიყო მაშინ და მიტომაც არც იგინი
იხსენებენ. ეს ამბები სულ მოჭორებულია XIX საუკუნის დამდეგს,
რასაც, რასაკვირველია, უმეცარ ქრისტიანებთაგან უფრო ფრთები ეხს-
4. ზ. კიკნაძე

შება და ვრცელდება, ამ გავრცელებას ზედ ემატება ზოგიერთ ბორ-
ოტ-ავყია ქრისტიანთა მტრობა და ღვესა.

უნდა ვსთქვათ, რომ მართლაცაა ქართველთ ებრაელთ ყველგან
სდევნიან და აწვალევენ, ყველგან სჩაგრავენ და, ვინ იცის, რას არ უშ-
ვრებოან. თვით ქრისტიანი ბავშვებიც კი სდევნიან, ათასნაირ უწმამურ
სიტყვებს უყვირიან. რაც ამ საბრალოების შესახებ საგამობელი ანდ-
აზებია ხალხში გავრცელებული, ჩვენ ყველა იმაებს ვერ მოვსთვლით,
მათი მოხსენებაც არ შეიძლება, შეუძლებელია. სამწუხაროდ, თვით
ჩვენი საეკლესიო წიგნების უმეტესი ნაწილიც კი ისეთი კილოთია ნა-
წერი, სადაც ყველგან ურია იგმობა, ურია იხატება ხალხის წინაშე
ვითარცა ქრისტეს მტანჯველი, ურჯულო და თითქმის უღმერთოც.
ამიტომ საბრალოებს სდევნიან ყველგან, სცემენ, აწვალევენ, სტანჯა-
ვენ, პირზედ ღორის ქონს უსომენ, ეუბნებოან: თქვე ასეთებო, თქვე
ისეთებო!

გარდა ამისა, ყოველს ჩვენს სადღესასწაულო ხატების გამოფენას
და რიგის გარდახდასაც ხომ ერთობ დიდი ზეგავლენა აქვსთ მდაბიო
ქრისტიანებზედ ანუ განუვითარებლებზედ. მაგალითებრ, ჯვარცმის სუ-
რათების ხილვას, მთელის ქრისტეს ცხოვრების სურათებს, სადაც ტა-
ნჯვა-მწუხარება არს მკაფიოთ ნახატი, ასეთ ნახატებს ერი ხედავს ეკ-
კლესიის კედლებზედ, ხატებზედ, დროშებზე და, ვინ იცის, სად არა.
მერე ყველა ამის ჩამდენათ და მომქმედათ ვინ სჩნდება, რასაკვირვე-
ლია, ურია და ურიები, რომელთაც კარგია, რომ ქრისტიანობის ბრბო
არ ეცემა და სულაც არ ამოყლებენ. ამასვე ერთვის ზედ და ემატება
ქრისტიანთა იმ მწერლებთა ნაწერები, რომლებიც იესოს შესახებ ხში-
რად სწერენ და თან კიდევ ურიათაგან მის აურაცხველ ტანჯვას ანუ-
სხვენ, ანუსხვის შემდეგ დასკვნას აძლევენ ასე:

„ყველა ეს დაითმინა იესომ ჩვენი გულისთვის“.

აბა ახლა თქვენ ბრძანეთ, თუ ასეთ მაგალითების შემდეგ რა დღეში
უნდა იყვნენ. ამაზედ მე რომ არ ვისაუბრო, ვგონებ, ეს უჩემოთ
სხვებმაც კარგად უნდა იცოდნენ, რადგანაც ამის შესახებ მთე-
ლის ევროპის წარჩინებული პირნი ღაღადებენ. აქ ეს თუ მოვიყუა-
ნეთ, მხოლოდ მიტომ, რომ მით აგვენუსხა ჩვენი დარდიც, ჩვენი სიმ-
დიდრაც, რომ დღეინდელნი ქართველნი ებრაელთა წინაშე ის აღარა
ვართ, რაც ძველად ვიყავით. ძველათ მათი შემბრალებნი დღეს სხვათა
ფეხის ხმით ურიათ მდევნელათ გარდაქცეულვართ და წინააღმდეგ
ჩვენის მამა-პაპის ტრადიციების არც ჩვენ ვაკლებთ ურიებს ტანჯვას
და ღვენას — ჩვენც მოვყვებით ურიათა საგმობ ისტორიაში.

ამისთვის კმარა თუნდ ის ცილისწამებანი, ბრალდებანი და სამარ-
თალში მიცემა, რაც ებრაელთ საქართველოში გამოსცადეს და გამო-
30

იარს XIX საუკუნის გასვლამდე, ნამეტურ იმერეთში. პირველად ამა-
ერი ამათი დევნა და ცილისწამება მოხდა 1846 წ. მის შემდეგ მიღ-
რო და თითქმის, ვინ იცის, სად რა არ მოხდა და კვლად არ ზდება,
ნამეტურ ყოველ წელს, აღდგომის კვირა დადგება თუ არა და, თქე-
ნი მტერი, საბრალო ქართველ ურიებს კარში ველარ გაესვლებათ, თუ
მ დროს სადმე უბანში ქრისტიანი ყმაწვილიც მიიმალა სუმრობით ან
ქრისტიანებმა ერთმანეთს ხუმრობით ან ურიათა სამტროთ ყმაწვილი
მიმალეს, მაშინ ხომ მშვიდობით. ურიათათვის დგება განკითხვის დღე,
ჩაქვავება და, ვინ იცის, რამდენი კიდევ რაგინდარა. ასეთი უბედურე-
ბა, ასეთი დანაგვრა შეუწყალოდ და ებრაელთა მოსუცთა, ქალთა, კა-
ცთა და ბავშვებთა ატირება ბევრს ალაგს მოხდა, ბევრს ალაგას ამ
ჯარემობას თვით ჩვენმა ცნობილმა მღვდლებმაც შეაწყვეს სელი, მა-
გალითს მოვიყვან.

პროფესორის სეოლსონის წიგნი „სმარობენ თუ არა ურიები ქრი-
სტიანების სისხლს“ (თარგმანი ილია კალატოზიშვილისა) მე დავბეჭ-
დე და ამის დაბეჭვდამ ჩვენში ზოგიერთ ალაგას კამათიც ასტეხა და
ორს ალაგას საქვეყნოთ შეჩვენებაც მომიძღვნეს მისი დაბეჭვდვისთვის.
ასეთი შეჩვენება ეკლესიის გარეშე თვით ერთ ქართულს გაზეთშიაც
იქმნა დასტამბული და აღიარებული, რომ პროფესორი ამას მარტოდ
უნივერსიტეტში სტუდენტებს უკითხავდა კათედრიდამ სამეცნიერო
მიზნითო. სხვა რამ ქეშმარიტებას ჩვენ ვერ ვაკუთვნებთ, რადგანაც და-
მტკიცებულია, რომ ებრაელნი ქრისტიანთა ბავშვების სისხლს ხმარო-
ბენო, ურია ჩარჩიო...

ზემოთაც ვსტკეით და აქაც ვიტყვი, რომ საქართველოში ქართ-
ველთ ურია ჩარჩობის გარეშე მეურნეც არის, მეფობის დროდან და-
მკვიდრებულნი მეურნეობასაც მისდევდნენ, დღესაც ქართველთ ურია
რამდენათაც ვაქარია, იმდენადვე მეურნეა, მხვენელ-მთესველნი და
თვით ბარგის გადამტანნიც არიან. ნამეტურ სტანციებზედ. სამეურნეო
ნაწილზე მათ მოჰყავთ ბოსტნეულობა, სთესვენ პურს, სიმინდს, ღობშ
და სხვა. მევენახეობასაც მისდევენ. თავიანთ სახმარს ღვინოს თვით
სწურავენ. გასაყიდიც მრავლად აქვთ. არყის ხდასაც მისდევენ და
სმენ კიდევაც კარგად. ჭამა-სმა ებრაელთა არის მეტად მცირე, სუხ-
ტი. ხორკის ჭამას იგინი მცირედ მისდევენ, უფრო ღობიოს და სხვა
ანგვარებს. ქართველთ ურიები ჭამა-სმით ევროპის ურიებზედ ვაცი-
ლებით დაბლა სდგანან, შედარება არც კი შეიძლება. ევროპის ურიე-
ბი ყველაფერს ეწყობიან. ქართველნი კი თითქმის მცირედ, ესენ
ძირელ ცოტას სჭამენ, მთელ დღეს თითქმის მშვიდს აღამებენ, მშრ-
ლა პურზედ. დღესასწაულის დღეებში და ღვინოში თუ სჭამენ ხორცს,
თორემ უამისოდ იშვიათად იციან სავმლის ხარშვა. რაც შეეხება ხა-

ქმელთა ხარშვის ნაირ-ნაირობას, ვერც ამაში არიან დახელოვნებულნი, იციან ის, რაც კი საკვიროების გამო საერთოდ მიღებულია. რაც შეეხება საქმელთა სისუფთავეს, ვერც ამაში არიან ქებულნი. მე ამას ძრახვით არ ვამბობ, არამედ სიყვარულით და პატივისცემით.

საზოგადოდ უნდა ითქვას, რომ ქართველთ ებრაელნი არ მისდევდნენ მკაცრად სისუფთავეს. ზოგი ცხოვრების პირობების ბრალია, ზოგი სიღარიბის და ზოგიც სხვადასხვა მიზეზების. სარეცხი და ლოგინის სისუფთავეც მძიმეთ იციან, რაც შეეხება ტანთსაცმელთ დაეკრებას, ესეც ერთობ ნაკლებ აქვსთ შეგნებულნი, ნამეტურ ქართლის ებრაელთ, როგორც ტეტები, ესენიც ისევე დაგლეჯილს ტანთსაცმელში არიან გახვეულნი, ხოლო ვერც ერთ მათგანს ვერ ნახავ, რომ ქართლის ტეტისავეთ ტანზედ რუსის ფარაჯა ეცვას. სულ შეიძლება ძველძულებიც კი ეცვას, ძველი კონკები, მაგრამ თავისებური კი იქნება.

უსათუოდ, იგი მამა-პაპურს ტანთსაცმელს ადვილათ ვერ დასთმობს. წინეთ ქართველთ ებრაელთა კაცნი და ქალნი ქართულად იცოზდნენ ტანთსაცმელს, როგორც მამაკაცთა შორის, ისევე დედაკაცთა. ზოგთ ძვირფას ტანთსაცმლის ჩაცმაც იციან, მაგრამ ერთობ იშვიათად. მათში ძვირფას ტანთსაცმელს და ლოგინს ერთობ დიდხანს აძლებინებენ. სადაც კი გაივლით ებრაელთა სოფლებში, ნამეტურ ზაფხულობით, მათი ლოგინი და ტანთსაცმელი ერთთავად კარში ჰკიდია გზაზე <...>

რაც შეეხება შენობებს, ანუ სახლებს, არც ამით არიან წინ წასულნი სხვებზედ. ურიათ ოლონდ სახლი გააკეთოს, თავი შეაფაროს, თორემ სხვაფრივ მისთვის სულ ერთია. იგი იოლად წავა. როგორც უნდა იყოს. თავს დაირჩენს. ამიტომაც არის, რომ ებრაელნი ქართლსა და ზემო ქართლს ქართველებივით მიწურ სახლებში სცხოვრობენ. გარდა ამისა, ძველადგანვე ჩვეულება ქონიათ ამათ ერთად დასახლება, ერთ უბანში. ჭირსა და ლხინში მეგობრობა, ხოლო სახლის წინ ვიწრო ქუჩები იციან, სახლებიც ერთმანეთზედ მიყრილი, უსუფთაობაც უხვია და ამიტომ ურიათა უბანი ყოველთვის უსუფთაოა, სველი და საძრახი.

ასეთ ჩვეულებას, ამ ბოლო დროს, იმერეთის ურიები კი გამოეფხონენ. მათ იწყეს ძველის ვიწრო ქუჩებიდან გამოსვლა, ქონმახების გადაკეთება, მაღაზიების გამოცვლა. ასეთია, მაგალითებრ, კულაშელი ურიების საქმე. მათ თავიანთი მაღაზიები ერთ ალაგას, ევროპულად

გადააყეთეს ისე, რომ დღეს მათი სავაჭროები რამეს ჰგავს. წინეთ კი იგი არაფერი იყო. როგორც ურიის სახლი, ისევე სავაჭრო, შობალო ქობხასს წარმოადგენდა. ამ უკანასკნელ დროს ამის დაკვირვება და შეგნება ქუთათურ ებრაელთა ცხადათ დაეტყვოთ. მათ იწყეს ქუჩების გასუფთავება, სახლების გადაკეთება. ქუთაისს — ჩიონთან ახლოს სცხოვრობენ. ისიც კი უნდა ითქვას, რომ ძველად, ქუთაისის ებრაელნი უმეტესად ხის შენობის კეთებას მისდევდნენ, შემდეგ კი ქვიტკირით იწყეს. ქართველთ ებრაელთ ძრიელ უყვართ მდინარის ახლოს ღვომა. ყველგან ესენი მდინარის ახლოს სდგანან, ალბათ წყლის სიუხვის და სისუფთავის გამო. მეზობლობაში წყლის გამო მათ ჩხუბი არ იციან ისე, ეს როგორც ჩვენშია, ნამეტურ სოფლის ხალხში. მაინც ქართველთ ებრაელთა მეზობლობაში მტრობა არ იციან. მათში ეს ამოვარდნილია.

რაც გინდ სასტიკი დანაშაული მოხდეს, მის სისასტიკეს კი დიდი ზომა არა აქვს, ყოველი მათგანის გული მალე მოდის სიღბოზე, თითქოს იესოს და მის მოციქულთ სიტყვები მათაც აქვსთ გაზეპირებულნი. დანაშაული უნდა ეპატიოს ყველას არა ერთგზის და შეიდგზის, არამედ სამოცდაშვიდგზის. ამიტომაც არის, რომ ებრაელთა შორის მტრობას ალაგი არა აქვს, გატანა ურთიერთშორის გადღესასწაულებულია და უმეტესი ნაწილი მათის სადავო საქმეებისა ისევე მათშივე შთება, თვით ანერხებენ ყოველისფერს. ამით იგინი სანაქებონი არიან, მშობელთა. ნათესავთა შორისაც დიდი გატანა იციან ერთმანეთი-ჩა, აუცილებლად გაჭირვებაში დახმარება, პატივისცემა და სიყვარული. ამათში ნათესავური განწყობა, წვეულება და ლხინიც იციან, შეძლებისდაგვარად, მდიდართა და ღარიბთა გარჩევას კი იგინი არ მისდევენ ისე, ეს როგორც ჩვენშია.

რაც შეეხება დანათესავებას ანუ დაკავშირებას, არც ეს არც მათში ძნელი და ამამოიაც იგინი ერთობ ადვილათ უკავშირდებიან ერთმანეთს, მათში ქალის გათხოვება ისე ძნელი არ არის, როგორც ჩვენში. ჩვენში ვისაც ერთი ვაჟი ჰყავს და სამი და ოთხი ქალი, ის დაღუპულია საყოველთაოდ, რაც გინდ დიდი შეძლების კაცი იყოს. ებრაელთა შორის კი ეს ასე არ არის და იგინი ქალებს ერთობ ადვილათ ათხოვებენ, მათი უბედურება ერთი ის არის, რომ ქალის გათხოვება ერთობ ადრე იციან, რასაც ხშირად დიდი ვნებაც მოსდევს. ამას წე კი არა და თვით შესმენილი ქართველთ ებრაელნიც დაასაბუთებენ. ამიტომაც არის, რომ მათში ქალები ერთობ უძლურნი დგებიან, მჩატენი. სრულს სხეულის მექონს ადამიანობას მხოლოდ მაშინ მიაღწევენ, როცა წლოვანებით დასრულდებიან, შვილოსნობისგანაც ისვენებენ. ამათი ბედნიერება ერთი ის არის, რომ მათს სიმჩატეს და უძლუ-

რებას ქმარი თუ შვილი ყოველთვის მალამოსავით ევლინება. იშვიათად რომ ქართველ ებრაელთა შორის ქალის დაჩაგვრა ვინმემ გაბედოს, თვით ებრაელთა ქალებიც საკმარისად მისდევენ მომპირნეობას უნდა ითქვას, რომ ქართველთა ებრაელთა დედაკაცი პიროვნებით გათანასწორებულია მამაკაცთან. ზემოთ მოყვანილი ქადაგებანი დედაკაცთა ნაკლის შესახებ მათში ზოგადად უნდა შეინიშნოს და არა საზოგადოთ, მრავლად.

როგორც დედაკაცობა არის, ისევე არიან ბავშვებიც, ბავშვების პატრვისცემა მათმა მშობლებმა კარგად იციან. ცემა-ტყეპა და ამგვარები მათში მოსპობილია თითქმის. თუმცა ბავშვების არც კარგად აღზრდა იციან. მაგრამ არც ისე სდევნიან და აწვალევენ ბავშვებს, ეს როგორც ქრისტიანებს შორის არის გავრცელებული. ებრაელი თავის ზავშეს პატარაობიდანვე ანთავისუფლებს მძიმე ტვირთის ანუ მუშაობისაგან. იგინი მას ჯერ ხახამს აძლევენ სასწავლებლად, მცირედ კითხვას რომ ისწავლის. ამის შემდეგ მას გამოიყვანენ ხახამისაგან და ვაჭრობას დააწყებინებენ. ვაჭრობენ რასაკვირველია შეძლებისდაგვარად, თავ-თავის ალაგას. ზოგს მალაზიაში აყენებენ და ზოგსაც ფეხზედ ავაჭრებენ, წვრილმანი საქონლით. საპნით. მამა თავის შვილს ზულ ერთი მანეთის თანხას მისცემს. ამით უყიდის წვრილმან საქონელს და მერე გზაზედ დააყენებს, რომ წავიდეს პატარა ქართველთა ებრაელი, ივაჭროს, ფული მოიგოს და იცხოვროს თავის შრომით. მართლაცა და ურჩის ბავშვი თავის მამის დავალებას ჩინებულად ასრულებს. იგი რაც გინდ საპყარი იყოს, მაინც იგოდენათ ეცდება და ისე იშრომებს, რომ რამენაირად დღის საზრდოს იპოვის, სულ მცირე. რთხი გროშის პურიით დააღამებს. თავის თანხას არაფერს მოაქლებს. თვითაც იცხოვრებს და მამასთან სახლში მოგებულ მცირე თანხასაც შეიტანს.

ამის შნო მათ დამკვიდრებული აქვთ და მასთან მშობელთა პატივისცემაც უაღრესად სწამთ. ძნელად, რომ ებრაელთა ბავშვმა თავის მშობლებს რამით აწყენინოს. წყენა შეუძლებელია თვით ისეთ ებრაელთა ბავშვთაგანაც, რომელთაც დედმამისაგან სილატაკის მეტი არაფერი დაშთენიათ. მთელ სიცოცხლეს ბავშვები სილატაკეში ატარებენ, მაგრამ გულში კი დედ-მამის შური ბოროტებით არც შესცვლიათ და არც მოსაზრებით რამე ბოროტებით. ასეთია თვისება ებრაელთა ბავშვებისა და იგინი დიდის თავაზით და პატივისცემით ემორჩილებიან თავიანთ მშობლებს. თუმცა ისიც კი უნდა ითქვას, რომ უმეტესად ქარ-

თველ ებრაელთა ბავშვების აღზრდის საქმე დიდს სამწუხარო გარემოებაშია მოთავსებული. იგინი, სამწუხაროთ, თითქმის ღვთის ანაბართ იზრდებიან, მათი პატრონი მათი თავის მეტი სხვა არავინ არის, ამას უეჭველია ყველა ის პირნი ცხადათ შენიშვნენ, რომელნიც კი ბაზარს ადგილებში ქართველთ ებრაელთა ბავშვებს ხედავენ, მათს მოქმედებას. აღებ-მიცემობის მხრით თვალყურს ადევნებენ და თან კვლადვე აკვირდებიან მათს განწირულს მდგომარეობას. ორი გროშის მწრალა პურზედ ცხოვრებას.

ასეთია ებრაელთა ბავშვთა ცხოვრება და ასეთი დამოკიდებულება არის მათი მათს მშობლებთან. ბავშვები აღზრდის დროს, დიდის უპატრონობით არიან დატოვებულნი არა მარტო ჰამა-სმით, არამედ ჩაცმა-დახურვით, სისუფთავით და სხვანი. ვგონებ, ქალაქ ალაგას, ურთის ბავშვი მთელის წლის განმავლობაში ვერ წავა აბანოში. ვერ წასვლა აბანოში არ არის მაინც და მაინც სადარდელი. სამწუხარო ის არის, რომ მას არც სარეცხი აქვს სუფთა და ბევრს ებრაელს სიღარიბის გამო უბრალო პირსახოციც არა აქვს, თუმცა ასეა მოწყობილი მათი საქმე, თუმცა ასეთ ცხოვრების მორევში სტურავენ იგინი, მაგრამ რაც შეეხება ურთიერთ შორის სულიერების და ერთის ოჯახის წევრთ შორის ერთს მაგარი ქსელის გაბმას, ეს კი შეუურყვეველი ღირსება არიბ მათი და მის მზგავსს ჩვენ სხვა ტომის ერთა შორის ვერ ვპოვებთ. ებრაელი დევნილია მრავალთაგან, გმობილია იგი ბევრგან, მაგრამ მასთანვე იგი მაღლა სდგას თვით ისეთ ქრისტიან პირებზედ, რომელნიც მათ ჰგმობენ.

ქართველთ ებრაელთა მოხუცებულთა საქმე თუმცა, ერთის მხრით, შვილებთან პატივცემულია, მაგრამ იგი იგოდენადვე უბედურია. ებრაელთა მოხუცებულთა სულიერი მხარე ისეთია, რაც მათ ნებას არ აძლევს, რომ მოხუცებულნი თავის შვილებს დააწვეს კისერზედ და წამდაუწუმ ფული და სახსარი სთხოვოს. თუმცა მოხუცებულთათვის ეს ერთობ მძიმე უნდა იყოს და ისიც შეუძლოთათვის, მაგრამ რაკი ჩვეულება ასეთი აქვსთ, ამიტომაც იგინი თავიანთ შვილებს დიდს შეღავათობას აძლევენ. მოხუცი ერთ კაბას ათ წელს ატარებს, სულ მშრალა პურზედ მოკვდება, იმასაც თავის ოსტატობით იშოვონი

და შვილს კი არასგზით არ შეაწუხებს. იმასაც კი ვიტყვი, რომ მო-
ხუცებულ მშობლებთან ასეთი მომპირნეობა დიდათ მძავს. მე მისი არა-
ფირი მწამს. მოხუცებულ მშობლებთანთვის საამქვეყნიერთ სსგა რა-
ა უნდა იყოს დაშთენილი, რომ ორიოდ დღისთვისაც შეიღობის არ-
შეწუხების გამო დიდი სიღატაკე და მწუხარება დაითმინონ. მე ეს არ
გომწონს და ამის მსრით ურიათა საქციელს ვსთვლით უჯეროდ. უკა-
ნონოდ. იმასაც კი ვიტყვი, რომ მე მათი სულიერი მხარეების ბევრი
არაფერი ვიცი და იქნება ეს გარემოება მათში ხელშემწყობ. უენე-
ბელ ძალათაც ითვლება ურთიერთ შორის დაკავშირების საქმეში ვინ
იცის. ყველაფერი შეიძლება.

ქართველი ებრაელი ერთობ ცოტას ხარჯავს ფულს. მცირეს სკამს
და სკამს. არა იმიტომ, რომ იგი ძუნწია, არამედ მიტომ, რომ იგი შე-
უძლოა. ღატაკი და არაფრისმქონე, მათი ცხოვრება, ერთის მხრით,
არაფერს საწუხარს საქმეს წარმოადგენს. საზოგადოთ, იგინი შეუძლო-
ნი არიან და მის მეოხებით ცხოვრების გეგმასთანაც მოუწყობნი. იგინი
ქრისტიანების ცხოვრებასთან ბევრათ დაბლა სდგანან, ბევრ საქმეში
ზოთთან შეუღარებელნიც არიან, შეუღარებელნი არიან ბევრნაირის
მხრით, მასთანვე დაჩაგრულნი და დამდაბლებულნიც, მათი სიღატა-
კე და მომპირნეობა გამოწვეულ უნდა იყოს თვით მათისავე დევნი-
საგან. შეეწროვებისა და დაჩაგვრისაგან, რასაც იგინი თითქმის
ყოველდღე იტანენ. ამიტომ მათთვის საჭიროა განათლება, განვითარე-
ბა, ევროპულ ცხოვრების ასპარეზზედ გამოსვლა. მადლობა ღმერთს..
რომ ამ უკანასკნელ დროს, ამათშიც გაიღვიძა სწავლის სიყვარულმა,
მათაც იწყეს ღრტვინვა სწავლა-განათლების და ცხოვრების წინ წასა-
წყვად.

საჭიროდ ვსედავთ აქ ვსთქვათ შემდეგი: ქართველთ ებრაელთათ-
ვის დიდს საჭიროებას შეადგენს, რომ ჰქონდეთ თავიანთ სჯულის
ლოცვები ქართულს ენაზედ შედგენილი, რათა ძველ ურიულ ნაწერ-
წიგნების გარდა ქართული თარგმანი წაიკითხონ, რომ თავიანთ სჯუ-
ლის წიგნების შინაარსის გაგება ნათლად შეეძლოთ. ეს მათთვის აუცი-
ლებელს საჭიროებას შეადგენს და უამისოდ იგინი ფებს ვერსად წად-
ვამენ, ყოველთვის უკან იქნებიან ჩამორჩენილნი. მათ ჰკითხოს კაც-
მა, იგინი ასე ამბობენ, რომ ჩვენისთანა ნამდვილი ებრაელნი სხვები
არსად არიანო. ჩვენა ვართ, რაცა ვართ, ძველი ებრაელნიო. ქართ-
ველთ ებრაელნი თავიანთ თავებს მთელს ევროპის ებრაელებს ამჯო-
ბინებენ. ის კი არა და საცოდავები თავიანთ ცხოვრებას რომ დაკ-
ვირდნენ და იგი მერე ევროპის ცხოვრებას შეადარონ, მაშინ იგინი
თავიანთ თავს მათზედ ათჯერ დაბლა მდგარათ დაინახავენ. ასეთს შე-

მცდარ გარემოებით ხელმძღვანელობს ქართველთ ებრაელი. სანატრელი კია, რომ ასეთ უკუღმართობას რამე მალამო მოევიდნოს. ასეთ მალამოთ, ერთის მხრით, ჩვენ მიგვაჩნია ის გარემოებაც, რომ ქართველ ებრაელთათვის უნდა ითარგმნოს ქართულს ენაზედ მათი სკულის წიგნები. უამისოდ კი იგინი წინ ვერ წაელენ. რადგანაც მათ თავიანთ სკულის ლოცვების და საღმრთო წერაღის სრულებით არაფერი გაეგებათ.

ურიათა ზოგნი მოხუცებულნი ამბობენ. რომ ძველად ქართველთ ებრაელთა ქართულს ენაზედ ლოცვის წიგნებიც აქენდათ და იგინი ქართულათ კითხულობდნენო. ქართველთ ურიათა ზოგს დღესასწაულზედ 1877 წ. გაზეთ „დროებაში“ შემდეგი წერილი ღაუბრდევ: „ურიების დაბადება და ამალღება: სექტემბრის ცამეტს იწყება ურიების დაბადება და ამალღება და თაღება ცხრამეტ სექტემბერს. ამ დღესასწაულისათვის ყოველი ურია თავის სასახლის ეზოში გარკეთებს პატარა სალოცავსა, რომელსაც შემოსვენ ნაირ-ნაირ მწვანე ხეხილებით და ფოთლებით, მთელი კვირა სხედან და ლოცულობენ თავიანთ წესსა. ამალღების უკანასკნელ დღეს მოდის მათი დაბადება, რომელსაც უფრო დიდის მომზადებით უნდა დასვდნენ. დაბადებისათვის იგინი ემზადებიან სალოცავში წასასვლელათ დიდი თუ პატარა, თორას რთავენ ბალახ-ბულახებით და იქ ასრულებენ თავიანთ დაბადებას.

ურიების თორა ამჟამად იმ სახლში არის გამართული. სადაც წარსულს საუკუნეში ერთი ჩვენი ბატონიშვილი სცხოვრობდა და ამ უკანასკნელს დროს კი სხვების ხელში ვნახეთ. სახელათ ამ დარბაზს ადრე „მუნთუანთ დარბაზი“ ერქვა. დარბაზი მშვენიერი რამ არის თავის შინაგან შენობებით და ხეივნებით. სასიამოვნო სანახავია ჩვენი წარსულის საუკუნის მოყვარეთათვის ეს დარბაზი.

დანიშნულ დროს მოვიდოდნენ ურიები, ურიების ხახამ-რაბინებმა გააღეს კიღობანი და გადმოიღეს ოთხი მშვენიერი კუბო. ხავერდით მორთული და მრავალი ყვავილებითა. თითო კუბოში თითო „დაბადება“ იღო.

გამოსვენების შემდეგ ხახმებმა და რაბინებმა თორაში შვიდჯერ შემოატარეს და მერე დაასვენეს და დაიწყეს ლოცვა და შემდეგ თამაში-ხტომა. ერთ ურიას ვკითხე, თუ რისთვის შემოატარეს ეს კუბო მეთქი, ან გეცმისთ ეს ურიული, რომ კითხულობთ? მან შემოატარების კი არაფერი მითხრა და ურიულ წიგნზედ კი ბევრი რამ მიაგმო... — ბარე არ გვეცმის, მაგრამ რა ვქნათ?

რატომ ქართულათ არა სთარგმნით?

ქართულს ენაზედ თარგმნას ჩვენი რაბინი ნებას არ გვაძლევს,

რადგანაც ჩვენი დიდი რაბინი რუსის ურია არისო და გვეუბნებოდა, რომ ჩვენი სჯული ერთი არისო და ენაც ერთი უნდა იყოსო. მოშალეთ ქართულ ენაზედ ლოცვა და ერთმანეთში წიგნების მიწერ-მოწერაც. და აბა ხომ მოგეხსენებათ, ჩვენ არ შეგვიძლიან, თუმცა ჩვენ, ურიებს, ძველათ ნათარგმნი ლოცვის წიგნებიც გვაქვს. რომელიც ადრე ჩვენს მამა-პაპებს ქართულად უთარგმნიათ. მაგრამ სუყველა ისინი უქმად სძევს.

ამ დღეს, ადრე, ჩვენში ხალხი ყოველთვის ქართულათ ლხინობდა. განაგრძო ჩემმა ურიამ, როცა, „დაბადებას“ გამოიტანდნენ, ქართულად დაიწყებდნენ ძახილს: „დაბადებას მოვესწარიო. ნეტაი ჩვენს გახარებასა“. მაგრამ ეხლა კი უყურეთ, ადრე, აქ თბილისში ქართულათ ქადაგებაც შეგვიძლო გვეთქვა, ეხლა კი ესეც აღგვიკრძალეს ხახამ-რაბანებმა.

სხვა ქვეყნებში ამ ენაზედ ლოცულობენ ურიებიო, მითხრა ბოლოს იმან, რადგანაც ესმითო. ფრანგის ურიები ფრანგულ ენაზედ, ნემენცის — ნემენცურზედ და სხვა. და ჩვენ კი ასე გამოსხლეტილები ვართ. ამგვარად ჩვენს ლაპარაკში გაათავეს კიდევ ლხინი.

შემდეგ „დაბადების“ კოცნისა, ჩააწყვეს, დაკეტეს კუბოები და თვითონ თორიდამ გამოვიდნენ ლოცვით.“

რადგანაც ამ წერილში სიტყვამ დღესასწაულის საუბარიც მოიტანა, ამიტომ აქ კერძოთ მის შესახებაც ვიტყვით რამეს. როგორც ძველად, ისევე დღეს, ქართველ ებრაელთა მიღებული აქვთ თავიანთ დღესასწაულ დღეებთა მტკიცედ და დაუყოვნებლივ შესრულება, დიდ დღესასწაულ დღეების გარდა, თვით შაფათსაც კი სუფთად და ძველ ჩვეულებისამებრ ასრულებენ. ესეც საკვირველია მათში.

ზემოთ ჩვენ ვაკვრით ვახსენეთ ყველა ის საქართველოს ქართველთ სოფლები, სადაც კი კერძოთ და ან ქართველებთან ერთად ქართველი ურიები სცხოვრობდნენ. ეხლა აქეთგან სათითაოდ დავასახელებთ ამ სოფლებს და თან კიდევაც ავანუსხავთ.

თფილისი. ურიები ძველადგანვე აქ მრავლად სცხოვრობდნენ. XII საუკუნეში აქ მათი რიცხვი ერთობ დიდი იყო. თვით „ქართლის ცხოვრების“ მოთხრობით შეძლებული ვაჭარი, თფილისელი, ცნობილი ზანქან ზორბაშელი, ჩვენ ქართველ ებრაელათ მიგვაჩნია. ამას თვით მისი სახელწოდებაც აჩენს. ძველად ებრაელნი თფილისში სცხოვრობდნენ ზიონის ახლოს, ბეთხაინის შეღმართზედ. დღესაც მათი ძველი თორა ამ კუთხეში სძევს. ამბობენ, რომ ძველათ ბეთხაინი ამ კუთხეს ერქვაო, რადგანაც აქეთ ებრაელთა სასაფლაეო იყო და ებრაელთა ბეთხაინიც ამას ნიშნავსო. დღეინდელის ქართველთა ძველი ტაძარიც დღეს კარგა ხნის შემდეგიდამ პაოსიანებს უკავიათ. საშუალ საუკუნოების

შემდეგ თფილისში ქართველთა ებრაელთა რიცხვი ერი. აბ შემცირდა. მუდმივ ომებმა მათზედ ძრიელად იმოქმედა. XIX საუკუნის დამდეგს. როცა საქართველო რუსეთს ჩაბარდა, მაშინ აქ მათი რიცხვი ერთობ მცირე იყო. შემდეგ დროებაში აქ ქართველთა ებრაელთა თავი მოიკრიბეს, უმეტეს ახალციხიდან გადმოვიდნენ. დღეს თფილისში მათი რიცხვი საკმარისია. აქეთ ძველი თორა, ახალის ასაშენებლად ფულს აგროვებენ. შვილებს ატარებენ რუსის ებრაელთა სკოლაში, სადაც მათ ქართულ ენასაც ასწავლიან. სკოლას მცირედ ქალაქის გაშვობაც ეხმარება. ქართველი ებრაელნი თფილისში ლატაკად სცხოვრობენ, უმეტესათ მისდევენ საწერილმანოს ტარებას ანუ წერილმან აღებ-მოცემას. ცოტა მათში მელუქენე-მოვაჭრეებიც არიან.

ძეგამს მოსსენებულ არიან მცხოვრები ურიანი კავკასიის აქტების I ტომში, საქართველოს რუსეთთან შეერთების დროს. შემდეგ დროის მათის ცხოვრების ჩვენ ბევრი არა ვიცით რა. ის კი უნდა ითქვას, რომ ძველად ძეგამას ქართველ ებრაელთა რიცხვი დიდი არ უნდა უოფილიყოს. მათი ცხოვრება წერილმან ვაჭრობისაგან შესდგებოდა. ძველადვე აქენდათ თორა.

ბრეთი. ებრაელნი აქ ძველადგანვე სცხოვრობდნენ, იგინიც ჩვეულებრივ მეურნეობასა და აღებ-მოცემას მისდევდნენ. ბრეთის ქართველთა ებრაელნი მოსსენებულ არიან საქართველოს რუსთან შეერთების დროს „კავკასიის აქტების“ პირველ ტომში. ბრეთში დღესაც სცხოვრებენ ებრაელნი, მათი რიცხვი ძრიელ მცირეა. ცხოვრება და აღებ-მოცემაც იგივეა, რაც ცხინვალს, სურამს და სხვაგან. აქაც სრულიად ისპობა ამათი რიცხვი.

ცხინვალი. ცხინვალი ქართლში ცნობილ სავაჭროდ ითვლება, ქართველთა ებრაელნი აქ უხსოვარის დროდგან სცხოვრობენ, ე. ი. ძველის ძველადგანვე. თითქმის იმ დროდგან, როცა ქართლში ურიები მოვიდნენ და დასახლდნენ. კარგად სჩანს, რომ ებრაელნი ძველადგან ცხინვალს უფრო ვაჭრობის მხრით მიჰყვებოდნენ. მართალია, სხვა კუთხეებსაც ვაჭრობის მხრით ეტანებოდნენ, მაგრამ უმეტესად ცხინვალს. როგორც ძველადგანვე. ისევე შემდეგაც, ცხინვალში ქართველთა ებრაელთა რიცხვი დიდი იყო, აქვსთ საკუთარი თორა. ძველადგანვე მათ შვილებს მხოლოდ ხახმები ასწავლიდნენ. ებრაულს სწავლობდენ ჩვეულებრივ ლოცვების გამო და მასთან ქართულსაც.

ცხინვალური ებრაელნი ძველადგანვე როგორც ვაჭრობას მისდევდნენ, ისევე მეურნეობას. მათი აღებ-მოცემა ძველადგანვე შესდგებოდა წერილმანის ვაჭრობით. ცხინვალური ებრაელი ვაჭრები ქართლადგან ხშირად ოსმალეთშიაც მგზავრობდნენ, სპარსეთში და სხვაგანაც. იქ მათ საქართველოდამ საქონელიც გაქონდათ და იქიდგანაც

შემოპქონდათ. ახალციხის საქონლის ვაჭრობაში ცხინვალურ ებრაელთა კარგად ეხმარებოდნენ ახალციხელი ებრაელები. ცხინვალის ქართველი ებრაელები ისევე სცხოვრობენ, როგორც ქართველი ებრაელები, ენა ამათი ქართულია, ხასიათები ჩვეულებრივია, ტანთსაცმელი ქართული, მევახშეობა მათში ისე არ არის გავრცელებული, ეს როგორც ზოგიერთებს ჰგონიათ. ამ უკანასკნელ დროს მათ დიდი უბედურება ეწვიათ — ცეცხლისაგან გადიწვა 300 მოსახლე. მათთვის შეწირულება იწყეს, მაგრამ ბევრი არა შეეკრიბათ რა. ბევრნი აქეთ-იქით გადასახლდნენ. ცხინვალის ვაჭარ ისრაელებთან დიდი მტრობა აქეთ გრიგორიანთ ვაჭრებს, რადგანაც ურიები ყოველთვის საქონელს მათზე უფრო იაფად ჰყიდიან. საზოგადოთ უნდა ითქვას, რომ ცხინვალის ქართველი ებრაელები ლატაკათ სცხოვრობენ. ცხინვალის ებრაელები საბატონო ყმებთ გარეშე მცხეთის ტაძარსაც ეკუთვნოდნენ ყმებთ. (გუჯ. 11 წ. გვ. 197). ყმათა რიცხვი 80 კომლამდე ყოფილა.

მუხრანი. სცხოვრობდნენ ქართველი ებრაელები, სულ რამდენიმე მოსახლენი. ზოგნი მათში ეხლა მივიდნენ, უბედურობის გამო ცხინვალიდგან გადავიდნენ და დასახლდნენ.

ქარელი. ქარელში მცხოვრებ ებრაელთა რიცხვი ძველად დიდი იყო. დღეს კი ერთობ მცირეა. ამბობენ, რომ სიტყვა ქარელი ქარიანს ადგილს კი არ ნიშნავს, ეს როგორც ზოგიერთებს ჰგონიათ, არამედ ერთმც ქარელი ძველი ებრაული სიტყვა არისო. ზოგნი ამას მამაკაცის სიტყვით აღიარებენ. დღეს ქარელში ქართველთ ებრაელთა რიცხვი ერთობ მცირეა. სულ 400 სულისაგანლა შესდგება. აქვსთ თორა და ჰყავსთ ხახამი. ძველად ირიცხებოდნენ ციციშვილის ყმებთ, დღეს, როგორც სხვა ქართველთ ებრაელები, ირიცხებიან სახელმწიფო გლეხებთ.

ქარელის ებრაელი ლატაკია. იგი როგორც წვრილმან ვაჭრობას მიხლდევს, ისევე მეურნეობასა. სახლში მეტად მდამბოთ სცხოვრობენ, ცხოვრების წესები და ტანთსაცმელი ჩვეულებრივია. სწავლის მხრით დაცემულნი არიან ისევე, როგორც ქართლის სხვა ებრაელთა შორის სუფევს დღეს. რადგანაც ქარელის ქართველთ ებრაელთა შესახებ ჩვენ ზემოთ გაკვრით ვისაუბრეთ, ამიტომ ამათ შესახებ საზოგადოთ არას ვიტყვი. ცხინვალური ებრაელთა ცხოვრება ამათ ცხოვრებაზედ ბევრად მაღლა სდგას. რაც ხანი გადის, მით ქარელის ქართველთ ებრაელთა რიცხვიც მცირდება.

სურამი. სურამის ქართველთ ებრაელთა მოსვლაც იმავე დროს ეკუთვნის. როგორც ქარელს, ბრეთს და სხვა კუთხეებში. როგორც სხვაგან, აქაც ებრაელები ერთ კუთხეს სცხოვრობენ. ამათ ჩვეულება აქვსთ.

ამისი და, ვგონებთ, ამის მიზეზი უნდა იყოს, რომ იგინი თავიანთი ძველის ცხოვრების წესებით დღემდე ასე მაგრა დაშთენ და არსად ბევრი არაფერი დაკარგეს. ეს მეტად საოცარია. 2200 წლის განმავლობაში მათ თვინიერ ებრაულის ენის გარდა სხვა არაფერი დაკარგეს. ამათ ასე დარჩენა და ძველის წესების არ დაკარგვის უმთავრეს მიზეზათ ქართველ სამეფოს ჰუმანური მხარეც უნდა მივლოთ ანუ ინდიფერენტიზმი. ეს კითხვა ერთ დროს, ბ. ანტონ ფურცელაძემაც განმარტა მშვენიერად. ეს რომ ასე არ ყოფილიყო, მაშინ საქართველოში ერთი ებრაელიც ვერ შეინახავდა თავს.

სურამის ებრაელნი საქმარის რიცხვს შეადგენს. იგინი მისდევენ ალებ-მიცემას და მეურნეობას, ფულის გაესხებაც იციან, მაგრამ არა ძვირად, არამედ მცირე სარგებლით. ცხოვრება მათი კარჩაყეტილია ისევე, როგორც სხვა ებრაელთა. აქვსთ თორა, ჰყავსთ ხახმები და რაბინიც. მათი ბავშვების უმეტესი ნაწილიც ჩვეულებრივის სწავლით შთება, ე. ი. უსწავლელად. მათ მასწავლებლად ხახამსა და რაბინს მეტი არაეინ არს. ცხოვრება და მისი წესები ისეთი აქვსთ. როგორც ქართლის შორის სხვა ებრაელთა. ვიღრე ბათუმის რკინისგზა სურამზედ დადიოდა, მინამ ებრაელთა ალებ-მიცემაც წინ მიდიოდა. რაც გზის მიმოსვლა მოისპო, მას შემდეგ იქაურ ებრაელთაც შეფერხება იწყეს, ამიტომ მათ ისევ სოფლის საქმეს მიჰყვეს ხელი.

აწყვერი. აწყვერს დღეს ურიათა რიცხვი ერთობ მცირეა. აქ თუშუა ძველათაც სახლობდნენ, მაგრამ დღეს იმ ძველების აღარაეინ არს დაშთენილი. ოსმალოს მფლობელობის დროს მათი რიცხვი იქიდგან ახალციხეს, იმერეთისკენ გადადიოდა. მხოლოდ 1827 წ. შემდეგ, რაც რუსეთმა ახალციხე აიღო, მას შემდეგ ქართველთ ებრაელთა აქაც იჩინეს თავი და სადღეისოთ მცირედ მოშენდნენ. ცხოვრება, ენა და ტანთსაცმელიც საზოგადოდ ქართლის ურიათაგან არაფრათ განირჩევა. სცხოვრობენ უფრო წერილმანის ვაქრობით.

ახალციხე. ახალციხის ქართველ ებრაელთ ვახუშტიც მოიხსენებს თავის გეოგრაფიაში და სხვა ძველს წიგნებშიაც მოიპოვება მათ შეხახებ ცნობები, რომ ახალციხეს ქართველ ებრაელნი ძველადგანვე სცხოვრობდნენო. ახალციხე ათაბაგების დროს ცნობილ სავაქრო, შუაგულ მდებარ ქალაქათ ითვლებოდა არა მარტო საქართველოს კუთხეებში, არამედ ტრაპიზონამდეც. ამას გარდა, ახალციხე ათაბაგებზედ ბევრად უწინარესად სავაქრო დაბათ ითვლებოდა. ამიტომ ქართველთ ებრაელთაც აქ მკვიდრათ გაიმტკიცეს ფეხი და ძველადგან მოყოლებული ვიღრე ოსმალეთი დაიკავებდა მას, ე. ი. 1630 წლამდე, მინამ ქართველთ ებრაელნიც დიდს ალებ-მიცემას გზას ეთვისებოდნენ. ოსმალეთის დამორჩილებამ იგინი შეაფერხა, ვაქრობის დიდს გზას ააც-

დინა და უბრალო აღებ-მიცემა მისთვისა. მას დროს შემდეგ მათ ცხოვრების საქმეებიც ლოღილს მიეცა. მაინც მათ მამა-პაპის ქოხ-მახებიდან ფეხი არ მოიცივალეს, მათი სამარენი უპატრონოთ არ დაადგეს ისე, როგორც ეს ქართველთა ქმნეს, რომ ოსმალთა დევნის მეოხებით სამცხეს მთლათ გამოეთხოვნენ და ვინც დაშთნენ, ისინიც გაპუსულმანდნენ და ქართული ენაც დაკარგეს.

თუმცა დიდის წვალებით და ძრწოლოვით, მაგრამ მაინც ებრაელთა ახალციხეში გაიმაგრეს ფეხი, თავიანთი ცხოვრება არ მოშალეს იქ და მის საშუალებით არც ქართული ენა მოისპო. ახალციხეს მ.წ თავისუფლად მოადწია 1829 წლამდე და მის შემდეგ ქართველთ ებრაელთა მეოხებით ამ ენამ ახალციხეს გარდა თვით ქვაბლიანსა და ფოცხოვი მცხოვრებთ შორისაც კი იწყო აღორძინება, სადაც ქართველ მაჰმადიანთ შორის ქართული ენა აღრიდგანვე მოისპო. დღეობდელი ცხოვრება ქართველთ ებრაელთა ახალციხეში არ არის სანდკარი. ივინი ეამთა ვითარების მეოხებით ძრიელ დაქვეითებულნი არიან ცხოვრების მხრით. ახალციხეში მათს აღებ-მიცემას სომეხთა ეპკრობა გადაელობა წინ. რაც ხანი ვადის, მით მათი წერილი აღებ-მიცემა აქა-იქ სოფლებშიაც ისპობა და ეცემა. რასაც კი ესენი სოფლად ყიდულობენ, ან სხვადასხვა საქონელს კვერცხსა და ქათამზედ სცელიან მერე ყველა მათ ერთობ იაფათ ყიდიან, ისე რომ მათე ფასის ანუხსება ქრისტიანებთაგან დანაყიდის არც კი შეიძლება რომ შევადაროთ. თუმცა ზოგთაგან კი ამ ებრაელთ სახელი გატეხილი აქვსთ და ყველა ცუდის თვალთ უმზერის.

ახალციხეს როცა კი მოსულან ურიები და დასახლებულან, ივინი დღესაც იმ ალაგას სცხოვრობენ, ფოცხოვის ნაპირს, სადაც პირველად უცხოვრიათ. ისე რომ დღეინდელ ებრაელთა ბინათ-სადგურნი არის რამდენიმე ასი წლის და თითქმის ათასის წლის განმავლობაში ყოფილი და არსებული. ახალციხელ ურიებსაც ისეთივე ღარიბი ქოხმახები აქვსთ, როგორც სხვა ებრაელთა, მაგალითებრ, ქარელს. სხვა ადგილის მცხოვრები ებრაელნი კი ამათ სჯობიან შეძლებით, ახალციხურ ურიებში სილატაკე ისეა წინ წასული, რომ მათში მათხოვრებიც სჩანან, თუმცა დიდის კრძალვით, დიდის მორიდებით, მაგრამ მათშიაც ენახე მეტად ხელმოკლე ოჯახები. ასეთ უბედურებაშიაც კი, თუ ხშირად რა უღმერთოდ ექცევიან ქრისტიანები და რა უსამართლოდ არბევენ, ესა სჩანს შემდეგის მაგალითებიდამ: სურამს ერთი ქრისტიანი, რასაკვირველია, დაეცა ერთ მოხუც ურიას და უწყალოდ ცემა დაუწყო. ცემით დატანჯა ურია. როცა ჰკითხეს ქრისტიანს, თუ რათა სცემო, მან მტრობით სთქვა, რომ შე მითხრა. თქვენი ნიშის ხატი მოიპარე და სამ შაურს მოგცემო. ისევე ეპყრობიან სხვა ურიათაც და ხშირად

საბრალო მოხუცთ და სწეულთ აწვალებენ, სჯიან უღმერთოდ, შეუბრა-
ლებლად. ახალციხეში ხომ ამათი ტანჯვა ქრისტიანთა და თათართაგან-
უფრო მრავალფეროვანია და მრავალნაირი, გულის და სულის სას-
ტიკად ასამღვრევი. ურიათა სიბრალულში და შეწყყნარებაში ქრისტი-
ანები ვერ იქცევიან კარგად, ნაცვლად დასმარების, მტრობასაც უწყე-
ვენ და უყვირიან -- თქვენ ჩვენი ქრისტე აწვალეთ და მიტომ არაფ-
ერს მოგცემთ.

ახალციხელ ურიებს აქვსთ ორი თორა, ჰყავსთ ხანამი და რაბ-ნი,
მასთან აქვსთ პატარა სასწავლებელი, სადაც ებრაელთა ბავშვებს
ძველ ებრაულს ასწავლიან. ქართულ ანბანს კი შინ სწავლობენ თავი-
სით. ნასწავლთ კაცთა რიცხვი მათში სულ არ არის. საზოგადოთ მა-
თში კაცი სანუკვარს ვერას ნახავს. ძველად ამ ურიების ზოგნი ზარზ-
მის ყმანი იყვნენ, საფარის, ზოგნი ათაბაგების ოჯახის, შემდეგ ოსმა-
ლთაგან დასავლეთ საქართველოს დაქერის შემდეგ იგინი ვათაიერუ-
ფლებული იყვნენ ყოველნაირ ყმობისაგან და დამორჩილებულ ოსმა-
ლოს მთავრობასთან. დღეს ახალციხის ურიები, ძრიელ ხშირად მიდიან
აქა-იქ საქართველოს სხვადასხვა ქალაქებში დასასახლებლად. ნამე-
ტური თფილისში გადმოდიან. ჭამა-სმა ლატაკური აქვსთ, ჩაცმა-და-
წურვაც ასეთივე, ძრიელ საცოდავთ სცხოვრობენ, მათი სახლები სა-
ჭათმეებს და თავგის სოროებსა ჰგავს.

ვახუშტის თქმით, სამცხე-საათაბაგოს ქართველი ებრაელი ძველად
ბევრს სოფელში სცხოვრობდნენ, დღეს კი მათი რიცხვი მოსპობილია
ყველგან გარდა ახალციხის, ახალქალაქის, აწყვერს და სოფ. ბარალე-
თსაც სცხოვრობენ.

ბარალეთი. ბარალეთი ურიული სიტყვა არის, ძველათ ბარალეთში
ქართველთ ებრაელთა რიცხვი მეტად დიდი იყო, მაგრამ დღეს კი აქ
ეს ერთობ შემცირებულია. სულ რამდენიმე ებრაელიდა უნდა სცხო-
ვრობდეს მთელს ბარალეთში. ძველათ აქ მათ თავიანთი საკუთარი
თორაც ჰქონდათ და ცხოვრების სახეც უჩანდათ.

ახალქალაქს (ჯავახეთს). აქ ქართველთ ებრაელი ძველადგანვე
სცხოვრობდნენ. შემდეგ შემცირდნენ. XVIII საუკ. აქ ამათის აღარა-
ვინ სცხოვრობდა. რუსთაგან ახალციხის დაქერის შემდეგ, რადგანაც
შესხეთსა და ჯავახეთში აღებ-მიცემა და ვაქრობა გავრცელდა, ამიტ-
ომ ქართველთ ებრაელთ კვლად იწყეს ახალქალაქში გარდასახლება
და დასახლება. დღეს ახალქალაქს ქართველთ ებრაელთა რიცხვი 10
კომლი იქმნება, ყველა ესენი აღებ-მიცემას მისდევენ. ნათესავობა
აქვსთ ახალციხის ქართველ ებრაელებთან.

ქუთაისის ებრაელთა თავი მოიკრიბეს მესხეთიდან და ქართლიდ-
გან. ეს რომ ასეა, ამას ამტკიცებს ის გარემოებაც, რომ ქუთაისის ებ-

რაკლნი 1850 წლებამდე. როგორც კაცნი, ისე ქალნი ქართულ ტანსაცმლის ტარებას მისდევდნენ. ქალები იხურავენ თავსაკრავს, ლეჩაქსა და სხვ., კაცები ატარებდნენ ქართულ კაბას. ქოშებს და სხვანი. ქუთაისის ებრაელთა დედა ენა ქართულია. ყოვლის მხრით ქართველობის ნაწილს წარმოადგენენ. ცხოვრება მათი ვაჭრულია. ე. ი. აღებ-მოცემას მისდევენ. მეურნეობასაც. განათლებულ კაცთა რიცხვი მათში ერთობ მცირეა. იმედი კი უნდა ვიქონიოთ, რომ იგინი მალე შესდგამენ ფეტხ განათლების ასპარეზზე. ებრაელნი მოსასლებენ რიონის ახლოს. როგორც ძველად დასახლებულან ერთ ალაგას. ისევე დღესაც ერთ ალაგას სცხოვრობენ. როგორც შეძლებულთა, ისევე ღარიბთა რიცხვი მათში საშუალოა. აქვსთ ორი თორა. კარგი თლილის ჭქის. აღშენებული XIX საუკუნის ნახევრამდე. ლოცვა ებრაულს ენაზე აქვსთ და ქადაგება კი საყოველთაოდ ქართულად. თორასა, ოჯანში და კარში სახმარებელ დედა ენას ქართული ენა შეადგენს. ქუთაისის ებრაელთ ბევრჯელ დასწამეს ცილი სისხლის ხმარებაზე, რასაკვირველია, ქორებით და მტრობით. ამისთვის მათ ბევრჯერ დიდი ტანჯვა და ღვენაც გამოიარეს უმეტართაგან, მაგრამ რა გაეწყობა, უკანასკნელ სიმართლე მაინც აღდგენილ იქმნა და ცნობილი კანონისაგანა. დიდი საგრძნობი უბედურება მიაყენა კიდევ ამ დაჩაგრულ ხალხს ქართველობამ. ნეტავ რა უნდა ეთქვას იმ ხალხს, როცა ისეც დაჩაგრულ ერს სჩაგრავს ცოტათ მძლავრი ერი. ნეტა რას იტყვიან ის ქართველთ ბრძენნი, რომელნიც ქართველთ ებრაელთ სრულს დახმარებას უწყევდნენ.

ქუთაისის ებრაელნი შენობითა და შინაგან მოწყობილობით გვარიანათ არიან, უმეტეს ხის სახლები აქვსთ. საზოგადოთ, იმერეთის ურიების ცხოვრება ერთნაირს სურათს წარმოადგენს, ერთ გეგმას. ძველად ზოგნი იმერეთის მეფის ყმანი იყვნენ, ზოგიც თავადის შვილების. ქუთაისის ებრაელთა სასულიერო გამგეობის უფროსი რაბინი ითვლება მთელის ქუთაისის გუბერნიის ებრაელთა რაბინათ. რაბინებს, შორის, მათში ცნობილი იყო რაბინი არონ რიყანიშვილი, დიდი ხანი არ არის, რაც ეს რაბინი გარდაიცვალა. ამ ცნობილმა რაბინმა ებრაელთა ბავშვთათვის ურიულის ასოებით ქართულ-ებრაული სახელმძღვანელო შეადგინა და იერუსალიმს დაბეჭდა 1898 წ. საზოგადოთ, ეს რაბინი სწავლა-განვითარების პატივისმცემელი იყო და დიდი შორჩილი მათის მერჯულეთა წარმატებისა. ამ წარმატების ნატვრას იგი წერილებით მწერდა მე, როცა პროფესორის ხვოლსონის წიგნი ქართველად დავბეჭდე — „ხმარებენ ურიები თუ არა ქრისტიანის სისხლს“. მისგან ამაზედაც მალლობის წერილი მივიღე. სხვაფრივაც შესანიშნავი იყო ეს ხსენებული რაბინი; დღეს მათში თითო-ოროლა კვიანია

რაზინები აქა-იქაც მოიპოვებთან. ამას ჩვენ მართლად ქართველ ურიებთან ვასახელებთ, თორემ ევროპის ურიებთან მათი რიცხვი დიდია. საზოგადოთ, რადგანაც ქუთაისის ებრაელთა ცხოვრება დანარჩენ იმერეთის ებრაელთა ცხოვრებისაგან დიდს არაფრით გაირჩევა, ამიტომ აქ ამათ ჩვენ მხოლოდ მოკლედ მოვიხსენიებთ.

საჩხერე. საჩხერეში ურიები ძველად ქართლადმ არიან გადასულნი, წერეთელს ეყმნენ იქ, ზოგნი სხვა მებატონეთ. საჩხერის ებრაელნიც, ჩვეულებისამებრ მათის მერჯულეებისა, მისდევენ ალებ-მიცემასა და მეურნეობას. აქვსთ საკუთარი თორა, პყავსთ ხახამი, მათი რიცხვი შესდგება კარგა დიდი რიცხვისაგან. მკოდნე პირნი მათში იშვიათია, ქართული წერა-კითხვა იციან. ქვემო იმერეთის ურიებზედ ესენი უფრო დაბლა სდგანან ცხოვრების სახსრით და შნოთი. ვაქრობითაც არ არიან ისე წინ წასულნი, როგორც ზემო იმერეთის ებრაელნი. როგორც სხვა კუთხის ებრაელნი, ესენიც ისევე არიან გარემოებისაგან დაჩაგრულნი. უმეტეს წოწიალში სცხოვრობენ.

კულაში. კულაში ებრაელნი მრავლად სცხოვრობენ. მათი რიცხვი დიდია, ხელობათ ვაქრობა და მეურნეობა აქვსთ გამხდარი, ანუ ფელზედ ვაქრობა. ამ უქანასკნელ დროს მათში გაჩნდნენ ისეთი ებრაელნი, რომელთაც სწავლა-განათლების მნიშვნელობა შეიტყვეს და ამიტომ პირველადწყებითი სკოლის გასაანხელად ფულების კრებაც დაიწყეს. ეს ამბები ადგილობრივ გაზეთებშიც იყო გამოცხადებული. ყველა სიამოვნებით მიეგება. ამას გარდა, კულაშელთა ებრაელთა ბავშვები წინეთაც სწავლობდნენ კულაშელ ქრისტიანთა სასოფლო სასწავლებელში. ამათ რომ გზა მიეცეს სწავლისათვის, მათგან ბევრი შესანიშნავი პირი გამოვა. კულაშელ ურიებს აქვსთ ორი თორა, ერთი ძველი და მეორე ახალი, ორივე ხისა არს, ენა ქართული აქვსთ და ქართული წერა-კითხვაც იციან. კულაშელმა ურიებმა სთქვეს, რომ ვითომც თვით სიტყვა კულაშიც ურიული სიტყვა არის. ამის შესახებ ვერას ვიტყვი. აქაც ებრაელნი ერთ კუთხეს სცხოვრობენ და მათ ბევრი სავაჭრო დუქნებიც აქვსთ. ყოველ დღესასწაულ დღეებს მტკიცეთ ასრულებენ. მათ შორის შეძლებულნი ებრაელნიც ურევიათ. უმეტესად კი ხელმოკლენი არიან, ცხოვრება მათი ერთად არს შეზღუდული. წარმოება ამათ ძველადგანვე დიდი აქენდათ. ხოლო მას არ აქენდა ადგილი გარეგანაც. ვაქრობა მათ გარშემო ტრიალებდა წვრილმანად.

ზეკარს სცხოვრობდნენ ქართველი ებრაელნი XIX საუკუნის 30 წლებამდე, მერე კი მოისპნენ იქ და ახალციხეს გადასახლდნენ. დღეს იქ მათი ხსენებაც აღარ არის. ამგვარად, საქართველოში ბევრი სოფლებია, რომელშიაც ძველად სახლობდნენ ქართველი ებრაელნი და დღეს კი იქ მათი ხსენებაც აღარ არის.

5. ზ. კვიციანიძე

ონი. ონის ურიებთა რიცხვი 100 კომლზე მეტია. ონში ებრაელნი იმერეთიდან არიან გადასულნი, რასაკვირველია, ვაჭრობის მხრით ონის ურიები ძველადანვე საბატონო და საეკლესიო ყმებთა ირიცხებიან. ამათი ცხოვრებაც ისეთივეა, როგორც იმერეთის სხვა დაბათა და სოფლის მცხოვრებ ებრაელთა. აქ ვახუშტის დროსაც სახლებულან ქართველ ებრაელთა ვაჭარნი.

ბანძა. ბანძაში ებრაელნი არიან ნიჭით ისეთნივე, როგორც თვით ბანძელი ქრისტიანები. როცა ბანძას რკინისგზა ასცდა, მას შემდეგ ბანძის საქმეც ცუდათ წავიდა, იგი დავარდა თითქმის და დაკლება იწყო. აქ არის ორი სკოლა. ერთ სკოლას ებრაელნი ინახავენ. ებრაელთა უმეტესი ნაწილი ალებ-მიცემას მისდევს, მეწვრილმანუობას. აქ ვახუშტი ებრაელთ არ ახსენებს, სჩანს ამის დროს იქ ებრაელნი არ ცხოვრებულან.

სუჯუნა. სუჯუნის ებრაელნიც სცხოვრობენ ზემოხსენებულისავე, სსენებულ ებრაელთა ცხოვრების წესებით.

ლაილაში. ლაილაში ებრაელნიც სცხოვრობენ, ანუ იმ სახით, როგორც ეს სხვა სოფლებში არს.

სენაკი. სენაკში სცხოვრობენ ქართველ ებრაელთა მცირე რიცხვი ვაჭრობით.

ფოთი. ფოთშიაც კვალადვე სცხოვრობს მცირე რიცხვი ქართველ ებრაელთა.

ზემო ხოდაშენი. კახეთში (კახეთი) ებრაელნი ძველად მრავლად სცხოვრობდნენ, იგინი უფრო ქიზიყში იყვნენ ძველადგანვე. ხოდაშენში ახლად გაჩნდნენ.

შაშიანი. სცხოვრობენ მისული ებრაელნი, მცირედ ვაჭრობენ.

ქისისხევს. სცხოვრობენ მცირედ და მისდევენ ვაჭრობას.

ველისციხეს სცხოვრობენ ქართველი ებრაელნი ვაჭრობის მხრით, მეურნეობასაც მისდევენ, აქვე ჰყავთ ხახამი. მათში ქალდეურ ებრაელნიც ურევიან.

ურიათუბანს სცხოვრობენ ქართველ ებრაელნი მცირედ. ვაჭრობას მისდევენ.

ბათუმს სცხოვრობენ ქართველი ებრაელნი, უმეტეს ვაჭრობისთვის მისულნი სამცხიდან. საქმარისი რიცხვია იქ ამათი.

ბაქოს. უკანასკნელ დროს, ბაქოშიც იჩინეს თავი ქართველ ებრაელთა. მათი რიცხვი ჭერჭერობით მცირეა, ვინც არიან, ყველა ვაჭრობას მისდევენ.

მანგლისი. აქ ებრაელნი დასახლდნენ საქართველოში პირველ გადმოსახლების დროს. აქ ესენი კარგა ხანს ცხოვრობდნენ. XVIII საუკ. მოაღწიეს. შემდეგ კი აქ მთლად მოისპნენ. ზოგი იმერეთს გადასახლ-

და, ზოგი ახალციხეს. 1820 წელს აქ კვალად იწყეს გამრავლება. ზონი ჭავახეთიდან გადმოდინდნენ და სახლდებოდნენ ვაჭრობის მხრით. ძველად მანგლისს ებრაელთა რიცხვი დიდი ყოფილა. დღეს აქ ორისამი კომლილა სცხოვრობს.

საგარეჯო. მოსახლეობს რამდენიმე ებრაელთა ოჯახი ახლად მოსულნი არიან, ვაჭრობას მისდევენ.

ატენში მცხოვრებ ებრაელთ მოიხსენებს ვახუშტი (გეოგრაფიული აღწერა საქართველოსი). ძველათ იქ ქართველ ებრაელთა რიცხვი დიდი ყოფილა და მათ თავიანთი სალოცავიც ჰქონიათ. აქედან ებრაელნი საით წაივდნენ, ამისი ჩვენ არაფერი ვიცით.

გოკია. სოფ. სძევს ჭავახეთს. ვახუშტი სწერს, რომ გოკიაში სახლობენ ურიანიკო. დღეს გოკიაში ებრაელთა აღარაფერია დაშთენილი. ძველად კი იქ იმდენი ყოფილან, რომ თავიანთი სალოცავიც ჰქონიათ. ქართველი კათოლიკე გოკიელოვებიც, უეჭველია. აქაურები იქმნებიან (ვახ. გეოგ. გვ. 96).

ჩიხორი. მოსახლეობენ ურიანი ვაჭრები. ჩიხორი იმერეთს არს. ყვირილისკენ (ვახ. გვ. 362).

ოზურგეთს. ვახუშტის თქმით, უცხოვრიათ სომეხთა და ურია ვაჭრებს. (ვახ. გეოგრ.)

ჭალა-ტყე, სოფ. XVIII საუკუნეში, ვახუშტის სიტყვით, მცხოვრებელნი ყოფილან ვაჭარ სომეხნი და ებრაელნი. (ვახ. გვ. 362).

ხოტევი. სოფ. რაჭას, XVIII საუკ. სახლობდნენ ქართველთ ებრაელნი ვაჭარნი (ვახუშ. გეოგრ. გვ. 374).

თამარაშენი. სოფ. სცხოვრობდნენ ქართველთ ებრაელნი ვაჭარნი (ვახ. გვ. 225).

სოფ. ალი. XVIII საუკ. სახლობდნენ ქართველთ ებრაელნი ვაჭარნი (იქვე გვ. 266).

ახალდაბა. სოფ. XVIII საუკ. სახლობდნენ ქართველთ ებრაელნი ვაჭარნი (იქვე გვ. 272).

მუხრანი. ებრაელნი სცხოვრობენ აქ მცირედ ვაჭრობის მხრით. ცხინვალში ებრაელთა გადაწვის შემდეგ ზოგნი აქ მოვიდნენ და დასახლდნენ.

ამ დაბათა და სოფლებთ გარდა ქართველთ ებრაელნი აქა-იქ თითო-ოროლა კომლიც სცხოვრობენ და მათი ცხოვრებაც აღებ-მიცემისაგან შესდგება. წესები ჩვეულებრივია და ამიტომ ამათ აქ ცალკე არ აცნუსნავთ.

ამ ბოლოს დროს საქართველოში მრავლად გაჩნდნენ ქალდეველთა ებრაელნი. როგორც თვით ქალდეველნი უახლოვდებიან ქართველებს ადვილად და ქართულ ენას სწავლობენ, ისევე ქალდეველ ებრა-

ელნი უახლოვდებიან როგორც ქართველებს, ისევე თავიანთ თანამე-
რჩეულ ქართველთ ებრაელთაც.

ქალდეველთა ებრაელნი. ამათი გამრავლება საქართველოში XIX საუკუნის დამდეგიდამ იწყება, ანუ საქართველოს რუსეთთან დაკავ-
შირების 20 წლის შემდეგიდამ. როგორც ურუმის და ნინევის ქალ-
დეველთა იწყეს საქართველოში გადმოსახლება, ისევე მათ ებრაელ-
თაც დაიწყეს. დღეს, საქართველოში და ნამეტურ თფილისში ქალდე-
ველ ებრაელთა რიცხვი საკმარისია. იგინი აქ მისდევენ აღებ-მიცემას,
უფრო ძაფეულობას ჰყიდიან, ლეჩაქებს, ჩითეულობას და ამით ირ-
ჩენენ თავს. ნათესავობა გამართეს ქართველთ ებრაელებთან, სალო-
ცავადაც ქართველ ებრაელთა სალოცავში დადიან და არა ევროპის
ანუ რუსეთის ებრაელთა სალოცავებში. რაც ხანი გადის, მით ურუმის
ის ებრაელთა რიცხვი საქართველოში ერთობ მრავლდება, შესაძლე-
ბელია, რომ ურუმიიდან მთლად საქართველოში გადმოსახლდნენ, რა-
დგანაც, როგორც თვით გადმომცეს, იქ ამათ სპარსთაგან ვაჭრობა შე-
ზღუდული აქვსთ. ქალდეველთ ებრაელთა კარგა ემარჯვებათ ქართული
უნის შესწავლა და ხმარება, ძნელად რომ კაცმა მათ უცხოობა შეამ-
ჩნიოს. როგორც ქართველთ ებრაელნი, ესენიც უვნებელი ხალხია. მა-
თში ძველადგანვე გავრცელებულია ქალდევეური ენა და წერა-კითხვა.
საქართველოში მყოფთ ქალდეველთ ებრაელთა ზოგი ქალდეურათ
სწერს და ზოგი ურიულად. ტანთსაცმელს ესენი საქართველოში ქარ-
თულად მისდევენ.

ფარსისტანის ებრაელნი. სცხოვრობენ მთლად სპარსეთს და ფარ-
სისტანს. ლაპარაკობენ ფარსულად, იცმენ მათებურად, საქართველო-
შიაც არიან მცირედ, იციან ქართული ენა და თავს ირჩენენ იარების
მკურნალობით. ქართველთ ებრაელთ უადვილესად უახლოვდებიან და
ენათესავეებიან, ამათ სალოცავშიაც დადიან. მაინც აღსანიშნავია, რომ
ქართველთ ებრაელნი კავკასიის სხვადასხვა ებრაელთ უფრო ადვილ-
ად უახლოვდებიან, ვიდრე ევროპის და რუსის ებრაელთ. იშვიათად
მოხდება, რომ ქართველ ებრაელმა თავისი ქალი ევროპის, ან რუსის
ებრაელს მისცეს. ეს მათში დღემდეც-კი არ არის, ძრიელ იშვიათად
ხდება. ეს გარემოება აღსანიშნავია შენიშვნებით.

ლეკეთის ებრაელნი. დაღესტანს ანუ ლეკეთს ურიები ძველადგან
საქართველოდგან გადასახლდნენ და დასახლდნენ. დაღესტანში ურიე-
ზმა დიდხანს შეინახეს ქართული ენა და ტანთსაცმელი. ჩვენის ფიქრ-
ით, რაც ლეკეთის ურიებმა ქართული ენა დაკარგეს, მას შემდეგ ორი
საუკუნე უნდა იყოს გასული. ძველადგანვე ებრაელნი იქ ვაჭრობას
გაჰყენენ, თუმც ლეკებთაგან იგინი ხშირად იღვენებოდნენ, მაგრამ
შაინც თავს ინახავდნენ იქ. ვაჭრობის მხრით მათი მისგლა-მოსგლა სა-
58

ქართველოში ძველადგანვე არ მოსპობილა, XIX საუკუნის შემდეგი-
დამ, რაც საქართველო რუსეთს დაუკავშირდა, მას შემდეგ ლეკეთის
ურიებმაც ხშირად იწყეს საქართველოში გაღმოსვლა. იგინი ქართველ
ურიებს ადვილად უახლოვდებიან, ენათესავენებიან კიდევ. მათაც ქარ-
თულად აცვიან, ქართულ ენასაც ადვილად ითვისებენ და ქართველთ
ებრაელთა სალოცავშიაც დაიარებიან.

ევროპის ებრაელნი. უმეტესად გერმანულის კილო-კავის ენით ლა-
პარაკობენ. ამათი რიცხვი საქართველოში XIX საუკუნის დასაწყისი-
დან გამრავლდა. იგინი მისდევდნენ უმეტესად მესაათეობას, ოქრომპე-
დლობას და ვაჭრობას. დღეს მათი რიცხვი მთელს საქართველოში დი-
დია, ნამეტურ თფილისს. იშვიათად, რომ ამთშიაც ქართული ენის
მცოდნე არ ნახოთ. ნამეტურ ვინც კი საქართველოში დაბადებულან,
იმათ აუცილებლად იციან ქართული ენა, თვით უჩიის დალალ დედა-
კაცებმაც იციან ქართული. ქართველთა და მთლად მცხოვრებთათვის
ესენიც უვნებელი ხალხია. მათში განათლებულთ რიცხვიც დიდია,
თფილისში მათ აქვსთ ორი სინაგოგა. მათი კაცი, ქალი და ყმაწვილიც
კი სულ შრომას მისდევენ და მით სცხოვრობენ. ურთიერთშორის
დახმარებაც იციან, შეუძლოთ სიბრალული და სწავლის სიყვარული
მათში უდარესად არის განცხობველებული. თფილისში მათგან ბევრი
კეთილი აღურიცხველი სავაჭრო საქმეები კეთდება და ვრცელდება.
ბევრ რამით არის ეს ხალხი ჩვენგან მისაბაძი. თფილისში მათ აქვსთ
თითქმის ყველა დარგის ქარხნები და სავაჭრო მალაზიები. მოქალაქე
ებრაელთა გარდა არიან ჯარისკაცნიც. მათი რიცხვი დიდია, უმეტეს
რგინი მუსიკის სწავლას მისდევენ.

აღსანიშნავია, რომ ებრაელნი ნიჭიერნი არიან და ნამეტურ სხვადა-
სხვა ენების შესწავლაში. მე გაკვირვებული ვარ, რომ ამათ კაცს თუ
დედაკაცს ისე ემარჯვებათ ქართული ენის სწავლა, რომ იგინი ასე
ადვილად სწავლობენ, მაგრამ აქ გასაკვირველი არა უნდა იყოს-რა, ვი-
ნაიღვან ეს ხალხი შენიშნულია ნიჭიერებაში. ევროპის და რუსეთის
ებრაელთა საყურადღებოდ ჩვენ ვიტყვი შემდეგს:

როგორც ვიცით ისტორიულად, საქართველოში, ქართველთ ებრა-
ელთა შორის, არ ყოფილა არც ერთი სოფლის ისეთი მცხოვრები,
რომ მათ ებრაელთა სამანსოვროთ რამე ძველი ნივთები ანუ პერგა-
მენტზედ ნაწერი წიგნი არ ქონოდესთ. ამის მაგალითია ის, რომ ერ-
თი ძველი, ებრაულად პერგამენტზედ ნაწერი „დაბადება“, ქართლში,
რალაც ბედათ, ქართველ ებრაელთაგან მათ მებატონე ავალიშვილებს
ჩავარდნიათ ხელში. დღემდე იგი მათ საკუთრებას შეადგენს. ძველად
კი ეს ხელთნაწერი ქართველთ ებრაელთა საკუთრება ყოფილა. დღეს
ეს „დაბადება“ ერთს ოთხში აქვსთ შენახული. იქ დაიარებიან ქართვე-

ელთ ებრაელნი ამ „დაბადებას“ თაყვანს სცემენ, რაისა გამო ჭეროვან ფასსაც იხდიან! ებრაელთა ბევრჯერ სცადეს და მებატონეს სთხოვეს „დაბადების“ დახსნა ფულით, მაგრამ მებატონეთა არ ინდომეს. დღემდე ეს „დაბადება“ მათ ხელშია, მისი გაცნობა, ერთის მხრით, არ იქნება ურიგო. ასეთ ძველ ებრაელთა ნაშთს ეკუთვნის ის ძველის ებრაელის წარწერიანი ქვა, რომელიც ადრე მცხეთაში აკლდამების თხრის დროს იპოვნეს და რომელიც ქვაც დღეს თფილისის მუზეუმში ძვეს, ეს ქვა და მისი წარწერა ქრისტეს წინა დროებას ეკუთვნის. ცხადია, რომ ძველად საქართველოში, ქართველ ებრაელთა შორის არა ერთი ძველი ნივთი იქნებოდა დაცული, ხოლო დროთა მიმდინარეობას და ეპოქათა ვითარებას იგი უწყალოთ უნდა მოესპო.

ამიტომ ჩვენ სანატრელად მიგვაჩნია და თან მეტათ სასარგებლოთაც, რომ ამ ძირეულ საქართველოს მკვიდრს მცხოვრებთ ქართველთ ებრაელთ თავიანთ დედა ენაზე, ესე იგი, ქართულს ენაზედ ებრაული სჯულის წიგნები ეთარგმნათ, ნამეტურ ძველი ურიული ენიდამ, რომელსაც კითხულობენ და მის გაგება კი არა აქვსთ.

ამ საქმის სისრულეში მოყვანის დიდი მოტრფიალენი არიან თვით ევროპიელი ებრაელნიც, რომელთაც არაერთხელ უნატრიათ ხსენებული საქმის განხორციელება. მე მათ სხვადასხვა წიგნებიც გადმომცეს, ებრაულის ენიდამ რუსულს ენაზედ ნათარგმნი.

ჩვენ კი მისი თარგმნა ვერ მოვახერხეთ. საქმე ასე დაგვიჩრა.

ამიტომ მე დიდს სანატრელად მიმაჩნია, რომ ქართველთ ებრაელთათვის ქართულს ენაზედ სხვადასხვა საჭირო წიგნები ითარგმნოს და დაისტამბოს. ამით ჩვენ მათ დიდს სამსახურს გავუწევთ და უკანასკნელ იგინიც გადაიხდიან ამის სამაგიეროს.

ქართველთ ებრაელთ ცხოვრებას და მდგომარეობას ქართულმა მწერლობამ იმავ თავიდგანვე შესაფერი სამსახური გაუწია, ყოველთვის კაი მეგობრობას და მფარველობას უწევდა. ებრაელთა მომხრე და მფარველი იყო გაზეთი „დროება“, „შრომა“, „ივერია“, „ცნობის ფურცელი“, „კვალი“ და თითქმის ყველა ის გამოცემანი, რაც კი ქართულს ენაზედ ისტამბებოდა. მაგალითებრ, „დროება“ ხმაშაღლა ჰქადაგებდა ებრაელთა სიბრალულს, მათს მფარველობას და იმასაც აუწყებდა მკითხველს, რომ ყმაწვილების სისხლის ხმარება მათზედ მტრობით არის მოგონებული თვით ქრისტიან მტრებთაგანო. ასეთი შინაარსის წერილები ხშირად ისტამბებოდა „დროება“-ში. ყოველ ცნობას და სიტყვასაც კი თავისებური აღმატებულება ჰფლობდა. ქუთაისში ებრაელთა ცილისწამების გამო „დროება“-მ ბევრი სიმპატიური წერილი დასტამბა. ისეთისავე ჰაზრის იყო მაშინ მთელი ქართველი განათლებული საზოგადოების ნაწილი, ნამეტურ ჰეშმარიტების თვალთ უმ-
70

ზერდნენ თვით ქართველი ვეჟილნიც და ესეთ ებრაელთ სრულს და-
სმარებას და მფარველობას უწევდნენ ყველგან, თვით სამართალშიაც.

„ივერიაშიც“ მრავალგზის დაიბეჭდა წერილები ებრაელთა ცხოვ-
რების შესახებ. ეს გაზეთი ყოველთვის ესმარებოდა ებრაელთა კითხ-
ვებს. იგი დიდი მოსარჩლე იყო მათი, დიდი მფარველი. აქ ყოველთ-
ვის მკაცრად იცავენ ებრაელთა პირადებებს. მწიფიერობას და ამაგს
კაცობრიობის წინაშე. გაზეთი ვალდებულათ ხდოდა მთელს განათლე-
ბულს საქრისტიანო საზოგადოებას, რომ ებრაელთა მფარველნი უნ-
და ვიქმნეთ, მათი მფარველობა ჩვენს საღმრთო ვალს შეადგენსო,
ჩადგანაც ეს ხალხი ღირსეულია მფარველობის და პატივისცემისო.
დღესაც ასევე ჰქადაგებს ეს გაზეთი ებრაელთა ცხოვრებაზედ. „ივე-
რია“-ში რამდენგზისმე ლექსებიც, წერილებიც დაისტამბა ქართველთ
ებრაელთა შესახებ.

„ცნობის ფურცელიც“ ისეთისავე შეხედულების არის ებრაელებ-
ზედ, როგორც რიგი და წესია, რაც მოეთხოვება განათლებულს კაცს
და გაზეთს. „ცნობის ფურცელშიაც“ არაერთხელ დაისტამბა წერილე-
ბი თუ ნათარგმნი და თუ ორიგინალური შესახებ ებრაელთა და კერ-
ძოდ, ქართველ ურიათა ცხოვრებაზედ. აქაც ყოველი წერილი და
ცნობა დიდს სამსახურს და ამაგს უწევს ებრაელთა ცხოვრების პირო-
ვნებას. ყოველთვის სიმართლით და მაღალის მფარველობით ეხებოდ-
ნენ და ეხებიან კიდევაც როგორც საზოგადოთ ურების ცხოვრებას,
ისევე ქართველთ ებრაელთა გარემოებასაც.

„შრომაშიაც“ ყოველთვის მფარველობით ასწერდნენ ებრაელთ.

„კვალშიაც“ ცნობილის კილოთი ეხებოდნენ ამ ხალხთა წარმომა-
დგენთ და აქებდნენ. მოკლედ უნდა ითქვას, რომ ქართულს ენაზედ
თუ საღმრთო რამე დაწერილა ებრაელთა შესახებ, ყველგან ივინი მაღა-
ლის სიბრალულით აუწერიათ, ძმურის პატივისცემით და თავაზით მო-
უხსენებიათ. საზოგადოთ, ქართული მწერლობა ყოველთვის ფარად
და ხმლათა მდგარა ებრაელთა შესახებ, ერთს მაგალითსაც ვერ მაჩვენ-
ებთ, რომ ქართველ ებრაელებზედ და ან საზოგადოთ ურებზედ სა-
ღმრთო ვისმეს რამე დაეწეროს, არა გვეონია, ამის მხრით ქართული მწე-
რლობა ებრაელთა წინაშე ვალმოხდილია და ამაგდარი. ებრაელთა შე-
სახებ ქართულს მწიგნობრობაში კერძოდ სწერეს შემდეგ პირთა:

ბ. ნიკოლოზ ნიკოლაძემ 1869 წ. გაზეთ „დროება“-ში დასტამბა
წერილი ქართველ ებრაელთა ცხოვრების შესახებ. იგი ამ წერილით
თხოულობდა ქართველ ებრაელთა ცხოვრების გაუმჯობესებას, ამისთ-
ვის მათ საქომავო ხელის გაწდომას, ხელის გამართვას, მით მათში
განათლების სხივების აღძვრას, რომ მერე მომზადებული ურიაც სა-
ქართველოს და ქართველ ერს გამოადგესო. ეს წერილი საყურადღე-
ბოა თავის დროის კვალად.

ბ. ანტონ ფურცელაძემ, 1897 წ. დასწერა მშვენიერი წერილი და დაბეჭდა იმავ დროის გაზეთ „ივერია“-ში. ამ წერილით ანუხსა ის ამაგი და შეხედულება, თუ ქართველ მეფენი როგორ უმზერდნენ ებრაელთ, როგორ მფარველობას უწევდნენ და დღეს კი, ჩვენ, მათი შთაშობავალნი, როგორ ვტანჯავთ საბრალო ებრაელთაო. წერილის დედაპაზრები მეტად პატივსაცემია. ერთ ალაგას ამბობს: ნეტა რა უნდა იყოს ის გარემოება, როცა დაცემული ერი დაცემულს ებრძვისო, ნეტა ამაზედ რას გვეტყვიან ჩვენი წინაპარნი. რომელთაც მცნებათ დავგიტოვეს ებრაელთა მფარველობამა. ეს წერილი რუსულადაც ითარგმნა და ერთ ებრაულს გაზეთშიაც დაიბეჭდა. ეს წერილი გამოიწვია ქუთაისში მომხდარმა ებრაელთა დევნამ და ჩავგრამ. ამავე მწერალმა დასწერა ებრაელთა ისტორიიდან 5 მოკ. ტრაღედია — „ისრაელის ასული“ და რამდენიმეც ლექსი.

აკაკის ქართველთ ებრაელებზედ ბევრი რამ უამბნია, ყველა მისი ნაამბობი ადამიანურის მიმართვით არს სავესე. მასვე ეკუთვნის ხელოვნურად ნაწერი ქართველ ებრაელთა ლეგენდა „დავით წინასწარმეტყველზედ“, სცენები და სხვაც მრავალნი ამგვარნი, ნიჭიერად და თავისებურის მამულისშვილურის ნაწერი, სამაგალითონი და კაცთავან მისაბაძნი.

იაკ. გოგებაშვილსაც ბევრი რამ ცნობები აქვს ამ ერზედ დატოვებული, სიბრალულით სავსენი და საყურადღებონი.

ილ. ჭავჭავაძესაც „ივერიაში“ არაერთი წერილი დაუწერია ამათ შესახებ.

ბ. ნიკოლოზ ხიზანაშვილმა „ივერია“-ში დაბეჭდა ორი წერილი, სახელდობრ, ქართველ ებრაელთა შესახებ. აქ მან ებრაელთა ცხოვრებაზე ბევრს რამეზე ისაუბრა. მოიყვანა ცნობები, რომ ქართველი ებრაელნი „სიონისტების“ წრეში ეწერებიან და ამიტომ საქართველოდამ სახლდებიან იერუსალიმსო. ასევე შეეხო მათს სასულიერო წოდებას და სწავლა-განათლების დაცემულობას. ამ წერილიდამ ერთ პირს უსარგებლიანია, მას წერილი დაეწერა რუსულს ენაზედ ქართველი ურიების შესახებ და ეს წერილი 1903 წ. ბაქოს „კასპიის“ ორს ნომერში იყო მოთავსებული.

ბ. ლუკა ისარლოვმა რუსულს ენაზედ დასწერა ისტორიული წერილი „ებრაელნი საქართველოსა და იმერეთში“. პირველად ეს წერილი გაზეთ „კავკაზში“ დაიბეჭდა და შემდეგ მე იგი მოვითავსე ლ. ისარლოვის ნაწერების წიგნ „პისმა ო გრუზიი“-ში. წერილი ისტორიულად არის ნაწერი, ებრაელთ გადმოსახლებასაც ანუხსავს საქართველოში.

ბ. მ. ჯანაშვილმა დასტამბა პატარა წერილი ქართველ ებრაელთა შესახებ 1904 წ. „საქართველოს კალენდარში“

მე დაგებუქდე ერთი წერილი 1877 წ. „დროება“-ში, რომელიც ამ წიგნში შევიტანე და მეორე წერილი დაგებუქდე „ცნობის ფურცელში“ !902 წ. ეს წერილი ისტორიულის შინაარსის გახლავსთ და მიტომ ამ-ვე წიგნში მოვათავსე. მე ვიცი, რომ სხვადასხვა დროს, ებრაელთა შეხებებ ქართულ ჟურნალ-გაზეთებში სხვებსაც უწერიათ, მაგრამ ჩვენ ყველა მათ ვერ მოვიგონებთ, ვიტყვით კი, რომ ყველას კალამი სიტყვაკაზმულის მწერლობით, პუბლიცისტიკით თუ ისტორიულის მიმონხილვით ყოველთვის ებრაელთა პატივისცემით ყოფილა გამსჭვალული. თუმცა ქართველი განათლებული საზოგადოება და მწერლობა ასე ეპყრობა ებრაელთა საქმეს, მაგრამ იგინი არ იქმნა, ვერ გამოვიდნენ ღრმა ძილიდგან. იგინი მაინც თავიანთებურად იქცევიან. არავის რჩევას ყურს არ უგდებენ. არც ქართველთ ამაგს აკვირდებიან, რომ ამათ მათთვის გული დიდათ შესტკივათ.

თუმც ასეა მათი საქმე მოწყობილი, მაგრამ იმედია, მათ რომ წამახალისებელი გაუჩნდეთ, მაშინ არც ესენი დაშთებთან დაძინებულნი, ესენიც გაახელენ თვალებს და გამოვლენ საღათას ძილიდამ. ამათი ერთი წახალისება არის საჭირო, თორემ მერე თვით გაარკვევენ გზა და კვალს. ევროპის ებრაელნი წახალისდნენ წინეთ და მიტომაც მათ ევროპას აჩუქეს შესანიშნავი ფილოსოფოსნი, ეკონომისტნი, მეისტორიენი, პუბლიცისტნი, მუსიკის მცოდნენი, მომღერალნი, მექანდაკენი, ხელოვანი მოთამაშენი და სხვ. სადაც კი ევროპიელი უწარჩინებულესი პირნი აღიწერებთან და დაიხატებთან, იქ მათ არ ჩამორჩებთან სპინოზა, მენდელსონი, მარქსი, ლასალი, ენგელსი. რუბინშტეინი, ოლფენბახი, შეიერბერი, ანტოკოლსი, ბერნე, ჰეინე და, ვინ იცის, რამდენი კიდევ სხვანი. დღეს ქართველთ ებრაელნი მოვალენი არიან, რომ თავიანთ თანამერჯულე ებრაელთ მიჰბადონ და თავითაც შეუდგნენ განვითარების გზას, ხომ ხედვენ, თუ ევროპის ებრაელნი როგორ მალა სდგანან მათზედ. ევროპიელთ ებრაელთა მიმბაძობა მათს ვაქრობასაც გამოსცვლის და წვრილმან რაღაცეებით მოვაქრეთაც გზა გაუფართოვდებათ კარგის, ანუ დიდი აღებ-მიცემისაკენ. იგინი მით ბევრ რამეს მიხვდებიან.

ჩვენდა სამწუხაროდ, დღემდე ქართველ ებრაელთა შორის ერთი ნასწავლი კაციც კი არავინ გამოსულა, ერთი მცოდნე და მომზადებულნი. სამწუხაროდ, ასეთ ნაკლს არც თვითომ გრძნობენ, არ ცდილობენ, რომ დღეს თუ არა, შემდეგი თაობა მაინც დაიხსნან უმეტრებისა და უბედურებისაგან. როგორც ერთი თავობა ისპობა უმეტრებით, ისევე მეორე თაობა შთება და მესამე. უწყის ღმერთმან, თუ ვინ გახდება ამათი წამქეზებელი. იგინი არ სცდილობენ, რომ ურიის შვილი ცოდნით მამას დაემჯობინოს, თითქოს მამებს შვილებს ესეთი წარმატე-

ზა შურსთ. სამწუხაროა ამათი მდგომარეობა და ნამეტურ ქალთა და ბავშვთა.

ბავშვები ქართველთ ებრაელებში იზრდებიან ღეთის ანაბარად, მოუვლენი, უპატრონონი და უმფარველონი. ებრაელთა ბავშვის ნახვა თქვენ სიბრაღულს მოგგვჩისთ. ცხადათ შენიშნავ მას ტანზედ ძველ ტანსაცმელს, ათას ალაგას დაკერებულს, მასთან კუჭკიანს და სხვანი. სახეზედ და თვალებში ამოუკითხავ შიშვილს, დაჩაგვრას და ათას სხვა ამგვარებს. უბედურია და მასთან უპატრონო ქართველთ ებრაელთა უმეტეს შვილები, ნამეტურ შეუძლოთ. ამათში უსწავლელად შთებიან თვით შეძლებულნიც.

ქალების მდგომარეობა ხომ უფრო უბედურია და თან სატირალნიც. მთელს ქართველ ებრაელებში ვერ ნახავთ ერთს ნასწავლ ქალს. ერთს განათლებულს დედას, განათლება კი არა და, სამწუხაროდ, მათში ერთი ისეთი ქალიც არ მოიპოვება, რომ თუნდ მას ქართულს ენაზედ რიგიანად წიგნის კითხვა შეეძლოს. ესეთი გარემოება ებრაელთა ჩვენ დიდათ გვწყინს და ამ წიგნით მათ ჩვენ სრულს პროტესტსაც ვუცხადებთ. დროა უკვე, რომ მათაც თვალი გაახილონ და განვითარების ასპარეზზე გამოვიდნენ. დროა უკვე, რომ შეხედონ სხვებს და სხვების მაგალითით ძველი უმეტეობა გაიბერტყონ და ახალი ცხოვრების გზას დაადგინენ, თორემ ვარწმუნებთ ჩვენს მოძმეებს, რომ იგინი მომავალში ებრაელთა მოზარდი თაობის წინაშე დიდათ გასაკიცხნი გახდებიან.

დღემდე ქართველთ ებრაელთაგან ქართულს მწერლობაში ერთი მწიგნობარიც კი არ აღმოჩენილა, ერთი მწერალი, ერთი საზოგადო მოღვაწე. ნუთუ დრო არ არის ამისა, ნუთუ მათ კი აწყენთ საზოგადო მოღვაწეთა და მწერალთა ყოლა? ქეშმარიტად რომ არა, მაგრამ ვინ არის ამის გამგონი. ასეთ კაცთა საჭიროება კარგად უნდა იგრძნონ ებრაელთა, რათა მათ ყველგან ჰყვანდეთ თვის თანამერჯულეთაგან ნასწავლ-მფარველნი, რომელთაც შეეძლებათ მოკამათეთა წინაშე პასუხის ძლევა, კამათი და სხვანი, რაც ებრაელთა წინააღმდეგ ხშირად ხდება ხოლმე ეურნალ-გაზეთებში. ქართველ ებრაელთა კი ასეთის საქმისათვის ერთი კაციც არა ჰყავთ მომზადებული, ერთი კაცი არ აბდილიათ! ამაზედ მეტი ბავშვობა შეიძლება? აუცინიათ ქართველთ ებრაელთ, რომ ჩვენზე კარგი, ნასწავლი არავინ არისო. ჩვენა ვართ რაცა ვართ, მოსეს ძველი ჟრებიო. იმას კი აღარ ფიქრობენ ეს დლოცილები, რომ მათ ერთი ნასწავლი კაციც არა ჰყავსთ. ვეჭილი მოუნდებათ მათ და სხვას უნდა მიმართონ, ეჭიმი და სხვას, სხვა რამ ნასწავლი კაცი მოუნდებათ და კიდევ სხვას. სულ სხვების ხელთ შემყურებულნი არიან და მასთანვე მაინც არა ტყდებიან, რომ იგინი

დღეს არამცთუ წინ არიან სხვებზე წასულნი, არამედ დაცემულნი: არიან და მასთან ერთობ სასტიკათაც. ამის შეგნება რომ ექმნესთ ქართველთ ურიებს, მაშინ, ვგონებთ, გული ბოლმით აეგსთ. ქართველი საზოგადოება ამით რომ კარგად, ძმურად ექცევა. ეს ამით რაღაც სარჩულად მანქანებად მიაჩნიათ, ის კი არ იციათ, რომ ჩვენ თუ მათ პატივს ვსცემთ და სიბრალული გვაქვს, ეს არის ჩვენი ისტორიული ცოდნის პატივისცემა და დარგი და არა სხვა რამ სჯულის პოლიტიკანობა.

აი, ამ ბოლოს დროს, ქართულს ენაზე დაიბეჭდა ვრცელი შრომა პატრის, მიხეილ თამარაშვილისა. შესანიშნავი წიგნია. ერთ ალაგას დამწერს მოჰყავს ასეთი ცნობა, რომ როდესაც საქართველო დაეცა, მის შემდეგ ქართველთ შვილებს არამც თუ ათათურებდნენ, ასომებდნენ და აფრანგებდნენო, არამედ საქართველოში მცხოვრები მდიდარი ურიებიც კი ყიდულობდნენ და ქართველთ ქრისტიანებს აურიაებდნენო. ამ ცნობების ლათინურადამ თარგმნით პატრი მ. თამარაშვილი ამყარებს ერთ ძველს ცნობაზედ, რომელიც 1640 წელს გორის პატრს ამბროზის რომის კონგრეგაციისათვის გაუგზავნია და ბეჯითად მოუხსენებია. მოხსენებაში ქართველთ გაათარება, გაფრანგება და გასომეხება კი არ ყოფილა საქმე და საგანი, არამედ ქართველთ გაურიაება ყოფილა სავალალო და სულის წასაწყემედი. ასეთ გამოწვეულ ცნობას პასუხი უნდა და ახსნა. ამის მოვალენი არიან თვით ქართველთ ებრაელები, რომ პასუხი გასცენ, მაგრამ იგინი ამის პასუხს საიღამ გასცემენ, როცა მათ უბრალო „ჩითების, მიტკლების“ და ასეთების ძახილით დრო არა აქვსთ, რომ თავიანთ სამშობლოს, საქართველოს ისტორია დაისწავლონ. ამათ კაცი როცა საქართველოს ისტორიიდან რამეს ჰკითხავს, იგინი რაკი უვიცობით პასუხს ვერ მისცემენ, მერე მდიდურობენ მით, რომ ჩვენ ურიები ვართ და რა საჭიროა ამის ცოდნაო. როცა სიტყვა ურიასტანის ისტორიის ცოდნაზე გადავა და რომ ვერც მაშინ იტყვიან ხოლმე რასმე, მაშინ კი ხახამშრალნი ჩუმიად რჩებიან. აღარც ერთნი არიან და არც მეორენი, არც თავიანთი იციან და არც სხვისა. რადგანაც ქართველთ ებრაელთა საქმე ასეა დაყენებული, ამიტომ ისევე ჩვენ ვიტყვით რამეს, ესე იგი, პასუხს დავსწერთ პატრი ამბროზის ცნობის შესახებ.

უნდა მოვიხსენოთ, რომ პატრი ამბროზის ცნობა ჩვენ გაზვიადებულიად მიგვაჩნია. პატრს ამბროზის ესეთი ცნობა და მოხსენება კონგრეგაციის წინაშე განგებ უნდა წარედგინა, რათა მით უფრო მეტი ყურადღება მიეპყრო, მეტის სიბრალულით დაეხატნა საქართველოს გაჭირვებული მდგომარეობა. ჩვენ პირნათლად და გადაწყვეტით ვიტყვით, რომ ამის მაგალითი ერთიც არ იქმნებოდა, რომ ქართველთ

ურთიან ვინმე ყმა ან ბავშვი ეყიდნა ქრისტიანთაგან და მერე იგინი თვის სჯულზე გადაეყვანათ. უნდა მოგახსენოთ, რომ ეს სულ ჭორები და ცილი. ქართველთ გაურიაება კი არა და ურეების გაქრისტიანება კი ისე ხშირად და მრავლად ყოფილა, რომ დღესაც გურიას, სამცხეს, იმერეთს და ქართლს ასობით მოვთვლით ისეთ გეარებს, რომელთა წინაპარნიც ებრაელნი ყოფილან და შემდეგ კი ეამთა ვითარების მეოხებით, თავიანთ ნებით თუ ძალოვნებით, ქრისტიანობას დაკავშირებინან. ასეთი ცნობანი ჩვენ მით უფრო მიგვაჩნია ჭორათ, რადგანაც წარსულში ქართველთ ებრაელნი მეტად ლატაკს მდგომარეობაში იყვნენ. მათ თავიანთი საზრდოს მოპოვებაც კი უჭირდებოდათ და აბა სხვათაგან ყმებს რითი იყიდდნენ და მათ იგინი როგორ ასაზრდოებდნენ.

მეორე, ურთიან არც თვით ქრისტიანი მიეყიდებოდა, არ გაჰყვებოდა. მესამე, საქართველოს ურეები მთლად საბატონო და საეკლესიო ყმები იყვნენ და, აბა თქვენა ბრძანეთ, რომ იგინი როგორ შესძლებდნენ ქართველთ ყმათა სყიდვას და ისიც მერე გაურიაებდას. ეს ჩვენ მოგონებულ ცილათ მიგვაჩნია მით უფრო, რადგანაც საქართველოში ქართველთ ურთი საქართველოს და ქართველ ერსა და სასულიერო წოდებას ისე აფასებდა და პატივს სცემდა, როგორც თვით ებრაელისას. არის ასეთი სამაგალითო ცნობა ამავე მ. თამარაშვილის წიგნში, რომელიც აქ უნდა მოვიყვანოთ. ოსმალეთის საქართველოში რამდენიმე კათოლიკის მღვდლებისთვის მთავრობას სიკვდილით დასჯა გადაუწყვეტია. ეს საბრალოები ვერავის დაუხსნია, ბოლოს ერთს მდიდარს ურთიან უკისრნია მათი დახსნა, მას თავს უღვია ეს საქმე და კათოლიკის პატრებიც მალე დაუხსნია სიკვდილით დასჯისაგან. (ისტ. კათ. საქართ., გვ. 99) და სხვანიც მრავალნი ამგვარნი. ყველა ეს ცნობები ჩვენ აქ მიტომ მოვიყვანეთ, რომ მით ქართველთ ებრაელთათვის თვალთწინ დაგვეხატა მათი ავ-კარგიანობის ვითარება და მისი მიხვედრა.

ქართველი ურეების შესახებ განა ეს ერთი ცნობა იქმნება, არა, არამედ მრავალი, ბევრი ცნობა, მათ რომ შესმენა ჰქონდესთ, გული და სული უნდა აემღვრიოთ, დიდათ უნდა შესწუხდნენ, რომ მათ პიროვნებას ასე ჰფარგლავენ, ასე ამცირებენ, ეს უნდა იგრძნონ ქართველთ ურეებმა, უნდა შეიგნონ მისი ვითარება და მიტომ მაინც უნდა გაახილონ თვალები, რომ მათ პიროვნებას მფარველი გამოუჩნდეს კანონიერად, მათი ცხოვრების წესებიც მათმამე მერჯულეებმა ასწერონ და საზოგადოებას დაუხატონ სიმართლით და სრულის აღსაცემობით.

გულის სიმართლით ვიტყვი, რომ ქართველთ ებრაელის ცხოვრება საქართველოში მეტად უბედურია. მათ არა აქვსთ საკუთარი კა-

რგი სასწავლებლები და მის მაგიერ არც სხვებისას ეტანებიან.

არა ჰყავსთ ნასწავლი კაცები, რომ მათმა ნასწავლმა კაცებმა ილაპარაკონ ხშირად მათს საჭიროებაზედ.

არა ჰყავსთ შესაფერად მომზადებული სასულიერო პირნი, რომ მათ ხალხს მძლავრად უქადაგონ, ისე, ეს როგორც ევროპიელთ ურიათა სასულიერო პირებმა იციან. ქართველთ ებრაელთა სასულიერო წოდების შრევის ფეხზედ დადგენა ადვილად შეეძლებათ, მაგრამ ამის ოსტატობის ძალა მათ არ შესწევს.

არა აქვსთ ქალებისათვის გახსნილი სასწავლებელი და საბრალო ებრაელთა ქალები სახლში არიან გამომწყვდეულნი, ტუსალებივით. ამათთვის არც საზოგადო პაზრით ქალთა კრებები ხდება, თეატრის ხომ არაფერი გაეგებათ, ძნელად რომ მათში ქართული წიგნების მკითხველი გამოსჩნდეს ვინმე, იშვიათია.

არა აქვსთ ვაყების სასწავლებლები, არსად ერთი სკოლა მოექცევათ, მართალია, სალოცავთ გვერდით აქვსთ სასწავლებელი, მაგრამ ჩვენ ამას არა ვსთვლით სასწავლებლად, რადგანაც იქ ებრაულ ლოცვების მეტს არას ასწავლიან. ქართველთ ებრაელთა ბავშვები მთელი დღე ქუჩაში ჰყრიან და უბრალო საწვრილმანოს სყიდვით დღეს აღამებენ.

არა აქვსთ საერთო მალაზიები და პურის შესანახავი.

არა აქვსთ საერთო ჭირისთვის სადმე თანხა შეგროვილი.

არა აქვსთ სნეულთა, დავრდომილთა და შეუძლო მოხუცებულთათვის თავშესაფარი სახლი, თუმცა კაცი ამათში შეუძლო მოხუცს ხშირად შეხვდება. ყველა მათ ცხადად ეტყობათ დიდი სიღატაკე, ტანზედ მეტად ძველი ტანთსაცმელი აცვიათ და მუდმივაც მშვივრები არიან. ერთი მოხუც დავრდომილთაგანი შიმშილს ისე შეეწუხებინა, რომ თფილისში, ალექსანდრეს ბაღის მახლობლივ ღამე თხოულობდა მოწყალეებს დიდის მორიდებით.

არა აქვსთ შეუძლო მშობიარე და სნეულ ქალთათვის საწოლი და თავშესაფარი. არც სხვისას ეკარებიან და მით ქართველი ურის ქალი უბედური და საბრალოა ყველაფერში. თუმცა არც ჩვენ გახლავართ ამავებით ბედნიერნი, მაგრამ რა ეუყოთ, ჩვენ სხვებს მაინც არ ვერიდებით ურიებივით, ჩვენ მაგალითს მოგახსენებთ.

არა აქვსთ დროის შესაფერად გაკეთებული სალოცავები. ეს ვმჩნევა ნამეტურ თფილისს.

მაინც და მაინც არც რა დიდი ვაჭრობა უჭირავსთ ხელში. ერთის სიტყვით, ყელგან დიდი დავრდომილება ეტყობათ. თფილისში ქართველთ ებრაელთა ერთი ყასპის დუქანი აქვსთ. წინეთ ამ დუქანს გარედამ ეწერა ასე; „საყასპო ქართველთ ებრაელთა“, დღეს აწერია: „კავკასიის ებრაელთა საყასპოვო“.

ყოველს გასაჭირს, ყოველს შემთხვევაში ქართველთ ებრაელმა თვისი დახმარება სხვა მერჯულესაგან უნდა ითხოვოს, სხვა სარწმუნოების კაცი უნდა გაუხდეს მათ მფარველად და თვითონ კი ამბობენ, რომ ჩვენზეც კარგი არაფერია არისო.

ვინ არის ახლა კარგი? ამის გარჩევა მათთვის მიგვიწოდია. ჩვენგან იგინი ამის რჩევას ვერ მიიღებენ, ჩვენ ვერც მათ ვაქებთ და ვერც სხვებს. თუ მიხვდენა და დაკვირვება ექნებათ, მე დარწმუნებული ვარ, რომ თავიანთ ნაკლს თვითაც კარგად მიხვდებიან, რადგანაც მათი ნაკლი მათ თვალთწინ აშკარადა სჩანს, ცხადათ არს გადაშლილი და გართხმული. სხვა რამ რჩევა და დარიგება ამის შეგნებისათვის მათ არ დასჭირდებათ. თვით შეიძლება, რომ გახდნენ თავიანთი თავის მკურნალნი. რომ ჩვენი გულისწყრომა მართალია და ქეშმარიტი, ეს იქილამაც კარგად სჩანს, რომ დღემდე ქართველთ ებრაელთ შორის ერთი კაციც კი არ სჩანს ისეთი, რომ მას თვის თანამერჯულეთა დაქვეითებულის ცხოვრებისთვის გული შესტიოდეს. ეს ხომ ცხადია და ვერც ერთი ქართველი ურია ვერ მიჩვენებს და დამისახელებს, რომ მათ სადმე თუნდ ერთი ნასწავლი კაცი მოეპოვებოდეს.

მათის ცხოვრებისათვის დღეს მარტოდ დაზოგვა, მომჭირნობა, ცოტას ჭამა, ცოტას ხარჯვა და კაპეიკების შენახვა და გროშებით ვაჭრობა არ კმარა. ყველა ამაზედ უაღრეს ძალას მათთვის სწავლა შეადგენს, ამით შეეძლება მათ წინსვლა ყველა დარგში და წარმატება. უამისოდ კი, რამდენიც არ უნდა ეცადონ, იშრომონ და კაპეიკები აგროვონ, იცოდნენ, რომ მით დროის შესაფერად წინ ვერ წავლენ და ყოველთვის ცხოვრებაში სიბნელით იქნებიან მოცულნი.



უნდა მოვიხსენოთ, რომ ქართველთ ურიების უკან ვრდომის მიზეზები მათს სასულიერო წოდებასაც ედებათ კისერზედ. სამწუხაროდ, ქართველთ ებრაელთა სასულიერო წოდება აქამდე მათ ყველაფერ განათლების შექმნას და მასთან დაახლოვებას ცოდვათ უთვლიდა. მაგალითებრ, ურიებმა თეატრში არ იარონ, თორემ ჩვენი სჯულის ცოდვა არისო, არ ისწავლონ ქრისტიანებთან, თორემ ასევე იქმნებო, არ ილხინონ მათთან, არ ჭამონ და არ სვან მათთან, თორემ ასევე მოუხდებათო.

დღეს, ცხადია, რომ ქართველთ ებრაელთ სასულიერო წოდებას მეტი მოეთხოვება, ხომ ხელდვენ იგინი, რომ ასეთის ქადაგებით საქმე ვერ მისდისთ წინა, ამიტომ მათ ცნობილ კილოს თავი უნდა გაანებონ და ქართველთ ურიები უნდა წაახალისონ, რომ ესენიც გამოვიდნენ

შნელის მდგომარეობიდან და განვითარების გზას დაადგინენ. როცა ამის ლტოლვა ურჩიებში მოიფინება, აი, მათ მაშინ შეეძლება სთქვან, რომ ვიყავით ამ სოფელში და ჩვენის კლით ჩვენს მრევლსაც შევაგნებინეთ რამე და ვასწავლეთო. წინააღმდეგ შემთხვევაში ვიტყვიო ჩვენ, რომ მათგან მართო ლოცვები არ ემარა. მოიმედენი ვართ, რომ ჩვენს შენიშვნებს ეს წოდება ყურადღებას მიაპყრობს და ძმურს რჩევად მიიღებენ. ამის მოველენი არიან ზნეობრივ. თვით მათ აწევსთ დიდი ვალი, რათა დაცემულ მრევლს უშველონ რამით და თუნდ სიტყვის საშუალებით მაინც აღადგინონ სწავლა-განათლების სიყვარული და ნათელს ცხოვრებასა და აზროვნებასთან დაახლოვება.

ბოლონტიკობა

ქართული მწიგნობარი

„ჩემი თვლების გახელის დროს, მე ვიყავი ძლიერ დაღონებული და გულიც დარდით მქონდა საესე, რომ ქართველებს ქართული წიგნი სულ არა გვქონდა. ვიყავით დატუქსული, ქართული ენა იღვენებოდა. წიგნების გამრავლება და გამოცემა მიმაჩნდა ჩვენი ეროვნების აღდგენის მალამოდ და ამიტომ დღედაღამ ამ იმედით ვსულდგმულობდი“.

ზაქარია კიკინაძე

ქართული წიგნის დიდი გულშემატკივრის ზაქარია კიკინაძის ბედზე გადამწყვეტი გავლენა იქონია ერთმა შემთხვევამ, რომელიც თბილისში გასული საუკუნის სამოცდაათიან წლებში მოხდა. დღევანდელი რუსთაველის პროსპექტის დასაწყისში, ყოფილი შტაბის ქუჩაზე, ერთად მოსეირნობდნენ ქართველი მწერლები — აკაკი წერეთელი, ნიკო ნიკოლაძე, სერგეი მესხი, გიორგი წერეთელი, კირილე ლორთქიფანიძე. მათი ყურადღება თხუთმეტიოდე წლის ყმაწვილმა მიიპყრო, რომელიც გულდასმით კითხულობდა გაზეთ „დროებას“. ამ ამბავმა ყველაზე უფრო „დროების“ რედაქტორი სერგეი მესხი გაახალისა. სასტუმროში ხელზე მოსამსახურედ მომუშავე ბიჭს კარგაზანს ესაუბრა და გაკვირვებით აღმოაჩინა, რომ ეს ახალგაზრდა დღე-ღამეს ქართული წიგნებისა და ხელნაწერების კითხვაში ატარებდა, თან მისი გაზეთის ერთ-ერთი ხელისმომწერიც იყო¹. ამ შემთხვევამ ძალიან დააახ-

¹ გ. ტ ა ბ ი ძ ე, თხზ., ტ. XII, თბ., 1975 წ., გვ. 31; ლ. ასათიანი, ქართული მწერლობა, თბ., 1949. გვ. 279.

ლოვა სერგეი მესხი ყმაწვილ ზაქარიასთან, რომელიც შემდგომში „დროების“ რედაქტორის უახლოესი თანამშრომელი და ქართული კულტურის ერთ-ერთი თვალსაჩინო მოღვაწე გახდა.

ზაქარია ეგნატეს ძე ჭიჭინაძე დაიბადა 1854 წლის 8 თებერვალს, თბილისში, ხოტევიდან გადმოსახლებული რაჭველი სელოსნის ოჯახში. მამამისმა, გამრჩე და ყაირათიანმა კაცმა, დროთა ვითარებაში იმდროინდელი თბილისის ერთ-ერთ გარეუბანში, მთაწმინდაზე სახლი იშეიძინა და მუსიკაშვილის ქალთან ერთად ერთი საღ-საღამათი, მრავალშვილიანი ქართული ოჯახი შექმნა. თხოუმეტი და-ძმაში ნაბოლარა, ზაქარია ცამეტი წლის ჩამოშორდა სკოლას, მაგრამ ქართული წიგნის საარაკო სიყვარულმა, დაუცსრომელმა ტემპერამენტმა და სერგეი მესხის, პეტრე უმიკაშვილისა და სხვათა მზრუნველობამ საშუალება მისცა საზოგადო მოღვაწეობის ასპარეზზე გამოსულიყო. მან ბევრი საშური საქმე წამოიწყო და წარმატებით დააგვირგვინა. „მეტად მრავალმხრივია ზაქარია ჭიჭინაძის მოღვაწეობა. ჩვენ ვიტყვი: საქართველოში, შეიძლება არცერთ პოლიტიკურ პარტიას არ გაუყეთებია იმდენი, რამდენიც ზაქარიამ შესძლო. რიცხვი არა აქვს ზაქარია

ჭიჭინაძის მიერ გამოცემულ წიგნებს. თვით გამომცემელიც კი გვრახერხებს მათ ჩამოთვლას... იგი თვითონ წერდა, თვითონ აწყობდა, თვითონ ბეჭდავდა, თვითონ ავრცელებდა. ზაქარია ჭიჭინაძის პარტიკული საქმოდ ნათელია. იგი არის წიგნის რაინდი“² — აღფრთოვანებით წერდა ჩვენი საუკუნის ოციან წლებში გალაქტიონ ტაბიძე.

გალაქტიონი სახელგანთქმულ მწიგნობარს ჩვენი „ეროვნული სულის ძელქვას“ უწოდებს. ეს კემშარიტად პოეტური მეტაფორა საოცრად ზუსტად ასახავს ზაქარია ჭიჭინაძის მოღვაწეობის უმთავრეს არსს. მართლაც, უთვალავი საქმის თავკაცსა და უშუალო აღმსრულებელს. ხანგრძლივი შემოქმედებითი ცხოვრების მანძილზე არაფერ გაუკეთებია ისეთი, რაც მხოლოდ მისი პირადული ინტერესებით ექნებოდა ნაკარნახევი და საზოგადოებისათვის ნაკლებ სასარგებლო.

ზაქარია ჭიჭინაძემ განსაკუთრებით დიდი ამაგი სახალხო წიგნების შედგენა-გამოცემის საქმეს დასდო. ამ თვალსაზრისით XIX საუკუნის პირველი ნახევრის ქართული საზოგადოებრიობა ნამდვილად სვეალლო მდგომარეობაში იყო. აი, როგორ ახასიათებს იმ დროს არსებულ ვითარებას თავად ზ. ჭიჭინაძე: „...ქართველნი სრულგზათ არ ბეჭდავდნენ სახალხო წიგნებს, თუმცა, ეს მათთვის მეტად დიდ საჭიროებას შეადგენდა. მთელი წლები ისე გადიოდა, რომ ქართველ

² გ. ტაბიძე, თხზ., ტ. XII, გვ. 50.

მდაბიოთა სასარგებლოდ ერთი ანბანის წიგნიც არ დაბეჭდილა. მარალია, ხანდისხან რუსულ-ქართულ „რაზღაფორის“ წიგნებსაც ბეჭედნენ, მაგრამ ყველა იგინი ისე ძვირად ფასობდნენ, რომ მათს ყივას საწყალი კაცი სულ ვერ შეძლებდა³. „...მდაბიო ერი დროის ქოხებით თვალს ახელდა, მათში მიმბაძაობის საშუალებით თვალის ბილება და ცხოვრებით წინსვლის ნატვრა მალა იწვედა, მათთვის წიგნები იყო საჭირო, მაგრამ მისი მკეთებელნი და დამბეჭდავნი კი არსად იყვნენ“⁴. ამ მეტად საშური საქმის აღსრულება შემდგომში ეგრდალეულთა ნააზრევზე აღზრდილმა მოღვაწეების მთელმა კოგორტამ ითავა — პ. უმიკაშვილმა, ზ. კიკინაძემ, კ. გვარამაძემ, ვ. აღნი-აშვილმა, ს. მერკვილაძემ, ი. როსტომაშვილმა, ი. იმედაშვილმა და სხვებმა.

სახალხო წიგნების გამოცემა დიდ სიძნელებთან იყო დაკავშირებული. ამ საქმეს ოცდაერთი წლის ზაქარიამ ჯიქურ მოკიდა ხელი და ცხოვრების ბოლომდე უანგაროდ ემსახურა⁵. საკვირველია მისი მოღვაწეობის მასშტაბები: ზ. კიკინაძე სამასამდე წიგნის ავტორი, შემდგენელი და გამომცემელია. არანაკლებ საოცარია ის ფაქტი, რომ ესოდენ დიდი შემოქმედებითი პოტენციის ადამიანი, ათი-ათასობით წიგნის გამომცემელი და გამავრცელებელი, რომელსაც თბილისში სპეციალური წიგნის სავაჭროც ჰქონდა, თანამედროვეთა მოწმობით, მთელი ცხოვრება მატერიალურ გაჭირვებას განიცდიდა ხელმოკლეობის მიზეზი ის გახლდათ, რომ ზ. კიკინაძის საქმიანობის ძირითადი მიზანი ქართული წიგნების გავრცელება და არა ამ წიგნებით ვაჭრობა იყო: „თუ შეატყობდა მყიდველი ღარიბი იყო და ფულის გადახდაზე ყოყმანობდა, წიგნს უფასოდ აძლევდა. იგი ცნობილი იყო იმითაც, რომ უსახლკარო მწერლებს, დევნილ პოლიტიკურ მოღვაწეებს და საერთოდ ღარიბ ინტელიგენციას თავის ბინაზე შეიფარებდა ხოლმე“⁶.

³ ი ა მ ა რ უ შ ა ძ ე (ზ. კიკინაძე), ქართული სახალხო სამეცნიერო წიგნები, თბ. 1903, გვ. 4.

⁴ ი ქ ვ ე, გვ. 7.

⁵ ვ. მ ა ე ა ბ ე რ ი ძ ე, ქართული სახალხო წიგნების შემდგენელ-გამომცემლები. თბ. 1977, გვ. 59-86.

⁶ გ. ი მ ე დ ა შ ვ ი ლ ი, იოსებ იმედაშვილი—გამომცემელი და ბუკინისტი. კრ. „მწიგნობარი“. თბ., 1983, გვ. 213. ზ. კიკინაძის მიერ წიგნების უსასყიდლოდ გავრცელების შესახებ ხშირად ეხვდებით ინფორმაციას ქართული პრესის ფურცლებზე: გაზ. „ივერია“, 1887, № 186; 1892, № 240; 1893, № 195; 1899, № 251, 1900, № 116; 1902, № 100; „ღროება“, 1880, № 214; 1882, № 25; „ცნობის ფურცელი“, 1898, № 613; 1803, № 2320 და სხვ.

მეტად საინტერესოა ზ. კიკინაძის, როგორც უანგარო ეროვნული მოღვაწის გალაკტიონ ტაბიძისეული დახასიათება, რომლის ვრცელ ნაწყვეტს ქვემოთ მოვიყვანთ: „...ზაქარია კიკინაძეს თვალწინ ედგა ჩვენი ქვეყნის მწუხარე მდგომარეობა. ნახევარი საქართველო ეკირა ოსმალეთს. მცხოვრებლები გამაჰმადიანდნენ და მშობლიური ენა და-ვიწყებას მიეცა. კონსტანტინოპოლიდან გამოგზავნილი მოღებნი ავ-რცელდებდნენ ისლამის სარწმუნოებას ბათუმის ქართველთა შორის, აქარაში და ქობულეთში. 1857 წლიდან ახალციხე, სატახტო ქალაქი სამცხე-საათაბაგოსი, დამორჩილდა ოსმალეთს. ოსმალნი გამუდმებით ესხმოდნენ საქართველოს განაპირა კუთხეებს, სამცხე-საათაბაგოსს, შა-ვი ზღვის აღმოსავლეთ ნაპირს, გურიას, სამეგრელოს და აფხაზეთს. შინაც, საქართველოში, მოხდა დიდი უბედურება. მეფე ალექსანდრე-მ დაანაწილა საქართველო. დაიწყო განუწყვეტელი ქიშპობა და ჯი-ბრი, როგორც მეფეებს, ისე ერისთავებს შორის. სამცხე-საათაბაგო-კი ამ დროს მუდმივი ბრძოლის ასპარეზად იყო გადაქცეული. აქ სპა-რსელებს სურდათ ოსმალეთის გავლენის მოსპობა. მთელი ეს ხანა დაუსრულებელი ტრაგედია არის საქართველოს ცხოვრებისა. ოსმა-ლეთს დაპყრობილი ჰყავდა ნახევარი საქართველო 1878 წლამდე. ამ წელს კი, ბერლინის შეთანხმების ძალით, ოსმალეთს ჩამოერთვა და გადაეცა რუსეთს ორი მესამედი სამაჰმადიანო საქართველოსი: ფო-ცხობი, არდაგანი, კოლა, არტანუჯი, ჩილდირი, ოლთისი, ართვინი, პა-ნაჩა, ნარიმანი, მაქახელი, იმერხევი, ზედა აქარა, ქვემო აქარა, ბათუ-მი, ჩაქვა, ქობულეთი და სხვ. მაგრამ მეორე ნაწილი სამაჰმადიანო საქართველოსი და ლაზისტანი ისევ ოსმალეთს დარჩა: ბასსიანი, სპე-რა, კისკიცი და სხვ. როგორც წინედ, ისე იმ ხანებშიაც მთელი მოწი-ნავე ქართველი საზოგადოების ყურადღება მიქცეული იყო სამაჰმა-დიანო საქართველოსაკენ. ერთის მხრით, თვითონ ოსმალეთისათვის სამაჰმადიანო საქართველო იყო უცნობი მხარე — ტერრა ინკოგნიტა — მეორე მხრით, არც ცენტრალურ საქართველოს ჰქონდა საშუალე-ბა მიშველებოდა მას. მაგრამ როგორც კი ნაწილი სამაჰმადიანო სა-ქართველოსი ოსმალეთს ჩამოშორდა, მთელი ყურადღება მოწინავე ქართველებისა მას მიექცა. განახლდა მისვლა-მოსვლა, როგორც ტფი-ლისიდან სამაჰმადიანო საქართველოში, ისე სამაჰმადიანო საქართვე-ლოდან ტფილისში. ხშირად მიდიოდნენ დიდი ხნის ერთმანეთის უნა-ხავი ძმები. აი მაგალითად: 1887 წელს ტფილისში ჩამოვიდა ორი ახ-ალგაზრდა მაჰმადიანი: რეჯებ ნიჟარაძე და ისმაილ ალა-კაიკაციოვი-ლი. ესენი ჯერ კიდევ მოწაფეები იყვნენ. მათ გაიცნეს ზაქარია კიკი-ნაძე. ახალგაზრდები აელვარებული თვალებით უსმენდნენ ზაქარია კიკი-ნაძის საუბარს სამაჰმადიანო საქართველოს შესახებ. მათ პირველად

ესმოდათ, რომ სამაჰმადიანო საქართველო უძველესი ნაწილია საქართველოსი. რომ აქ ისევ დარჩენილია ქართული ენა და ადგილის სახელები: თიონეთი, ორგუბე, დედამთა, კილობისმთა. როდესაც ზაქარია ჰიქინაძემ განიზარხა სამაჰმადიანო საქართველოში წასვლა, ესენი სულითა და გულით თანუგრძობდნენ ამ განზარხვას. ზაქარია ჰიქინაძე მათი დახმარებით გაემგზავრა ქობულეთში 1889 წელს. მან წაიღო დიდძალი წიგნები, რომელთაც უფასოდ არიგებდა ქართველი მაჰმადიანებში და თავდადებით შეუდგა ქართველ მაჰმადიანთა ცხოვრების შესწავლას ადგილობრივად.

1890 წელს ზაქარია მიემგზავრება აქარაში დატვირთული ქართული წიგნებით. მეორედ ეწვია აქარას 1891 წელს. ისევ დიდძალი წიგნებით. ამის შემდეგ იგი მუდმივად მოგზაურობდა სამაჰმადიანო საქართველოში ათი წლის განმავლობაში, წიგნებით — ქართული წიგნებით. თავიდანვე, სამაჰმადიანო საქართველოს ოსმალეთთან ჩამოშორებისთანავე, შეიძლება კიდევ უფრო ადრე. ზაქარია ჰიქინაძემ ივრჩნო, თუ რისთვის უნდა მიეჭტია ყურადღება ოსმალური გავლენის საწინააღმდეგოდ იგი ბექდავდა წიგნებს ქართულ ენაზე: სარეგიო შინაარსისას, ისტორიულ წერილებს, სახალხო ლექსებს, „ვეფხისტყაოსანს“ — განსაკუთრებით სამაჰმადიანო საქართველოსთვის რუსთველის უკვადავი პოემა აქ ისევ ცოცხლობდა ზეპირ გადმოცემებით, ანდაზებით. მთელს ზაფხულს ატარებდა ზაქარია იქაურ სოფლებში, მოგზაურობდა ჰკრეფდა მათ ზეპირ გადმოცემებს, შეისწავლა ზეპირად მათი ლოცვები და მათ ჯამეშიაც დადიოდა და ლოცულობდა ისე კარგად, რომ შემდეგში კიდევ დაბეჭდა მათი ლოცვის წიგნი ქართული ასოებით და არაბული სიტყვებით. მან ძლიერ კარგად იცოდა, თუ რა ნიადაგზე ხდებოდა წინათ სამაჰმადიანო საქართველოს მკვიდრთა მასიური გადასახლება ოსმალეთში. ისინი სტოვებდნენ სამშობლოს, სახლ-კარს, წინაპრების საფლავებს და მიემგზავრებოდნენ ოსმალეთისაკენ სარწმუნოებრივი ფანატიზმის გავლენით. მათდამი ყოველთვის ფრთხილად მოპყრობა იყო საჭირო და ზაქარია სწორედ ასე იქცეოდა. სამაჰმადიანო საქართველოში თავინათ კაცად მიაჩნდათ ეს მოხეტიალე ენტუზიასტი. იგი შეუყვარდათ. მასთან ასობით გზავნიდნენ ბავშვებს და მრავალმა ბავშვმა შიისწავლა მისგან წერა-კითხვა. ზაქარია ჰიქინაძემ დაბეჭდა შემდეგი წიგნები: 1. ისტორია ყოფილი ოსმალეთის საქართველოსი. 2. ქართველების გამაჰმადიანება ანუ გაათარება. 3. ქართველი მაჰმადიანების დიდი გადასახლება ანუ მუჰაჯირობა — ემიგრაცია, 4. ქართველ მაჰმადიანთა ცხოვრება (ერთად აკინძული 15 წერილი), 5. ქართველ მაჰმადიანთა სოფლები და ხალხი, 6. ალიფაშა თავდგირიძე და მისი გჰარის ამბავი,

7. ქართველ მაჰმადიანთა სახალხო ლექსები (მის მიერ შეკრებილი),
8. ჰუსეინ ჰამაზის ლექსები (მის მიერ შეკრებილი) და სხვ. ქართველ
მაჰმადიანთა შესახებ ზაქარია ჰიქინაძე მრავალ წერილებს ბეჭდავდა
გაზ. „დროებაში“. „ივერიაში“ და სხვ. მარტო ბათუმის ქართულ გა-
ზეთში დაიბეჭდა მისი ასი ფელეტონი ორი წლის განმავლობაში —
ქართველ მაჰმადიანების შესახებ და მეორე ასი ფელეტონი სხვადას-
ხვა ისტორიული წერილებისა. ასეთმა განუწყვეტელმა მუშაობამ ნა-
ყოფი გამოიღო და ზაქარია ჰიქინაძეს აუსრულდა ნატვრა; იქ მკვი-
დრი საფუძველი ჩაიყარა ქართულმა წიგნმა, გაჩნდა წიგნის კითხვის
ლაუშრეტელი წყურვილი. ზაქარია ჰიქინაძე მოესწრო იმასაც, რომ
ქართველ მაჰმადიანებში გაჩნდნენ ისეთებიც, რომლებიც თავის თავს
ქართველ მაჰმადიანებს უწოდებენ და არა თათრებს. ასეთ პირთა
რიცხვი თანდათან იზრდება და საქართველოს ყოველმხრივ უზრუნ-
დება რამდენიმე საუკუნის განმავლობაში მშობლიურ კერას მოწყვე-
ტილი — სამაჰმადიანო საქართველო.

ზაქარია ჰიქინაძე ქობულეთში ისმენდა მოხუცთაგან ამბებს, ამ-
ის მსგავსს: — მე მაშინ ასალგაზრდა ვიყავი, როცა სოლომონ მეფე
სტამბოლს გეახლათ სონთქართან, ტრაპიზუნდამდის ჩვენ გავაცი-
ლეთ; იმერეთში რუსების მოსვლაც კარგად მახსოვს. ჩვენი გათათრე-
ბის შემდეგ ასი წელი იქნება გასული. მე პატარა ვიყავი, როცა ქო-
ბულეთში თათრობა შემოვიდა, პირველად ბევრი ვიმაგრეთ, მე ჩემმა
ბებიამ გურიაში გამაქცია და გურიელის სახლში დამტოვა, რომ არ
გავეთათრებინეთ, მაგრამ ბოლოს მაინც არ ამცდა, შემდეგ ოსმალე-
ბმა მოლები გამოგვიგზავნეს და გავგათათრეს ძალით. მე კარგად მა-
ხსოვს, რომ როდესაც მოლებმა აქ პირველად დაიწყეს მინარეთები-
დან ლოცვების თქმა, ჩვენ, ქრისტიანებს, ძლიერ გვეჭავრებოდა და
აძიტიმ ქვებსა და ტალახს ვესროდიით. ნელ-ნელა ისე მოგვიხერხეს,
რომ აქედან ხუცები გარეკეს, ეკლესიები დაკეტეს და ჩვენც გათათ-
რება გამოგვიცხადეს. რამდენიმე წლის განმავლობაში მთლად გათა-
თრდა ოსმალეთის სამფლობელო ქობულეთი. ჩვენ იმერეთიდან ვართ
ძველად აქეთ გადმოსული, ჩვენი მოგვარეები ქუთაისის ახლოს უნდა
ცხოვრობდნენ. მე მოვესწარ კარგად სელიმ ფაშა ხიმშიაშვილს, მის
ჩამას აბდულბეგს, ასმედ ფაშა ხიმშიაშვილს და მრავალთაც სხვებს.
დააინტერესებდა ზაქარიას რომელიმე ისტორიული პიროვნება სამა-
ჰმადიანო საქართველოს წარსულიდან. იგი სწერს: „ჩემი მგზავრობის
დროს, ათი წლის განმავლობაში, სადაც კი მოხუცებულ ხოჯას ვნა-
ხავდი, ყველას იმას ვეკითხებოდი, იყო თუ არა იმათი მიღეთის ვი-
ნემე შეიხ-ულ-ისლამი? ბოლოს მეღირსა ზოგი რამ ცნობების შეკრება
და სხვ. ანდა ასეთი დიალოგი თურქულად მგზავრობთან: რა ტომის კა-

ცი ხარ? — გურჯი. შენი მამა-პაპა რა ტომისა იყვნენ? — გურჯი (ქართველი), მაშ რატომ ქართული თქვენი ენა კი არ იცით? — მოსაუბრე გაჩერებულა და გაშტერებით უთქვამს — არ ვიცი“. ასეთ დაკარგულ ქართველთათვის, — სწერდა შემდეგ თავის უბის წიგნაკში ზაქარია ჭიჭინაძე, — „ეგრძნობ თუ როგორ სანატრელია ქართული ენის ცოდნა — ეს იქნება დიდი საქმე. მათ ჯერაც არა აქვთ დავიწყებული ის გადმოცემა, რომ მათი სამშობლო საქართველოა, ივინიც ქართველთა შთამომავალნი არიან და მათი დედაენაც ქართული ენა არის“, ან კიდევ ასეთი ადგილი: „შარშან აქარაში მე გამეცნო ჰასანეფენდი — ციციშვილი, მას ჩემი გაცნობა ესიამოვნა, მით უფრო, რომ გაიგო ქართული წიგნები მქონდა თანა. ბათუმისა და ქედამდის წამოწყეა და გზაში ბევრი რამ საინტერესო მიაგმო ქართველ მაჰმადიანთა შესახებ. წიგნების გავრცელებაში დიდი დახმარება აღმომიჩინა მან. სულ იმას ნატრობდა — ეგების ჩვენს დაცემულ მხარესაც ეშველოს რამე — სწავლა-განათლება შემოვიდესო. ჩვენთა მოძმეთ ქართველებს იმედი გვაქვს, თორე სხვა ვინმე რას გვიშველის? ჰასანეფენდის ძალიან ეწყინებოდა, რომ ეთქვათ: „შენ თათარი ხარ“. „მე თათარი რაში ვიქნები, სჯულით მაჰმადიანი ვარ და ტომით ქართველი“. აქარიდან ტფილისში გამულღმებით იწერებოდა წერილებს ეს ციციშვილი, მოითხოვდა წიგნებს, ივედრებოდა: წელსაც ამოდით და ამოიტანეთ წიგნებიო, ბევრმა ისწავლა წერა-კითხვა, უფრო ბევრი ისწავლის, თუ ხელს შეგვიწყობთო. ერთხელ ტფილისში ჩამოვიდა ანტონ ფურცელაძემ სადილად მიიწვია. ჰასან ციციშვილი ლაპარაკობდა დარბაისლურად: რაკი აქამდე მოვალწიეთ და დედაენა არ დავკარგეთ, ეხლა ნურაფრის შიში ნუ გაქვთ, ეხლა ადვილად შევერთდებით სულით და გულითო. ჰასანს ძალიან ენატრებოდა აქაური ციციშვილების გაცნობა“. ამნაირად ეყრებოდა მტკიცე საფუძველი სამაჰმადიანო საქართველოსთან დაახლოებას და ამ დაახლოების უპირველესი მქადაგებელი იყო ზაქარია ჭიჭინაძე. მისი მაგალითი ამსწევებდა ყველას, ვისაც კი გული შესტიოდა საქართველოსათვის და ზაქარია ჭიჭინაძე ნახულობდა ერთგულ თანამოაზრეებს; ისტორიკოსმა დიმიტრი ბაქრაძემ ორჯერ იმოგზაურა ქართველ მაჰმადიანებში. პეტროგრადის სამეცნიერო აკადემიამ დაბეჭდა მისი წიგნი „არქეოლოგიური მოგზაურობა გურიასა და აქარაში“, მეტად საინტერესოა ცნობები მათ შესახებ, რომელნიც ზაქარია ჭიჭინაძესთან ერთად თავდადებით მუშაობდნენ ამ სფეროში. გიორგი ნიკოლოზის-ძე ყაზბეგიც მთავრობის მინდობილობით მოგზაურობდა სამაჰმადიანო საქართველოში მაშინ, როცა იგი ოსმალებს ექირათ. მან დასწერა წიგნი „სამი თვე ოსმალეთის საქართველოში“ და ვრცელი მიმოხილვა „ლაზისტა-

ნის სანჯაკი“. ნიკო ნიკოლაძე 1883 წელს „კრებულში“ ეხება სამაჰ-მადიანო საქართველოს ლაზისტანიოთურთ. სერგეი მესხი ომიანობის დროს მოგზაურობდა იქ, იონა მეუნარგია სამეცნიერო საზოგადოების დავალებით და თედო სახოკია თავისი სურვილით მოგზაურობედნ სამაჰმადიანო საქართველოში. ილია ჭავჭავაძე ენერგიულ წერილებს ათავსებდა „ივერიაში“, გიორგი წერეთელი „დროებაში“, აკაკი წერეთელი თავის „კრებულში“. ნიკო ცხვედაძე გულმხურვალედ აღევნებს თვალყურს ქართველ მაჰმადიანთა სწავლა-განათლების საქმეებს. იაკობ გოგებაშვილი, აკადემიკოსი ნიკოლოზ მარი, ალექსანდრე ყიფშიძე — გაზეთებში დაულალავედ სწერენ სამაჰმადიანო საქართველოს შესახებ. ილია ფერაძე, საშსონ ფირცხალავე, ვალერიან ჯუნია ხელს უწყობენ ასეთ დაახლოებას. მეორე მხრითაც გაჩაღებულია მუშაობა. აბდულ-ეფენდი მიქელაძე, გულო-ალა კაიკაციშვილი, მემედ-ბეგ აბაშიძე, ჰაიდარ-ბეგ და ზია-ბეგ აბაშიძე და სხვ. ხოლო უველაზე მეტი წიგნები ისევ ჭიჭინაძის კალამს ეკუთვნის: — ქობულეთის ხეობის ქართველ მაჰმადიანების შესახებ, ქობულეთისა და ჩაქვის ხეობის ხოჯებისა და მოღებების შესახებ, ქობულეთისა და ბაღუშის ქართული შკოლების შესახებ, ბათუმის ქართული მწიგნობრობის შესახებ, ქართველ მაჰმადიანთა მელექსეების შესახებ, აჭარის სოფლების შესახებ, სამცხე-საათაბგოს დაპყრობის ზეპირი ამბები, აჭარის ამბები 1892 წ. აჭარის განახლება; ლივანის ქართველ მაჰმადიანთა სოფლები, ლივანა-მარადიდის შკოლების ამბები, ქართველ მაჰმადიანთა უმაღლეს სასულიერო შკოლის გახსნის საჭიროების შესახებ, ლივანის ხევის მოღებებისა და ხოჯების შესახებ, მაქანელის სოფლები, მურღულის ხეობა; მესხეთის ქართველი მაჰმადიანები, ჯავახეთის ქართველი მაჰმადიანები, ქართული ენის დაკარგვა კობლიანში, ქართული ენის დაკარგვა ჩილდირში, ქართული ენის დაკარგვა ფოცხოვეში, ქართული მაჰმადიანების გადაგვარება, ოლთისი ანუ ზემო ქართლი, ლაზისთან-ქანეთი, შავშეთის ქართველი მაჰმადიანები, იმერხევის ქართველ მაჰმადიანთა სოფლები, კლარჯეთის ქართველი მაჰმადიანები, ქართული ენისა და საქართველოს მოყვარე ხოჯები, ლოცვები არაბულ ენაზე და მრავალი სხვა“.⁷

ამავე პერიოდის შესახებ ზ. ჭიჭინაძე ერთ-ერთ ბოლო ნაშრომში სწერს: „...1879 წ. დამდეგს ამ ომში დიდძალი კახელები დაიხროცენ. ქართველ მაჰმადიანებს დერვიშ-ფაშა ურჩევდა, თქვენ ჩაბარდით რუხებს და შემდეგ ამისა გადმოსახლდით ოსმალეთშიო, ჩვენ იქ კაი აღ-

გილებს მოგცემთ. დაიდო ხელშეკრულება რუსებსა და ოსმალს შორის და გადასახლების ვადათ დანიშნეს ერთი წელიწადი. მართლ-აც, ქართველ მაჰმადიანებმა იწყეს გადასახლება და სამი წლის განმავლობაში რამდენიმე ასი ათასი კომლი გადასახლდა ოსმალეთში. ამავე დროს ვრიგოლ გურიელმა ათი ათასი მანეთი დაურიგა ქართველ მაჰმადიანებს.

1880 წ. მრავალნი უჩვენდნენ ქართველ მაჰმადიანებს, რომ ისინი არ წასულიყვნენ ოსმალეთში. ამის მსურველნი თვით ქართველ მაჰმადიანებშიც იყვნენ, როგორც, მაგალითად, გულო კაიკაციშვილი, დედი ნიყარაძე, მაგრამ მაინც არ იშლიდნენ და მიდიოდნენ.

1887 წ. ბათუმში გაიხსნა ქართველ მაჰმადიანთა სკოლა, ქართველთა შორის წერა-კითხვის გამავრცელებელი საზოგადოების თაოსნობით, რომელშიაც ბევრმა ქართველმა მაჰმადიანმა მიიღო სწავლა-განათლება.

1890 წ. მე დავიწყე მოგზაურობა და პირველად მივედი ქობულეთში. იქ პირველად მე მივიტანე ქართული წიგნები. ეს ამბავი ქობულეთში გაუხარდათ, წიგნები სიამოვნებით მიიღეს. მე ვცხოვრობდი რეჯებ ნიყარაძესთან, რომელიც დიდ დახმარებას მიწევდა წიგნების გავრცელებაში, ასევე გ. კაიკაციშვილი. იმავე წელს ქობულეთიდან მე გადავედი ქვედა აჭარას და მაქახელშიც შევედი, აქედან ლიბანის ხევში და სხვაგანაც.

1891 წ. მეორეთ წავედი. აჭარის წყალზე რომ მივედი, იქ იყო იმ დროს ლუკა ანდლულაძე, ვახტანგისტრად. იგი დიდად ეხმარებოდა აჭარლებს და ბევრს ქართულ წიგნსაც ასწავლიდა, რითაც დიდი სამსახური მიუძღვის ჩვენი ერის ისტორიის წინაშე. იმავე დროს მე ავედი ბორჩხაში და იქაც ვნახე იქაური ვახტანგისტერი ივანე ჭაიანი. ამ პირს დიდად გაუხარდა ჩემი იქ მისვლა. მას ჰქონდა სკოლა და ქართველ მაჰმადიანთა ბაღლებს წერა-კითხვას ასწავლიდა. ამის შემდეგ იქიდან ვიმოგზაურე ართვინამდის, რის შემდეგ დავბრუნდი ქედაში და იქაც დავრჩი ერთ თვეს და დიდალი წიგნები დავარიგე.

აქ მსახურობდა უფროსად ტუპამ-ბეგ შარვაშიძე. მისი ხელქვეითი იყო სიმონ იოსელიანი და საქმის მწარმოებელი კოლია ლორთქიფანიძე. ყველა ესენი დიდ სიკეთეს სთესდენ, ქართველ მაჰმადიანების დამხმარებლები იყვნენ და არა მოხელენი. მეც დიდად მიწყობდენ ხელს. შესმარებოდა აბდულ-ეფენდი მიქელაძეც, რომელიც იმ დროს ქართულ გაზეთებში წერილებს წერდა აჭარიდან. აქ დავარიგე მე რამდენიმე ათასი ქართული წიგნი, ბევრ სოფლებში ბავშვებს ქართული ანბანის კითხვაც ვასწავლე. აქედან წავედი ზეგან ანუ ზედა აჭარაში. იქ დამხვდა ვასო დეკანოზოვი და მისი უფროსი ბერიძე და

ხოჯა — ნური ეფენდი ბერიძე. ყველა ამათ მე დიდად შემიწყვეს ხელი ქართული წიგნების გავრცელებაში. ზეგანში ქართულმა წიგნებმა კარგი შთაბეჭდილება დასტოვა.

ამის შემდეგ მე იქ მუდამ წელიწადს ვმგზავრობდი, სადაც მიმქონდა ქართული სხვადასხვა წიგნები გასავრცელებლად, თან ბავშვებს ვასწავლიდი ქართული წიგნების კითხვას. წიგნები იყო არსენას ლექსი, ქალ-ვაჟიანი, ქართველ მაჰმადიანთა ლექსები და მრავალი სხვები. ამასთანავე ერთად ხალხში ვკრფდი და იქვე ვწერდი ისტორიისთვის საყურადღებო ძველ ამბებს, რომლებიც ჯერ ჟურნალ-გაზეთებში დავბეჭდე და შემდეგ ექვს წიგნად გამოვეცი. მთელი ათ წელიწადზე მეტი ვწერე აჭარლების შესახებ.

1894 წ. ქართველ მაჰმადიანებში გამოჩნდნენ ისეთი კაცები, რომლებიც ჩემს იქ მისვლას ყოველთვის დიდი სიხარულით ხვდებოდნენ. ბევრმა მათგანმა ისე შეისწავლა კითხვა, რომ ქართულ გაზეთებშიაც კი დაიწყო წერა. ასეთი იყო ჰასან ციციანი, აჭარის სოფ. ზენდიდში მცხოვრებელი.

1906 წ. ქართველი მაჰმადიანები ისე დაწინაურდნენ, რომ მათ ფეხი გამოდგეს ყველა საკულტურო საქმეებში სამუშაოდ, როგორც მაგალითად ქართულ მწერლობაში, სათეატრო საქმეებში და ეროვნულ-კულტურულ აღმშენებლობაში. მათ შეიგნეს ის კეშმარიტება, რომ ისინი იყვნენ ქართველი მაჰმადიანები, ენით ქართველნი და არა თათრები. იმედი გვაქვს, რომ ისინი მხურვალე მონაწილეობას მიიღებენ და ჩაებმებიან თავიანთი ერის განთავისუფლების უღელში¹⁸.

ესოდენ დიდ მამულიშვილურ საქმეს შეუკიდებელი ცნობილი მოღვაწე იმდენად ხელმოკლედ ცხოვრობდა, რომ გამუდმებულმა უსახსრობამ მის იერ-სახესაც კი კვალი დააჩნია: „შემოვიდა ერთ დღეს ჩვენთან სტამბაში, ერთი კაცი, ჩაგლეჯილი, წვერ-ულვაშ გაბურძგნული, წიგნებით და გაზეთებით ჯიბეში, ხელში დახეული ქოლგით. პლატონი მდაბლად მიესალმა. რალაც წიგნის ბეჭდვაზე ილაპარაკა. წასვლისას დაიბარა: „ცისკრის“ რედაქტორი ივანე კერესელიძე გარდაიცვალა, კვირას ყველამ დასაფლავებაზე წამოდიოთ“. ვინაა პლატონ ეს ჩაჩინთული კაცი? ვკითხე. — ზაქარია ჭიჭინაძეაო.“* — იგონებს გასული საუკუნის 90-იან წლებში „ივერიის“ სტამბის ასოთამაშწყობად მომუშავე ვლასა მგელაძე.

ორმოცი წლის შემდეგ ლევან ასათიანი თითქმის სიტყვა-სიტყვით

¹⁸ ზ. კიჭინაძე, ოსმალეთის ყოფილი საქართველო და ქართველ მაჰმადიანთა ისტორიის კონსპექტი, 1452-1926 წ. თბ., 1927 წ., გვ. 26-28.

* ვლასა მგელაძე. მოგონებანი. წიგნი მეორე. პარიზი, 1972, გვ. 28.

ომორებს აღნიშნულ დახასიათებას: „პატარა, ჩია თხელი კაცი. ტანთ ძველი, გახუნებული სურთუკი ან ასეთივე პალტო აცვია, თავზე ევროპული „ქვაბუნა“, უფრო სშირად კი შავი რბილი ქუდი ახურავს. ღშირი, სქელი წვერ-ულვაში, გაქაღარავებული სახე, დანაოქვებული, დაღარული, დროისაგან დაკმუქნული სქელი წარბები დასწოლიან შავს, ჩაბინდულ თვალებს. მოკლე და ნელი ნაბიჯით მოდის ქუჩაში. ხელთ გახეთები ან ძველი წიგნები უპყრია. მოდის, თითქოს ველარავის ხედავს, ველარავის სცნობს“...⁹.

ზ. კიკინაძეს უანგარო ღვაწლი სათანადოდ იქნა დაფასებული. 1922 წელს მცხოვანი მწიგნობრისა და ლიტერატორის მოღვაწეობის 50 წლისთავის იუბილე მთელ საქართველოში აღინიშნა¹⁰. მწერალთა კავშირის საბჭომ იუბილის წინ მოწოდებით მიმართა ქართველ ერს: „სრულიად საქართველოს მწერალთა კავშირის საბჭომ დაადგინა: გადახდილ იქნას ქალართ შემოსილი მწიგნობრის ზაქარია კიკინაძის 50 წლის მოღვაწეობის იუბილე და დაუკავშიროს მას ქართული წიგნის დღესასწაული. ქართული წიგნი სულია საქართველოს შემოქმედებისა, როდესაც მისი ისტორია დაიწერება, იგი იქნება არა მარტო წიგნის, არამედ საქართველოს კულტურის ისტორიაც. იყვენ და არიან საქართველოში მწიგნობრობის რაინდები. ისინი უანგაროდ ემსახურებიან მისი აყვავებისა და აღორძინების საქმეს. მათ შორის ყველაზე უფრო თავდადებული არის ზაქარია კიკინაძე. 50 წლის განმავლობაში მოღვაწეობს ეს რაინდი ქართული წიგნისა, როდესაც იგი ამ ასპარეზზე გამოვიდა, თითზე ჩამოსათვლელნი იყვნენ საქართველოში საზოგადოებრივი იდეებით გატაცებული პიროვნებანი. ზაქარია კიკინაძე თავდადებით შეუდგა უკეთილშობილეს საქმეს: მთელი საქართველო მოფენილია მის მიერ გამოცემული წიგნებით. მან მრავალი ხელნაწერი პირველად გააცნო საზოგადოებას, მთაწმინდის უბნები კიდევ ინახავენ ლეგენდებს იმის შესახებ, თუ ვის ქერქვეშ იფარებდა თავს ჩვენი დევნილი ახალგაზრდობა, რომელმაც შემდეგ სახელი გაითქვა ლიტერატურაში, პოლიტიკაში და ს.ე. ჩვენ არ მოგვწყინდება ამ სახელების ჩამოთვლა. ესენი არიან ყველა საქართველოში მოქმედი პოლიტიკური პარტიების ლიდერები, პოეტები, ბელეტრისტები, მეცნიერების ასპარეზზე მომუშავე აკადემიკოსები, პროფესორები. ამათი რიცხვი ასობით ჩამოითვლება. უფრო მეტია მათი რიცხვი, რომელთაც მიწერ-მოწერა ჰქონდათ ზაქარია კიკინაძესთან.

სამაჰმადიანო საქართველოში პირველად შეიჭრა ქართული წიგნი

⁹ ლ. ასათიანი. ქართული მწერლობა. თბ., 1949, გვ. 277.

¹⁰ ვახ. „ბახტრიონი“, 1922, № 1.

ზაქარია ჭიჭინაძის წყალობით. იქ მშობლიური ენის აღდგენის საქმეს მტკიცე საფუძველი ჩაუყარა მან. მას პირველს ეკუთვნის აგრეთვე წერილები ქართველ კათოლიკეების შესახებ და დაკანონება სიტყვისა: ქართველი კათოლიკე. მან პირველმა დასწერა ქართველი ისრაელების ისტორია, მეტად მნიშვნელოვანი წიგნები ოსებისა და ლაზების შესახებ. მას ეკუთვნის საქართველოში პირველი წერილი კარლ მარქსზე, მისი წიგნის „კაპიტალის“ მეორე ტომის გამოსვლის გამო. პირველმა ახსენა ახალი სახელები საქართველოში: პრუდონი, ლუი ბლანი, რობრტ ოუენი, სენ-სიმონი, ფურიე. ის თანამშრომლობდა საქართველოს ყველა გაზეთებში და მათში დაბეჭდილი მასალები იქნება რამოდენიმე ტომი. რიცხვი ამ გაზეთებისა უდრის რამდენიმე ათას ნომერს. ზაქარია ჭიჭინაძის კალამს ეკუთვნის ორას ორმოცდაათამდე წიგნი. ამ რიცხვში დაბეჭდილია მხოლოდ ასთოთხმეტი, დანარჩენი კი, მეტად ძვირფასი მასალა ჯერ კიდევ დაუბეჭდავია.

ძნელია დათვლა იმ ავტორებისა, რომლებიც ცალკე წიგნად გამოიყენა ზაქარია ჭიჭინაძის მიერ. მან მოიარა მთელი საქართველო, მის სხვადასხვა კუთხეში კრეფდა ხალხური შემოქმედების ნიმუშებს, ლეგენდებს, ზღაპრებს, ლექსებს. ქართული ეურნალ-გაზეთები სავსეა ზაქარია ჭიჭინაძის ისტორიული წერილებით. ქართული ლიტერატურის კორიფეები დიდ დაფასებას პოულობენ ზაქარია ჭიჭინაძისაგან. წინად უცნობი და შემდეგში განთქმული სახელები პირველად იბეჭდებოდნენ ზაქარია ჭიჭინაძის მიერ. იგი ერთადერთი ადამიანია, რომელიც პირადად იცნობდა ყველას უძველესი ქართული ეურნალის „ცისკრის“ თანამშრომლებიდან დაწყებული. იგი ერთადერთი ინახავს ძვირფას მოგონებებს ქართული წიგნის აღორძინებისას. იგი გაპიროვნებული ტრადიციისა ჩვენი XIX საუკუნის კულტურისა, იგი მუდამ სუნთქავდა ქართული წიგნის მალაზიების ჰაერით. მისი ტიპური ბიბლიოფილის სახე მარად ანთებულია ქართული წიგნებისადმი სიყვარულით და თვითონაც წიგნია ცოცხალი. დადგა დრო, როდესაც დაფასებული უნდა იქნას ეს უბრალო, მაგრამ დიდი პიროვნება.

სრულიად საქართველოს მწერალთა კავშირის საბჭო მოუწოდებს მთელს საქართველოს მსურველე მონაწილეობა მიიღონ ზაქარია ჭიჭინაძის საიუბილეო დღესასწაულში. ჩვენ დარწმუნებული ვართ, რომ საქართველოს საზოგადოებრივი აზრი ლიხს იქით და აქეთ ენერგიულად გამოეხმაურება ჩვენს მოწოდებას და ეს იქნება უკეთესი თავდები ამ დღის ბრწყინვალედ ჩატარებისა.

სრულიად საქართველოს მწერალთა კავშირის საბჭო.

ტფილისი, 1922, 3 თებერვალი. ხელოვნებათა სასახლე¹¹.

¹¹ ნ. ნ. (გ. ტაბიძე) ზაქარია ჭიჭინაძე, ტფ., 1922, გვ. 3-4.

იუბილისათვის მზადებამ მასშტაბური ხასიათი მიიღო; ქართულ ეურნალ-გაზეთებში მრავალი წერილი გამოქვეყნდა, დაიბეჭდა მო-
გონებები და მისაღმებები. ცალკე წიგნად გამოიცა ვალაკტიონ ტა-
ბიძის ნარკვევი „ზაქარია ჭიჭინაძე“¹², ხოლო საიუბილეო საღამო ვა-
ლ-მობხილ მწიგნობარს თბილისის საოპერო თეატრის ხალხმრავალ
ღარბაზში მოუწყვეს. სამწუხაროდ, იუბილის შემდეგ მცხოვან მწიგ-
ნობარს დიდხანს აღარ უყოცხლია. ზაქარია ჭიჭინაძე 1931 წლის 27
დეკემბერს გარდაიცვალა. მაღლიერმა ქართველობამ მისი ნეშტი მთა-
წმინდის მიწას მიაბარა¹³.

ზ. ჭიჭინაძის მიერ გამოცემული სახალხო წიგნები მკითხველებში
ზოპულარობით სარგებლობდა. ყოველი მათგანი გამოსვლისთანავე
რავისებურ ქართულ ბესტსელერად იქცეოდა ხოლმე. ასეთი წარმა-
ტების საფუძველი მათი შინაარსის აქტუალობა და მარტივი სასაუბ-
რო ენა გახლდათ. „ზაქარიას თავის სიცოცხლეში დაუწერია უამრავი
ისტორიული, ბიოგრაფიული, ბიბლიოგრაფიული, ეთნოგრაფიული,
სამეცნიერო-პოპულარული, სალიტერატურო და სხვა სახის შრომა,
— წერს სპეციალურ ნარკვევში ლევან ასათიანი, ზაქარია ჭიჭინაძის
კალამს ეკუთვნის ურიცხვი წერილი და წიგნი ქართველ მაჰმადიანთა
შესახებ, სამაჰმადიანო საქართველოში პირველად ზაქარიას წყალობ-
ით შეიქრა ქართული წიგნი, მასვე ეკუთვნის წერილები ქართველ
კათოლიკეთა შესახებ, პირველი ისტორია ქართველ ისრაელებისა,
ისტორია ქართველ გრიგორიანებისა, ისტორიული ნარკვევები აფხა-
ზების, ოსების და ლაზების შესახებ, ქართველ ქალთა შესახებ. ზაქა-
რიას უწერია ისტორია ქართული სტამბისა, ქართული გაზეთის; მის
კალამს უკუთვნის დიდი შრომა — ქართული მკურნალობის ისტორია;
ნარკვევები — საქართველოში ვაჭრობა-მრეწველობის ისტორია და
სხვა... ძნელია ყოველივეს ჩამოთვლა. მასვე უწერია მიმოხილვები
ძველი ქართული ლიტერატურის, პოეზიის, თეატრის და სხვ. შესახებ.
ზაქარია ჭიჭინაძის ნაწერების თემატურ ნაირფეროვნებას თითქმის
საზღვარი არ უჩანს. მის დაუღალავ კალამს უწერია პოპულარული
ბროშურები პრუდონზე, ლუი ბლანზე, სენ-სიმონზე, მთელი ტომი
საქართველოს მუშა-ხელოსნების ცხოვრებაზე. და ბოლოს აღსანიშნა-
ვია მისი მონაწილეობა საქართველოს ბატონყმობის ფაქტიურ მასა-
ლათა გამოქვეყნებაში. ზაქარიას ნაწერების ჩამოთვლა აქ შეუძლებე-

¹² ნ. ნ. (გ. ტაბიძე), ზაქარია ჭიჭინაძე, ტფ., 1922.

¹³ ვ. მ ა ც ა ბ ე რ ი ძ ე. ქართული სახალხო წიგნების შემდგენელ-გამომცემლე-
სი. თბ., 1977, გვ 66.

ლია, მარტო მათი სათაურები შეადგენენ, ალბათ, რამდენიმე გვერდს¹⁴.

გასაოცარ პროდუქტიულობას, ექვევარეშეა, ჩრდილოვანი მხარეც ახლდა თან. ამ ღირსებაში იფარებოდა დიდი ნაკლიც — სამართლიანად აღნიშნავდა 1932 წელს ზ. ჭიჭინაძის ნალეაწარ-ნამოქმედარის შეფასების დროს ლ. ასათიანი: „იმ უამრავ საკითხთა შორის, რომელზედაც უშრომია და უწერია ზაქარია ჭიჭინაძეს, არც ერთი არ არის დამუშავებული და შესწავლილი მკაცრ მეცნიერულ საფუძველზე. მას რომ ერთი რომელიმე სფეროთი შემოეფარგლა თავისი სამწერლო-სამეცნიერო მუშაობა, ჩვენის აზრით, განგრძობს ლეეან ასათიანი, იგი კვალს დაამჩნევდა იმ სფეროში და დასტოვებდა მეტად მნიშვნელოვან ნაშრომს არჩეულ დარგში. მაგრამ სამწუხაროდ, ეს არ მოხდა, ყურადღების დაფანტვა, საკვლევი ობიექტების იშვიათმა სიმრავლემ მის ნაშრომებს დაასვა დალი სიჩქარის, ზერელობის, დაუმუშავებლობის.

მას არ გააჩნდა გარკვეული ფილოსოფიური მსოფლმხედველობა, აქედან — ყოველგვარი მეთოდის უქონლობა და ეკლექტიზმი ლიტერატურულ, ისტორიულ და სხვა ხასიათის შრომებში...

სიჩქარით გამოწვეულ ზერელობას უნდა მიეწეროს ის ფაქტი, რომ ჩამოთვილილ ნაშრომებში ხშირია ზღაპრული, შეუძომებელი ცნობები, მოცემულია ნუსხები ისეთი მწერლებისა და თხზულებებისა, რომელთა შესახებ დღეს არავინ არ იცის რამე. ავტორს კი აღნიშნული არა აქვს საიდან ამოიღო ესა თუ ის ცნობა, ასეთივე მდგომარეობასთან გვაქვს საქმე მის სხვა ნაშრომშიც.

ყოველივე ნათქვამი, ცხადია, არ ნიშნავს, რომ ზაქარას თხზულებები მოკლებულნი არიან თავისებურ ღირსებას. ეს თხზულებები ბევრ შემთხვევაში შეიცავენ საინტერესო, მდიდარსა და ხშირად ძვირფას ფაქტიურ მასალას შესაფერი დარგის მკვლევარებისათვის¹⁵.

ზ. ჭიჭინაძის მემკვიდრეობის ღირსებისა და ნაკლის ასათიანისეული დახასიათება, სუპერკრიტიკული ჰათოსის მიუხედავად, უდაოდ ობიექტურია. თუმცა, აქვე უნდა აღინიშნოს, რომ ჭიჭინაძისათვის სრულიად უცხო იყო მსოფლმხედველობრივი განურჩევლობა. თავისი წრწამსითა და პრაქტიკული საქმიანობით ჭიჭინაძე ქართული პოპუ-

¹⁴ ლ. ასათიანი, ქართული მწერლობა, გვ. 283.

¹⁵ იქვე, გვ. 283-284. ზ. ჭიჭინაძის ნაშრომების ავ-კარგის განხილვას არა ერთ გამოკლევა მიეძღვნა. იხ. ე. ბუბულაშვილი, ზაქარია ჭიჭინაძე და საქართველოს ისტორიის საკითხები. თბ., 1987 გვ. 8-12, 77-83. (დისერტაცია ინახება ი. ჯავახიშვილის სახ. ისტორიის, არქეოლოგიისა და ეთნოგრაფიის ინსტიტუტის არქივში).

ლიზმის იმ ფრთის ტიპური წარმომადგენელი იყო, რომლისათვისაც გასული საუკუნის 80-იანი წლების მიწურულიდან ეროვნული და სოციალური სამუდამოდ გადაეჯავრა ერთმანეთს. ალბათ, ხსენებული ჰოზიციის ერთგულების გამო არის, რომ „დინჯად ნაწერი“ გამოკვლევების სიმრავლით განებივრებული თანამედროვე მკითხველი დღესაც ცხოველი ინტერესით ეცნობა „ქართველი შოველის“ ბიბლიოგრაფიულ იშვიათობად ქცეულ გამოცემებს და სწორედ ამ ნაუცბათვეად შექმნილ სახალხო წიგნებში ეძებს გულმართალ სიტყვას მთელი რიგი საკითხების შესახებ: „მესხეთ-ჭავჭავთის გათათრება“, ტფ., 1906; „ქართველების გათათრება ანუ ისლამის გავრცელება დასავლეთ საქართველოში (XVII—XVIII ს.)“, თფ., 1901; „ასპინძის ომის ისტორიის სიყალბე და რუსი გენერლის ტოტლებენის დალატის სინამდვილე“, ტფ., 1920; „აღამაჰმადხანის მეორედ შემოსევა და მათი წამქეზებლები, 1797 წ.“, ტფ., 1920; „კათოლიკეთა ეკლესია საქართველოში“, ტფ., 1903, „ქართველი კათოლიკე აქიმანდრიტი პავლე შაჰყულიანი (ქილიმუზაშვილი), 1769—1855 წ.“, თბ., 1904; „ქართველი კათოლიკე პატრი მიხეილ თამარაშვილი და მისი შრომანი“, თფ., 1904; „ქართველი კათოლიკენი ყველა ასპარეზზე“, თფ., 1905; „ქართველ კათოლიკეთა ვაჭრობა“, ტფ., 1905; „საქართველოს ვაჭრობა და მრეწველობა ძველად — გრიგოლ ხურციძე და სტეფანე ივანესძე ზუბალაშვილი ინდოეთში“, თბ., 1905; „ქველმოქმედნი — ლევან, პეტრე და იაკობ კონსტანტინეს-ძე ზუბალაშვილები“, თბ., 1905; „ლუთერის სჯულის ქართველები საქართველოში“, თბ., 1904; „ქართველი გრიგორიანები“, თბ., 1906; „ქართველი ებრაელები საქართველოში“, თბ., 1904 და სხვა.

ჩამოთვლილი ნაშრომების სათაურებიდანაც კარგად ჩანს, რომ ზ. ჭიჭინაძე საგანგებოდ ცდილობდა შეძლებისდაგვარად ფართოდ განეხილა ქართული საზოგადოებრიობის წინაშე მდგარი მწვავე პრობლემები. ეს სწრაფვა ჭიჭინაძისეულ გამოცემებს განსაკუთრებით პოპულარულს ხდიდა. ასეთი ბედი ხვდა წილად მის მიერ მომზადებულ თითქმის ყველა წიგნსა თუ ბროშურას, მათ შორის ქართველი ებრაელების ისტორიის წინამდებარე ნარკვევსაც, რომელიც 1904 წელს გამოაქვეყნა ავტორმა.

როგორც ცნობილია, მეფის რუსეთის მთავრობა მეტისმეტი მონდომებით ცდილობდა ჩაეხშო იმპერიის არარუსი ხალხების ეროვნული თვითშეგნების ყოველგვარი გამოვლინება და მათი ძალდატანებითი ასიმილაციის პოლიტიკას ახორციელებდა. აღნიშნული მიზნის მისაღწევად მიმართული მრავალრიცხოვანი ღონისძიებების ორგანიზატორები „დაყავი და იბატონეს“ პრინციპით ხელმძღვანელობდნენ,

ეკატერინე მეორის შემდეგ ანტისემიტობა ოფიციალურად აღიარებული სახელმწიფოებრივი დოქტრინის სტატუსი მოიპოვა და ამ პერიოდიდან მოყოლებული ებრაელების უფლებების შეზღუდვას რუსეთში სისტემატური ხასიათი მიეცა: მათ მკაცრად განესაზღვრათ განსახლების ადგილები, აეკრძალათ სოფლად ცხოვრება. მიწის შეძენა და დამუშავება, სახელმწიფოს სამსახური და სხვა.

XIX საუკუნის ბოლო მეოთხედში ანტისემიტურმა მოძრაობამ რუსეთში განსაკუთრებით მძაფრი ხასიათი მიიღო. მეფის მთავრობის მოხელეებმა ანტიებრაული განწყობილებების გასაღრმავებლად ათასგვარი ძველი და ახალი მონაჩმანის გავრცელებას მიჰყვეს ხელი. ისინი იმპერიის ხალხების უმძიმეს მდგომარეობაში ყოფნას ებრაელებს აბრალებდნენ და ყოველნაირად ცდილობდნენ მოსახლეობის დიდი ფენები დაეპირისპირებიათ თავად უბადრუკ მდგომარეობაში მყოფ ისრაელის შვილებთან. აღვირახსნილი კამპანიების ინსპირატორები პრესაში, „მხატვრული“ ნაწარმოებების ფურცლებზე, სხვადასხვა საკრებულოებსა თუ სასამართლოებში ებრაელებს ბრალს სდებდნენ ქრისტეს და მისი მიმდევრების რიტუალურ მკვლელობაში, პასეჟის პურისათვის ქრისტიან ყრმათა სისხლის გამოყენებაში, მართლმადიდებელთა სალოცავების შებილწვასა და უთვალავ სხვა გამოგონილ უმსგავსობაში. სამწუხაროდ, მსგავს „მოღვაწეთა“ რიგებში აღმოჩნდნენ რუსული ინტელიგენციის წარმომადგენლებიც — მწერლები. ჟურნალისტები, მეცნიერები, ღვთისმეტყველები. თვითმპყრობელობის მზაკვრულ პოლიტიკას შემზარავი შედეგი მოჰყვა: გასული საუკუნის დასასრულსა და ჩვენი საუკუნის დასაწყისში რუსეთის სამხრეთი და დასავლეთი გუბერნიები ებრაელთა სისხლიანი რბევის ასპარეზად გადაიქცა.

საქართველოში მსგავსი რამ არასოდეს არ მომხდარა, მაგრამ იმპერიაში აზვირთებულმა მღვრიე ტალღამ თავისებური გამოძახილი სამწუხაროდ ჩვენშიც ჰპოვა. ეს ვითარება მხედველობიდან არ გამოჩნენიათ ქართველ დემოკრატებს. ისინი ქართველებისა და ქართველ ისრაელთა მშვიდობიან თანაცხოვრების წესის საღარაჯოზე დადგნენ, ქართული პროგრესული პრესის ფურცლებზე სათანადო შინაარსის მასალების გამოქვეყნებას სისტემატური ხასიათი მიეცა¹⁶. ებრა-

¹⁶ საშავალითოდ რამდენიმე მათგანს დავასახელებთ: „ებრაელთა დღესასწაულს“ რომ მაშინ, ე. ი. ახალი წელი“, გაზ. „ივერია“, 1889, № 186; ზ. მთაწმინდელი, „ურჩიების დაბადება და ამაღლება. თორა იულონ ბატონიშვილისიულონ დარბაზში. ქართულ ენაზე ლოკვის საკითხი“, გაზ. „დროება“, 1877, № 208; ზ. ქიქიძე, „ურჩიების თორა და მათი დღესასწაული“, „დროება“, 1876, № 103; „ებრაელების ახალი სალოცავი თბილისში“, გაზ. „ცნობს ფურცელი“, 1897, № 339; „იაკობ ნათოლიშვილის რაბინად არჩევა“, „ცნობის ფურცელი“, 1900, № 1256; „ახლად დაარსებულ ებრაელთა სკოლის შესახებ“, „ცნობის ფურცელი“, 1902, № 1958; მიხ. ხახანაშვილის წერილების სერია „სახალხო გაზეთში“ და სხვა.

ელთა ისტორიისა და კულტურის, ქართველებისა და ებრაელები. უკუნოვანი მშვიდობიანი ურთიერთობის სხვადასხვა საკითხების გზილასა და სათანადო ფაქტების პოპულარიზაციას დიდი ამაგი დასდეს ეროვნულ-განმათავისუფლებელი მოძრაობის ლიდერებმა. ა პრობლემას შესანიშნავი წერილი მიუძღვნა ილია ჭავჭავაძემ. მან სასტიკად დაგმო მეფის მოხელეებისა და თავად-აზნაურობის რეაქციული ნაწილის მიერ ანტისემიტური განწყობილებების გასაღვივებლად „ჩატარებული ღონისძიებები“. კერძოდ, ე. წ. „ებრაელ მწვალებელთა“ საწინააღმდეგოდ მოწყობილი პროვოკაციული პროცესები ქუთაისსა და ხაშურში, რომლებსაც ებრაელთა უფლებრივი მდგომარეობის გაუარესება მოჰყვა¹⁷.

წინამდებარე ნარკვევი ქართველი სამოციანელების მიერ წამოწყებული კეთილშობილური საქმის თავისებური გაგრძელებაა. ამ წიგნის შექმნის მოტივების შესახებ გალაკტიონ ტაბიძე წერდა: „ქართველ ისრაელთა ცხოვრებამაც და მათმა ქართული ენის ხმარებამაც გაიტაცა ზაქარია. მან საქართველოს ისტორიაში მოსძებნა ისრაელთა შესახებ მასალები და დაბეჭდა „ისტორია ქართველ ისრაელთა საქართველოში“... მან დაასაბუთა, რომ საშუალო საუკუნეებში, როდესაც ევროპასა და რუსეთში ასე სასტიკად იღვევებოდნენ ებრაელები, საქართველოში ისინი ცხოვრობდნენ სრულიად უვნებლად და სარგებლობდნენ საქართველოს მეფეთა დიდი მფარველობით. ამ წიგნის ბეჭდვის გამო დიდი მადლობის წერილები მოსდიოდა ზაქარიას ქართველ ისრაელთა რაზინებისაგან. დღეს ეს ისტორია ერთობ იშვიათი საშოვნელია“¹⁸.

იმედია ქართველი ებრაელების ყოფისა და კულტურისადმი მიძღვნილი ამ პირველი ქართული წიგნის ახალ გამოცემას ინტერესით გაეცნობა თანამედროვე მკითხველი.

საავტორო ტექსტი იბეჭდება უმნიშვნელო შემოკლებით.

ვასტანგ ჩიქოვანი

17 პ. ფირანიშვილი, ეროვნულ-განმათავისუფლებელი მოძრაობის საკითხები ილია ჭავჭავაძის შემოქმედებაში. თბ., 1988 წ., გვ. 103.

18 გ. ტაბიძე, თხზ., ტ. XII, გვ. 43—44.